

# Jesu buhe dutiro tiquiro cūriquina tiquina yerire yahuri pũ ijire

---

—Espíritu Santo ahtarota, niahye ahri pũre ojoariquiro

**1** <sup>1-2</sup>Teófilo, ahri quitire mũhure ojoagu niaja. To pano yũhũ ojoa mũhtari pũre Jesu yerire, tiquiro buheyere mũhure yahu tuhasaũ. Tee uhmũsepu tiquiro mũjarire yũhũ yahu bato tii. Jesu tiquiro mũjato pano Espiritu Santo tutuaye mehna dutiahye tiquiro bese cūriquinare. <sup>3</sup>Sa ye Jesu curusapu tiquiro yariari bato ihquẽ tahari pagu tiriquiro bajuahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijiyere ihũoahye tiquinare. Sa bajoaro mari Pacu tiquiro puhtoro ijiyere quehnoañe buheyere yahuahye tiquinare.

<sup>4</sup>Jesu tiquiro cūriquina mehna ijinino tiquinare ohõ saha ni yahuahye:

—Jerusalẽputa ijiniña yojopũre. “Espiritu Santore mũsare ohogũtja”, yũhũ Pacu tiquiro nidiquirore cohteniña. Tire tiquiro nidire mũsare yahuu yũhũ. <sup>5</sup>Ñu mũsare wame yero aco mehna wame yemedi. Yũhu pehe ti yũhũoro yeitja mũsare. Mehenogã bato Espiritu Santore mũsa mehna ijiducugũ yeitja mũsare, niahye Jesu.

**Jesu uhmũsepu mũjaa wahahye**

<sup>6</sup>Sa ye ape taha cunpu Olivo wame tidupu Jesu tiquinare tiquiro bajuagu ihũañe tiquina sinituahye tiquirore:

—¿Puhto, Israe yehpare tiquina ehmarì yehpare duhse ijigũ usãre pari turi cũgũtjari mũhũ? ¿Duhse ijigũ mari acaye warore puhtoro sũgũtjari mũhũ? niahye tiquiro yequina.

<sup>7</sup>Tiquina sa nigũ tuhoro Jesu ohõ saha niahye:

—Mari Pacu dihita ti decore mũsa ya yehpare mũsa quehnoano ijiatire cũ masine. Ti decore mũsare masino basioerare. <sup>8</sup>Sa masiedapenata mũsare Espiritu Santo tiquiro wihigũ Cohãcjũ ye tutuayere cunonata mũsa. Tiquiro ye tutuayere mũsa cunona Jerusalẽ cjenare, ijipihityequina Judea yehpa cjenare, Samaria yehpa



(Hechos 1.3)

cjēnare, sa ye ijipihtiye yehpari cjēnare quehnoañe buheyere buhenata mūsa. Yūhū yariarire, yūhū masa mūjarire tiqinare buhenata mūsa, ni yahuahye Jesu tiqinare.

<sup>9</sup>Sa ni yahu tuhasa, Jesu ũhmūsepū mūjaa wahahye. Tiquina tiqirore ihña nññ tā mñogūta ehmeo curua puhiapū sajā, buti mūjaa wahahye. <sup>10</sup>Sa ye tiquina Jesu mūjariquirore tiquina ihña mñori watoa pñaro angele yehseye suhti sañañequina Jesu tiqiro cūriquina watoa bajuadūca sahye. <sup>11</sup>Sa ye tiqinare ohō saha niahye:

—¿Mūsa Galilea cjāna, dūhse ijiro boro ihña mñoducuna nijari mūsa? Ahriquiro Jesu ũhmūsepū mūjariquiro, tiqiro mūjariro saha ahtarota, ni yahuahye angele.

### Jesu cūriquina Juda mñanore comesatiqirore beseahye

<sup>12</sup>Sa ye Jesu yequina cñupū Olivo wame tidūpū ijiriquina dijia ta, Jerusalēpū tojoa sahye. Tū cñupūre ihcā kilómetro yūhdñeo cjño yoaro ijiahye Jerusalē dūhtū cahapūre. <sup>13</sup>Tojoa sa, ũhmñanopū tiquina ijiri tucūpū mūjaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macño ijiahye. Simo pehe celote wame tiri curua cjño ijimediquiro ijiahye. Juda pehe Santiago acayñro ijiahye. <sup>14</sup>Peye tahari ahriquina ijipihtiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacūre sinie tiahye.

<sup>15</sup>Sa ye ti decorire masa peyequina cahmecoahye. Ciento veinte ijiye ijiboaya. Sa yero Pedro pehe tiquiro mehna cjēna Cristo yequina watoa ducu, yahuahye tiquinare:

<sup>16</sup>—Yuhū acaye, Cohācjū panopū tiquiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnano Jesure űhehatiquinare ihñoriquiro ijiri. <sup>17</sup>Sa yeatiquiro ijieperota mari mehna Jesu yere yeriquiro ijimedi. Sa yero usā mehna cjūnota ijimedi, niahye Pedro.

<sup>18</sup>Jesure ihño dutiye tiquina wapa yerire Juda mūnano pehe wiari bato tiquiro basita wejē yariaa wahahye. Sa yero bora waha, tiquiro cūhta misi da tūhnūa waha, yariaa wahahye. Tiquiro wiari mehna apequina mehenogā yehpare dúahye. <sup>19</sup>Ijipihtiyequina Jerusalē cjēna masi pihti cāri jiri Juda mūnano tiquiro űnāno yerire. Sa masiñe tiquiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. <sup>20</sup>Came ohō saha ni nemoahye Pedro:

—Panopū tiquina ojoariro sahata sa wahari Juda mūnano. Salmō tiquiro ojoari pūpū ohō saha ni ojoahye:

Tiquiro wuhū cohōri wuhū ijiahro. Sa ye apequina ti wuhūre ijieracāhdo, ni, ojoahye.

Ohō gūhūre ohō saha ni ojoahye:

Apequiro tiquiro dahrayere comesariquiro ijirota, ni, ojoahye Salmopū.

<sup>21-22</sup>Sa yena mari ihcāquiro beseihna. űnu wame yeriquiro mūnāno masare tiquiro buheri watoa ihquēquina Jesu yequina mari mehna wahari. Tiquina mehna cjūnore ihcāquiro bese neno cahmene mari mehna cjūno ijiatiquirore. Jesu mehna mari ijigū mari mehna sa ijiducuriquirore besero cahmene. Sa mari beseri bato Jesu tiquiro masa mūjarire mari mehna buherota, ni yahuahye Pedro tiquiro acayere Cristo yequinare.

<sup>23</sup>Tiquiro sa nigū tūhoye pūarore bese bocahye tiquina. Ihcāquiro José Justo wame tiriquire beseahye. Tiquiro Barsaba tiquina ni pisuriquiro ijiahye. Sa ye apequire Matia wame tiriquire beseahye. <sup>24-25</sup>Tiquinare bese boca tuhasa, tiquina mari Pacūre ohō saha ni siniahye:

—Muhū usā pūhto, ijipihtiyequina masa tiquina tūhotuyere masine. Ahriquina pūaro usā beseriquina ijire. Juda mūnanore comesatiquirore diquiro mūhū cahmeniquirore beseya. Jesure cohātjiano Juda mūnāno pehe pecapū wahahye. Tiquirore comesariquiro Jesu tiquiro cūriquiro ijirota. Sa yero usā mehna quehnoañe buheyere buherota, niahye tiquina mari Pacūre.

<sup>26</sup>Sa niñeta Juda mūnanore comesatiquirore beseye tehe utā paca mehna doque cū mūjahye “Noa pehe sajānotari”, niñe. Matia tiquiro quehnoano wijiagū, tiquiro pehe Jesu cūriquina once cūriquina mehna cjūno tojoahye.

### Espíritu Santo Jesu yequina mehna iji ducahye

**2** <sup>1</sup>Sa ye Pentecoste wame tiri deco ijigũ tiquina ijipihtiyequina ihcã wuhũpũ cahmecoahye. <sup>2</sup>Ti pjereta wihnono tutuaro wẽno saha uhmũanopũ bisiro ca tahye. Sa bisiro ca tagũ tũhoahye ijipihtiyequina ti wuhũpũ ijiriquina. <sup>3</sup>Sa ye peca pohna yero saha ijiye tiquina ijipihtiyequina dapu paca bui bajuahye. Ti peca pohnarigã ñehmeno yero saha bajuahye. <sup>4</sup>Sa yero Espiritu Santo wihahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

<sup>5</sup>Ti decorire Jerusalẽpũ peyequina judio masa ijiahye. Mari Pacũre ño peoyequina ijiahye. Tiquina macaripe cjẽna ijiahye. <sup>6</sup>Sa ye uhmũserũ bisigũ tũhoye Jesu buheyequina cahapũ peyequina cahmecoahye. Masape ye yahuducuyere Jesu buheyequina tiquina yahuducugũ tũhoahye. Sa tiquina yahuducugũ tũhoye, tiquina tũho maria wahahye.

<sup>7-8</sup>—Ahyou, ¿Dũhse yeye ahriquina Galilea cjẽna ijiepetã quehnoano mari yere yahuducujari? Tiquina mari masa bajuariropũ ahtariquina yero sahata yahuducuye ca tare, niahye tiquina pehe.

<sup>9-10</sup>—Ijipihtiyequina mari yere yojopũre yahuducuye nine: Partia cjãna, Media cjãna, Elã cjãna, Mesopotamia cjãna, Judea cjãna, Capadocia cjãna, Ponto cjãna, Asia cjãna, Frigia cjãna, Panfilia cjãna, Egipto cjãna, Libiapũ ijiye macaripũ Cirene cahapũ ijina, Romapũ ahtarina ijiaja mari. Ihquẽquina judio masa ijiaja mari. Apequina mari judio masa ijiena, judio masa ye buheyere buhenapũ ijiaja mari. <sup>11</sup>Creta cjẽna gũhũ, Arabia cjẽna gũhũ ijire mari mehna. Sa yena ahriquina mari yere tiquina yahuducugũ tũhoaja mari. Tiquina mari ye mehna Cohãcjũ tutuaye mehna tiquiro yerire yahuye nine, ni yahuducuahye masa tiquina basi.

<sup>12</sup>Sa niñeta tiquina tũho acũaa waha, tiquina ihñarire tiquina tũhorire quehnoano masiedahye.

—¿Ahri dũhse ijiro boro ahriquina apequina ye mehna Cohãcjũ yere sa quehnoano yahuducujari, mũa tũhotugũ? ni cahme sinituahye tiquina basi.

<sup>13</sup>Tiquina sa ni tũhotuepegũta apequina tiquina mehna cjẽna bujũpeahye: —¿Dũhse ahriquina sihbiori sihni, queheye nijari? ni bujũpeahye apequina tiquina basi.

### Pedro masare yahuahye

<sup>14</sup>Sa yero Pedro once Jesu cũriquina mehna ducu, masare yahuahye:

—Mũa Judea yehpa cjãna, ijipihtina Jerusalẽpũ ijina, ahrire masiña mũa. Yũhũ yahugũ tũhoya mũa. <sup>15</sup>Mũa tũhotuye pote ijierare. Yojopũta nueve hora ijire. Sa ye ahriquina queherare. <sup>16</sup>Ahriquina Cohãcjũ panopũ tiquiro nidiro sahata yeye nine. Ti pjerũre Joere Cohãcjũ yere yahu mũhtariquirore, ahrire yahu dutiahye Cohãcjũ pehe:

17 Iji bato tiye decori ijigũ ohõ saha ijirota: Yaquiro Espiriture masare ijipihtiyequinare ohogutja. Sa ye mûsa pohnapu yeere yahueta. Sa ye mûsa mehna cjëna wahma pjia bajumehneñene ihñaeta. Sa ye mûsa mehna cjëna bucuna quehënopu quehëeta. 18 Sa yegu yuhu cahacjënare, yuhu cahacjëna numia gũhure yaquiro Espiriture ohogutja. Sa ye tiquina yahueta yeere. 19 Sa yegu yuhu tutuaye mehna bajumehneñene ye ihñogutja uhmunopu. Yehpau gũhure yuhu bajumehneñene ihñogutja: Diire, pecare, peca ohmeore ihñogutja. 20 Sa yero asũ deco cjüno nahitiaa waharota. Ñami cjüno dii yero saha sohãriquiro comesarota. Ohõ saha waharota Cristo mûsa puhtoro tiquiro ahtati deco, yuhu nidi deco pano. Ti decopu ihña maria wahaeta masa. Sa yero ihyo ijiri deco ijisi. Ti deco quehnoari deco ijirota. 21 Sa yero ohõ saha ijirota. Ijipihtiyequina masa Cristore tiquina ñañene cohã duti siniñequinare tiquiro tiquinare pecapu wahaboriquinare yuhðurota, nine Cohãcjü, ni ojoahye Joel.

22 Mûsa Israe masa yuhu yahugũ tuhoya: Jesu Nazare cjüno pehe Cohãcjü ohoriquiro ijiri. Jesure tiquiro ohorire masa tiquina masiato saha tiquiro tutuaye mehna ye ihñori mûsare. Mûsa tire masine. 23 Jesure ohori mûsare apequiro. Panopu Cohãcjü “Sa waharota”, tiquiro nidiro sahata sa yeri apequiro. Sa yena mûsa Jesure curusapu wejë dutiri masa ñañequinare. 24 Cohãcjü pehe Jesure yariariquiro munanore masori. Pari turi ne yariasi tiquiro. Tiquiro yaria dojoerare. Sa catiducuatiquiro ijire. 25 Ohõ saha niahye Davi panopu cjüno Cristo tiquiro niboriro sahata:

Yuhu puhto, yuhu mehna ijire mûhu. Ijipihtiye decori Cohãcjü yuhu puhto yuhu caha mûhu ijigũ ihñaeta tii yuhu cuerato saha. 26-27 Mûhu Cohãcjü yuhu jeripohnare yariayequina tiquina ijiropure ne cohãsi. Yuhure ñanopu yuhu jeripohnare cohãsi mûhu. Yuhu mûhu cahacjü mûhure ño peogu ijiaja. Yuhu pagure ahba dutisi mûhu. Sa yegu tutuaro bucueaja. Bucueye mehna yahuducuaaja. Sa yegu mûhure Cohãcjüre quehnoano wacü tutuagu ijigũ cuero marieno quehnoano iji cjã. 28 Yuhure pari turi catigũ yeguta mûhu. Yuhu mehna mûhu ijigũ tutuaro bucueaja, ni, ojoahye Davi munano Cristo tiquiro niboriro sahata.

29 Acaye, ohõ saha quehnoano yahugutja mûsare Davire mari acayuro, panopu cjünore. Tiquiro yariaa wahahye. Sa yero tiquirore tiquina yari cope yojopure ijire. Sa yero “Yuhu pagure ahba dutisi mûhu”, ni ojoaro tiquiro basi wame peo yahuro niedahye. 30-31 Panopu Cohãcjü Davi munanore ohõ saha niahye: “Poto niita niaja. Mûhu panamena iji turiayequina mehna cjüno mûhu yero saha ahri yehpa cjëna puhtoro ijirota”, niahye Cohãcjü Davire. Davi Cohãcjü yere yahu mûhtariquiro ijiahye. Sa yero Cristore Cohãcjü tiquiro puhtoro sõatire masino, Cristo tiquiro masa mûjatire yahu mûhta tuhasahye Davi pehe. Ohõ saha niahye: “Tiquiro yariayequina ijiropure iji dojoasi. Tiquiro pagu topu ahbasi”, niahye Davi. 32 Ahriquirore Jesure Cohãcjü masori. Usã ijiphtina ihña.

<sup>33</sup>Cristo mari Pacu poto pehepə ijire dutiriquiro ijiro. Sa yero tiquiro Pacuro “Espíritu Santore yehpapə ohogutja”, niahye tiquirore. Sa yero Cristo pehe ahriquinare Espíritu Santore oho. Yojoɸare Espíritu tiquiro yeyere mɸsa ihñana nine. Sa yena mɸsa tɸhore. <sup>34</sup>Davi mɸnano pehe Jesu tiquiro mɸjararo sahata uhmɸsepə mɸjaedahye. Sa yero tiquiro basi ohō saha niahye:

Cohācjū nidi yuhə pɸhtoro: “Yuhə poto pehepə dujiya mɸhə.

<sup>35</sup>Mɸhəre ihña tuhtiyequinare mɸhəre yuhdɸdɸca basautja yuhə”, nidi Cohācjū yuhə pɸhtoro, niahye Davi mɸnano.

<sup>36</sup>Sa yena ijipihina Israe masa ahrire quehnoano masiña mɸsa: Ahriquiro Jesure mɸsa curusapə wejēdiquirore mɸsa pɸhtoro sōri Cohācjū pehe. Tiquirore mɸsare yuhdɸoatiquirore Cristore cūri Cohācjū, ni yahuahye masare Pedro.

<sup>37</sup>Tiquiro sa nigū tɸhoye tutuaro bujua witiye, cueye masa pehe Pedro gūhəre sinituahye:

—¿Ūsā acaye, dɸhse yenatari ūsā? ni sinituahye tiquina.

<sup>38</sup>Tiquina sa ni sinitugū yuhtiahye Pedro gūhə:

—Mɸsa ñañe yeyere bujua witina ijiya. Quehnoañe pehere comesaya. Sa yena Jesu wame mehna wame yenohrina ijiya mɸsa ijipihina. Mɸsa sa yegū mɸsa ñañene borota Cohācjū. Mɸsa sa yegū Espíritu Santo mɸsa mehna ijirota. Cohācjū yaquiro Espíritu Santore sa oho cānota mɸsare.

<sup>39</sup>Mɸsare, mɸsa pohnare, mɸsa panamena iji turiayequinare, yoaropə cjēnare, ijipihitiyequina Cohācjū mari pɸhtoro tiquiro beseriquinare, “Potota yuhdɸogutja mɸsare”, ni, cūahye Cohācjū, niahye Pedro.

<sup>40</sup>Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena mɸsa pehe Cohācjū yequina ijiya. Mɸsa sa ijigū tiquiro mɸsare buhiri dahresi, niahye Pedro masare.

<sup>41</sup>Tiquiro sa nigū tɸhoye peyequina tiquiro yahuducuyere quehnoano tɸhoahye. Sa yero tiquinare tiquiro wame yeahye. Sa ye Cohācjū yequina mehna cjēna tres mil masa waha nemoahye. <sup>42</sup>Sa ye tiquina masa Cristo cūriquina mehna decoripe ijie tiahye. Sa ye tiquina ti buheyer decoripe tɸhoe tiahye. Tiquina ihyayere cahme iti, Cohācjūre sini, Cristo cūriquina mehna quehnoano ijie tiahye.

### **Jesu yequina coā iji dɸcayequina tiquina ijiye tiyere yahuahye**

<sup>43</sup>Sa ye Cohācjū tutuaye mehna ye ihñohaye Jesu cūriquina. Tiquina sa yegū ihñañe masa ijipihitiyequina ihña maria wahae tiahye. <sup>44</sup>Sa ye ijipihitiyequina Jesure wacū tutuayequina cahmecoa, quehnoano ijie tiahye. Sa ye tiquina yere cahme itie tiahye. <sup>45</sup>Tiquina yere dua, ijipihitiyequinare apee boro marieñequinare tiquinape oho tiahye tiquina. <sup>46</sup>Sa ye decoripe tiquina Cohācjū wuhɸpə cahmecoae tiahye. Ijipihitiyequina tiquina ye wuhɸsepə bucueye mehna cahmecoa, ihyae tiahye. <sup>47</sup>Tiquina sa cahmecoa, “Cohācjū quehnoariquiro ijire”,

ni ño peoe tiahye. Sa ye apequina masa tiquinare cahme yũhdæ tiahye. Sa yero decoripe Cohãcjũ apequinare tiquiuro yequina wahagũ yee tiahye.

### Tini masieniquireo yũhduoahye mari Pacu

**3** <sup>1</sup>Ñamicahapũ tres ijigũ Cohãcjũ mehna yahuducuri pje ijigũ Pedro, Ñũ mehna Cohãcjũ wũhũpũ wahaye niahye. <sup>2</sup>Decoripe ti wũhũ cjã sopecaha quehnoari sopecaha wame tiri sopecahapũ apequina ihcãquiuro masũnore ne cãhta, duhu dapoe tiahye. Tiquiro masũno pehe wahma masa bajaropũta tini masiedahye. Sa yero tiquiuro ti sopecaha caha niñerure sini dujie tiahye ti wũhũpũ sajãnequinare. <sup>3</sup>Sa ye Pedro, Ñũ mehna ti wũhũpũ tiquina esadãcagũ tini masieniquireo pehe tiquinare ihña, niñerure siniyahye. <sup>4</sup>Sa ye Pedro gũhũ tiquiore ihña, Pedro pehe ohõ saha niahye:

—Ûsãre ihñaña mũhũ, niahye Pedro tiquiore.

<sup>5</sup>Tiquiro sa nigũ tũhoro “Ahriquina mehenogã yũhũre niñerure ohoeta”, ni tũhoturo ihñadoque ohõ, tũhoahye tiquinare. <sup>6</sup>Tiquiro sa ni tũhotuepegũta Pedro tiquiore ohõ saha ni yahuahye:

—Niñerure cũoeraja yũhũ. Cũoerapeita, ahrire yeitja mũhũre.

Jesucristo Nazare cjũno tiquiuro tutuaye mehna tiniña mũhũ, niahye Pedro tini masieniquireo.

<sup>7</sup>Sa ninota tiquiuro omocare poto pehe cjã omocare ñehe, tiquiore weje wahcõ docoahye. Ti pjeta tini masieniquireo tiquiuro ñecari tutuaa wahahye. <sup>8</sup>Tiquiro sa wahari bato tiquiuro wahcãdũca sa, waha dũcahye. Sa yero tiquiuro waha, uhpu maa, “Cohãcjũ quehnoariquiuro ijire”, ni bucueahye. Sa bucuero tiquina mehna Cohãcjũ wũhũpũ sajã wahahye. <sup>9</sup>Tiquiro sa tinigũ “Cohãcjũ quehnoariquiuro ijire”, tiquiuro nigũ masa ijipihtiyequina tiquiore ihñahye. <sup>10</sup>Sa ye masa tiquiore ihña masiahye. Tiquiro Cohãcjũ wũhũ cjã sopecaha quehnoari sopecaha caha niñerure tiquiuro sini dujirire masiahye masa. Sa ye tiquiuro tinigũ ihñañe, ihña maria wahahye.

### Cohãcjũ wũhũpũ Pedro masare buheahye

<sup>11</sup>Sa ye tini masieniquireo Pedro gũhũre tiquiuro ñeheni watoa, masa ijipihtiyequina ihña maria waha, quehnoari paapũ Salomo wame tiri paapũ oma cã, cahmecoahye. <sup>12</sup>Tiquina sa cahmecoari bato Pedro pehe yahuahye tiquinare:

—¿Mũsa Israe masa, dũhse yena ahriquiore ihña mariajari? ¿Dũhse yena ãsãre mũsa ihña nũnũajari? Ûsã pehe ãsã ye tutuaye mehna Cohãcjũre ãsã wacũ tutuaye mehna ãsã esa tuharo ahriquiore tinigũ yerũ ãsã. <sup>13</sup>Abrahã, Isaac, Jacob mari ñecusũmũa panopũ cjẽna Cohãcjũre ño peoe tiahye. Tiquiro Cohãcjũ pehe tiquiuro cahãcjũnore Jesure tutuariquiuro, quehnoariquiuro tiquiuro ijigũ mũsare ihñoœ tiri. Mũsa Jesure tiquiore ihña tuhtiyequinare ohori. Sa yena Pilato tiquiore peresu wio duepegũta mũsa pehe tiquiore wiogũ cahmedari. Pilatore Jesure ohori mũsa. <sup>14</sup>Pilato tiquiore wio duamedì. Tiquiro sa wio duepegũta mũsa



Jesure quehnoariquiore, quehnoano yeriquiore cahmedana, apequiore masa wejēdiquiore pehere wio dutiri masa. <sup>15</sup>Sa yena Jesure marine catigū yeriquiore wejēdi masa, usā acaye judio masa. Tiquiro yariagū Cohācjū tiquiore masori. Tire usā ihñan. <sup>16</sup>Sa yena usā tiquiore wacū tutuana ijiaja. Usā sa wacū tutuagū ihñano ahriquiore masa yojopū ihñariquiore masa ihña masiniquiore Jesu pehe tiquiro tutuaye mehna tinigū yeri.

<sup>17</sup>Yūhū acaye, mari pūhtoā mehna Jesure quehnoano masiedapenata tiquiore wejēdi masa. Tire masiaja yūhū. <sup>18</sup>Sa ye panopū cjēna Cohācjū yere yahu mūhtariquina Cohācjū tiquinare tiquiro yahu dutihiro sahata yahuahye tiquina. “Cristo ñano yūhdūrota”, ni yahuahye tiquina. Tiquina sa ni yahuriro sahata sa wahari yojopūre. <sup>19</sup>Sa yena yojopūre masa ñañe yerire būjūa witina ijiya. Quehnoañe pehere comesaya. Cristore wacū tutuaya. Sa yero masa ñañe yerire borota Cohācjū. Sa yero mūsare bucueye decori cūnota tiquiro. Sa yena quehnoano jeri sajānata. <sup>20</sup>Sa yero Cohācjū Cristore tiquiro beseriquiore mūsare ohorota. Cristo Jesuta ijire. <sup>21</sup>Cohācjū cahapū iji nine Jesu. Panopū Cohācjū tiquiro yere yahu mūhtariquinare yahuyu dutiahye. Masare ahri yehpa gūhūre tiquiro yeatire yahuyu dutiahye. Sa yero tiquiro yahuriro sahata yojopūre ijipihtiyere quehnono nine. Quehno tuhasaro pari turi Cristore ahri yehpapū ohorota. <sup>22</sup>Moise tire yahuro ohō saha niahye: “Mari mehna cjānore mari acayūrore Cohācjū yere yahu mūhtariquiore Cohācjū mari pūhtoro ohorota mūsare. Yūhūre tiquiro ohoriro saha ohorota tiquiro gūhūre. Sa yena mūsare tiquiro yahugū tūho pihti cāhña masa. <sup>23</sup>Ohō saha ijirota. Ijipihtiyequina tiquiore tūhoerariquinare, tiquiro dutiyere yerariquinare tiquiro cohānota. Cohācjū yequina mehna cjēna ijisi tiquina”, niahye Moise.

<sup>24</sup>Ijipihtiyequina Cohācjū yere yahu mūhtariquinape Samuel, tiquiro bato ijiyequina gūhū ahri decorire yahuahye. <sup>25</sup>Mari ñecusūmūare panopū cjēnare yahuahye Cohācjū. Mari gūhūre sa ni yahuro niahye. Abrahāre tiquiro nidiro sahata mari gūhūre ni yahuro niahye. Ohō saha ni yahuahye Cohācjū Abrahāre: “Ijipihtiri yehpa cjēnare quehnoano yeitja. Ohō saha tire yeitja: Camerū iji nūnū tāriquiore mūhū acayūro pehe masare quehnoano ye basarota yūhūre”, niahye Cohācjū Abrahāre. <sup>26</sup>Sa yero Cohācjū tiquiro macūnore mari cahapū oho mūhtari mari ñañe yeyere duhu dutiatiquiore. Sa yero marine tiquiro quehnoano yeri, niahye Pedro tiquinare.

### Pedro, Ñu mehna pūhtoare yahuducuahye

**4** <sup>1-3</sup>Masa mehna tiquiro yahuducuri watoa pahia, Cohācjū wūhūre cohteyequina surara pūhtoro, saduceo masa gūhū tiquinare tūhoahye. Ohō saha ni buheahye Pedro Ñu mehna masare:

—Jesu tiquiro yariari bato masa mūjaa wahari. Tiquiro sa masagū ihñana mari gūhū came mari tiquiro yequina mari masa mūjatire masiaja mari, ni yahuahye Pedro gūhū.



Tiquina sa nigũ tũhoye pũhtoa pehe tiquina mehna usuahye. Sa usuaye nahi quehagũ ihñañe tiquina Pedrove, apequina Jesu cũriquina gũhũre ñehe, peresu yeahye. <sup>4</sup>Pũhtoa tiquina sa cahmedapegũta peyequina Cohãcjũ yere tũhoyequina pehe “Ijirota ijire”, ni tũhotuahye. Sa ye Jesu yequina peyequina sajahye. Tiquinare mũma sehsharore mari queogũ Jesure wacũ tutuayequina cinco mil masa ijiahye.

<sup>5</sup>Sa ye ape decopũ ti maca cjẽna pũhtoa, bucuna, judio masa buheyequina mehna Jerusalẽpũ cahmecoahye. <sup>6</sup>Sa yero pahia pũhtoro, Anás wame tiriquireo topũ ijiahye. Tiquiro acaye gũhũ ijiahye. Caifa, Ñu, Alejandro, apequina mehna Anás acaye gũhũ ijiahye. <sup>7</sup>Sa ye tiquina Pedro gũhũre tiquina cahmedoqueogũ, surara pehe pũhtoa watoapũ tiquinare ne wihi docoahye. Tiquina sa yeri bato pũhtoa sinituahye Pedro gũhũre:

—¿Noa ye tutuaye mehna mũsa tiquirore tinigũ yeari? ¿Noa ijiajari mũsare tire ye dutiriquireo? ni, sinituahye tiquina.

<sup>8</sup>Tiquina sa nigũ tũhoro Espĩritu Santo tutuaye mehna yahuahye Pedro tiquinare:



(Hechos 4.7)

9—¿Musa puhto, musa bucna, usã tini masieniquirore quehnoa wahagũ usã yerire sinituna nijari musa? 10Ahrire masiña musa ijipihitina, Israe masa. Ahrire Jesucristo sa yeri. Jesu Nazare cjuño, musa curusapu wejediquire, Cohãcju tiquire masoriquiro pehe ahriquire tini masieniquirore quehnoa wahagũ yeri. Sa yena ahriquirere yojopure musa ihnonopu tiquire tinigũ ihñare musa. Ohõ saha nine Cohãcju yere tiquina ojoari pupu Cristore yahuro: 11“Ahriquire utã yero saha ijiriquiro jire. Utãre wuhũ dahreatiquina tiquina cohãno saha masa tiquirere cohãri. Tiquina sa yepegũta yojopure wuhũ dahreriquina wuhũre yeye tiquina cũ muhtari utãre tiquina cũno saha Cohãcju tiquirere puhtoro sori. Tiquire Cristo pehe mariedagũ Cohãcju yequina wahaeraboaya masa. Tiquire sa ihyo ijiriquiro ijierapegũta musa mari puhto mehna tiquirere cahmedari. Musa sa cahmedapegũta Cohãcju pehe tiquirere mari puhtoro sori”, ni ojoahye panopure. 12Ne, apeqiro masare pecapu wahaboriquinare yuhduoriquiro ne mariedare. Ahri yehpãre Jesu dihita masare yuhduoriquiro jire. Ne apeqina tiquire yero saha ijiequina ne mariedare, ni yahuahye Pedro tiquire.

13Tiquire sa ni yahuri bato Pedro, Ñu mehna buhemehneñequina tiquina ijigũ ihñañe, cuero marieno tiquina buhegũ ihñañe, puhto, bucna, judio masa buheyequina mehna tuho maria wahahye. Sa ye Jesu yero saha tiquina buhegũ ihñañe, ohõ saha masiahye tiquina: “Pedro, Ñu gãhu potota Jesu mehna cjeña jire ahriquina”, ni, masiahye tiquina. 14Sa yero tini masieniquiro ijimediquiro Pedro gãhu mehna ijiahye. Tiquire quehnoariquiro ijigũ ihñañe puhto, bucna, judio masa buheyequina mehna. Sa ye tiquina Pedro gãhũre “Nano yeye nine”, ni yahusã masiedahye. 15Sa yahusã masiedaye, puhto tiquina cahmecoari tucũpu ijieyquinare Pedro gãhũre wijia dutiahye. 16Tiquina wijari bato tiquina basi ohõ saha ni yahuducuahye:

—¿Ahriquinare dũhse yenatari mari? ni, yahuducuahye tiquina.

Ohõ saha ni yahuducu nemoahye:

—Pedro, Ñu mehna Cohãcju tutuaye mehna tini masieniquirore tinigũ yeri jiri. Sa ye Jerusalẽ cjeña ijipihitiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. 17Sa yena Jesu tiquire buherire apeqinane buhe dutieracũhna tiquire, “Apeqina ti buheyere cahmeari”, nina, ni yahuducuahye tiquina basi.

18Sa ni yahuducu tuhasa Pedro gãhũre pijio, ohõ saha niahye:

—Jesu tiquire buherire ne buheracãhña apeqinane. Tire ne yahuducueracãhña, nimahye tiquire.

19Tiquina sa nigũ tuhoye Pedro, Ñu mehna ohõ saha niahye tiquire:

—Musa ohõ saha nigũ musare yuhtina, Cohãcju pehere yuhduducana niboaga usã. ¿Noa pehere usã yuhtigũ cahmejari musa? ¿Musa pehere usã yuhtigũ cahmejari musa? ¿O Cohãcju pehere usã yuhtigũ cahmedajari musa? 20Usã pehere usã ihñarire, usã tuhore usãre nuono basioerare, ni yuhtiahye Pedro, Ñu mehna.

21Tiquina sa nigũ tuhoye puhto pehe pari turi dutimahye tiquire tja:

—Jesu tiquiro buherire masa buheri buhiri ñano yuhdunata masa, nimahye puhto a tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yuhdugũ ihñañe, “Cohãcjũ potota quehnoariquiro ijire”, niahye masa. Tiquina sa nigũ tuhoye puhto a pehe Pedro gũhure buhiri dahre masieda, tiquinare wioahye. <sup>22</sup>Tini masieniquiro, tiquina yuhduoriquiro cuarenta cuhmari cøoriquiro ijiahye.

### Jesu yequina tiquina cueratire siniahye Cohãcjũre

<sup>23</sup>Sa ye Pedro, Ñu mehna tiquina mehna cjẽna caharũ esa, pahia puhto, bucuna tiquinare tiquina nidire yahuahye. <sup>24</sup>Tiquina sa nigũ tuhoye tiquina ijipihtiyequina mari Pacure Cohãcjũre siniahye:

—Usã puhto, mũhũ uhmũsere, yehpare, mári gũhure yerigũ, ijipihtiyequina catiyequinare yerigũ ijire mũhũ. <sup>25</sup>Mũhũ yaquiro Espíritu Santo usã ñecu munano Davire mũhũ cahacjũnore ahrire yahu dutiahye mũhũ nidiro sahata:

¿Dũhse ye Israe masa ijieyequina usuajari? Tũho masieñequina ijire masa. <sup>26</sup>Peye yehpari cjẽna puhto a cahmeco, mari puhtoro Cohãcjũre, tiquiro puhtoro søriquiro Cristo gũhure ihña tuhti, ñano ye duare tiquinare, ni yahu dutiahye mũhũ Davire panopũre.

<sup>27</sup>Sa tjire. Ahri macarũ Herode, Poncio Pilato, judio masa ijieyequina, judio masa mehna mũhũ beseriquirore Jesure quehnoariquiro mũhũ cahacjũnore wejẽ duaye, cahmecoari. <sup>28</sup>Ti pje mũhũ cahmediro sahata “Sa waharota”, mũhũ nidiro sahata yeri tiquina. Mũhũ masiñe mehna sa ni yahuahye mũhũ. <sup>29</sup>Sa yegũ usã puhto, tiquina usãre “Masa buheri buhiri ñano yuhdunata”, tiquina nidire wacũña mũhũ. Usãre yuhduoya. Sa yegũ usãre mũhũ cahacjũnare cuero marieno mũhũ buheyere yahu dutiya usãre. <sup>30</sup>Mũhũ tutuaye mehna dohatiyequinare yuhduoya. Sa yegũ mũhũ buheyere cuero marieno yahu dutiya usãre. Sa yegũ Jesu quehnoariquiro mũhũ cahacjũno tiquiro tutuaye mehna ye ihño dutiya usãre. Sa yegũ dohatiyequinare usã yuhdu dutigũ tiquiro tutuaye mehna yedohoya usãre, ni siniahye tiquina mari Pacure.

<sup>31</sup>Tiquina sa ni sinidi bato, tiquina cahmecoari wũhũ ñuhmia wahahye. Sa ñuhmigũta Espíritu Santo tiquiro tutuaye mehna wacũ tutuayequina wahagũ yeahye tiquinare. Sa wahaye, Espíritu Santo tiquiro dutiriro sahata yeye, cuero marieno Cohãcjũ yere yahuahye tiquina.

### Jesu yequina tiquina yere itie tiahye

<sup>32-33</sup>Sa ye Cohãcjũ tiquiro tutuaye mehna tiquina Jesu cũriquina ohõ saha ni yahue tiahye masare: “Jesu tiquiro masarire usã ihñañe”, ni, yahue tiahye tiquina masare. Sa yero tiquinare ijipihtiyequinare Cohãcjũ quehnoano yedohoducue tiahye. Sa ye Jesure wacũ tutuayequina peyequina ijiye, tiquina ihcãno saha tuhutuyequina ijie tiahye. Sa ye tiquina yere, tiquina doeri cjẽne “Yee dihita ijire”, ne nieda tiahye. Tiquina ijipihtiyequina tiquina yere apee

boro marieñequinare tiquina mehna cjênare itie tiahye. <sup>34</sup>Sa ye tiquina mehna cjêna pejecuoyequina marieda tiahye. Tiquina mehna cjêna dihta cuoyequina, wuhuse cuoyequina tiquina yere duae tiahye. <sup>35</sup>Sa duaye tiquina wapatarire ne cãhta, Jesu cûriquinare ohoe tiahye. Sa ye tiquina pehe tire tiquina mehna cjênare itie tiahye. Ijipihtiyequina cuoyequinare itie tiahye. <sup>36</sup>Ti pjere ihcãquiro tiquina mehna cjũno José wame tiriquire ijiahye. Jesu cûriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cjũno Chipre nucuo cjũno ijiahye. <sup>37</sup>Sa yero tiquiro wese cuoriquiro ijiro tire duahe. Sa yero tiquiro wapatarire Jesu cûriquinare ohoahye tiquiro apequinare iti dutiro.

### Anania tiquiro namono Safira mehna ni mehoahye

**5** <sup>1</sup>Apequina gãhu Bernabé yero saha yemahye. Tiquina Anania wame tiriquire, tiquiro namono Safira wame tiricoro ijiahye. Tiquina ya wesere duahe tiquiro. <sup>2</sup>Sa dueperota tiquiro wapatarire tiquiro basi neahye. Tiquiro namono gãhu tiquiro sa yerire masiahye. Sa yero tiquina wapatarire tiquina dũharire ne cãhta, Jesu cûriquinare ohoahye Anania pehe. Sa ohoro “Oho pehogu niaja”, nimahye tiquiro. <sup>3</sup>Tiquiro sa yegũ ihñano Pedro tiquirore yahuahye:

—Anania, watĩno mũhure ni meho dutiri jiri Espĩritu Santore. Sa yegũ mũhu ya yehpare dua, mũhu wapatarire mũhu basi nedi jiri. <sup>4</sup>Mũhu duato pano mũhu ya wese ijiri. Sa yero mũhu duari bato mũhu ye wapata ijiri. ¿Sa yegũ dũhse ijiro boro sa ni mehoari mũhu? Mũhu usã dihitaré ni mehoedari. Cohãcjũ gãhure ni mehoari mũhu, niahye Pedro tiquirore.

<sup>5</sup>Tiquiro sa nigũ tuhõrota, Anania pehe doque quehe sa, yariaa wahahye. Sa ye ijipihtiyequina tiquiro sa wahagũ masiñe, tutuaro cueahye. <sup>6</sup>Tiquiro yariari bato wahma pjia ahta, tiquiro pagure suhtiro cahsero mehna wahme, sopechapu ne wijia, yahye tiquirore.

<sup>7</sup>Sa ye ihtia hora bato Anania mũnano namono, tiquiro yariarire masiedaro Pedro cahapu sajãhye. <sup>8</sup>Sa yero Pedro ticorore ohõ saha niahye:

—¿Musa ya wesere duatjãna noho puno wapatari musa? niahye tiquiro.

Sa yero ticoro manũno mũnano tiquiro nidiro punota, “To punota wapatau usã”, ni yahumahye ticoro.

<sup>9</sup>Sa yero Pedro yahuahye ticorore:

—¿Dũhse yena musa ihcãno saha Cohãcjũ yaquiro Espĩriture ni meho duajari? Tuhõya yojõpũre. Mũhu manũno mũnanore yariquina ahtare. Mũhu gãhure mũhu pagure neñe taye nine, niahye Pedro.

<sup>10</sup>Tiquiro sa ni yahugũta ticoro doque quehe sa yariaa wahahye. Sa ye wahma pjia ti wũhure sajã wihi, ticoro pagure ne wijiaa wahahye. Ne wijia ticorore ne cãa wahahye. Ne cã, ticoro manũno mũnano pari paha yahye.

<sup>11</sup>Sa ye Jesu yequina ijipihtiyequina apequina tire tuhõye cue yũhdũahye.

### Jesu cūriquina Cohācjū tutuaye mehna ye ihñoahe

<sup>12</sup>Sa ye masa watoapū Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūpū quehnoari tucūpū cahmecoae tiahye. <sup>13</sup>Sa ye apequina tiquinare cueye, tiquina cahapū wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. <sup>14</sup>Sa ye umua, numia peyequina Jesure wacū tutua dūcahye. <sup>15</sup>Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahapū tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina yūhdugū cahmeñe. Tiquinare tiquiro ña peoeragū Pedro tiquina bui watīdoque peogū cahmeahye tiquina. Ti dihitare cahmeahye tiquina yūhdūato saha. <sup>16</sup>Sa ye Jerusalē caha ijiye macari cjēna gūhū dohatiyequinare, watīa mehna ijiyequina gūhūre ne cāhtae tiahye. Ijipihtiyequina tiquina pagārī quehnoa wahahye.

### Jesu cūriquinare apequina ñano yee tiahye

<sup>17</sup>Tiquina sa yegū ihñāñe pahia pūhtoro, tiquiro mehna cjēna mehna Pedro gūhūre ihñā tuhtiahye. Pahia pūhtoro mehna cjēna saduceo masa ijiahye. <sup>18</sup>Sa ye tiquina usua yūhdūa, Jesu cūriquinare ñehe, peresu yeahye. <sup>19</sup>Sa yero ñamipū Cohācjū yaquiro angel pōoahye tiquinare peresupū dujiyequinare. Sa ye tiquinare wijia ta dutiro yahuahye angel:

<sup>20</sup>—Cohācjū wūhūpū wahaya. Ti wūhūpū ijina Cohācjū tiquiro masorire ahri quehnoañe buheyerē yahuya masare, niahye angel tiquinare.

<sup>21</sup>Tiquiro sa nigū tūhoye, ñami cjūno Cohācjū wūhūpū sajā, masare buheahye tiquina. Ti decota pahia pūhtoro, tiquiro mehna cjēna, Israe masa pūhtoa mehna cahmecoa, Jesu cūriquinare peresupū ijiyequinare ne cāhta dutimahye surara pūhtoare. <sup>22</sup>Sa niepegūta surara pūhtoa peresu tiquina yeri wūhūpū waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina pūhtoare:

<sup>23</sup>—Peresupū ijiye sope pahmari bihari pahmari dihita ijiri. Sa ye ti pahmari cahapū tiquina peresu yeriquinare cohteyequina ducuri. Sa ihñāñ usā. Usā sa ihñāiepegūta pōo sāa, usā ihñāgū, tiquina peresu yeriquina mariedari, ni yahuahye tiquina.

<sup>24</sup>Tiquina sa nigū tūhoye, surara Cohācjū wūhūre cohteyequina pūhtoro, pahia pūhtoa mehna tire tūho, tūho maria wahahye. “¿Dūhse waha sohtori tirotari ahri, tiquina sa yeye?” ni, tūhotuahye tiquina. <sup>25</sup>Sa yero tiquina cahapū apequiro ahta, tiquinare yahuahye:

—Mūsa peresu yeriquina Cohācjū wūhūpū ijiri. Ihñāna wahaya. Ti wūhūpū masare buheye nidi tiquina, ni yahuahye.

<sup>26</sup>Tiquiro sa nigū tūhoro, surara pūhtoro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye

quédahye tiquinare. “Ahriquinare mari quégũ apequna masa pehe utã paca mehna doqueeta marine”, ni, tũhotuahye tiquina surara pehe. <sup>27</sup>Sa ye tiquinare ne cãhta, pũtoa caha duhu docoahye tiquina. Tiquina sa ne wihi duhu docogũ pahia pũtoro tiquinare tuhtiahye:

<sup>28</sup>—Mũsare usã tutuaro dutimi. “Jesu yere buheracãhña”, nimi usã mũsare. Usã sa niepegũta mũa pehe ijipihtiyequina Jerusalẽ cjẽnare buheri mũa. Jesu tiqiro yariari buhiri, usãre buhiri tigũ ye duana niaga mũa, niahye pũtoro pehe.

<sup>29</sup>Tiqiro sa nigũ tũhoro Pedro pehe apequna Jesu cũriquina mehna yũhtiahye:

—Cohãcjũ dutiri pehere ye mũhtanãtja. Sa yena came Cohãcjũ cahmegũ masa tiquina dutiyere yenãtja. <sup>30</sup>Cohãcjũ, mari acaye panopũ cjẽna pũtoro Jesure masori jiri. Tiqirota ijire mũa curusapũ quẽ biha wejẽdiqiro.

<sup>31</sup>Jesure “Quehnoagũ ijire”, ni, tiqiro poto pehe duji dutiri Jesure tiqiro Pacũro pehe. Sa yero Jesu masa pũtoro, masare masoriquiro ijiro, Israe masare tiquina ñãñe yerire bũjũa witiyequina iji dutiro, tiquina ñãñene cohã duare Jesu. <sup>32</sup>Sa yena usã pehe Jesu tiqiro yerire ihñarina ijina tire yahuaja usã. Espĩritu Santo tire ihñariquiro ijiro yahure tiqiro gũhũ. Tiqirore Espĩritu Santore Cohãcjũ ohori. Ijipihtiyequina Cohãcjũ dutiyere yeyequinare tiqiro Espĩritu Santore ohori, ni yahuahye tiquinare.

<sup>33</sup>Tiqiro sa nigũ tũhoye pũtoa pehe usua yũhdũahye. Sa ye tiquina Jesu cũriquinare wejẽ duamahye. <sup>34</sup>Sa wejẽ duepegũta Gamalie, fariseo masũno topũ ijiriquiro tiquinare “Wejẽari”, nino tiquinare yahuro taro niahye. Tiqiro pũtoa mehna cjũno, dutiyere buheriquiro ijigũ, masa tiqirore ño peoe tiahye. Tiqiro Jesu cũriquinare mehenogã cohte dutiro ape siepũ tiquinare ne cã dutiahye surarare. Tiquina sa ne cãri bato tiqiro yahuahye masare:

<sup>35</sup>—Mũa Israe masa, ahriquinare mũa yeatire quehnoano tũhotuya “Mũsapũ wejẽari”, nina. <sup>36</sup>Wacũña Teuda mũnanore. Tiqiro basi “Masare yũhdũdũcagũ ijijaja yũhũ”, nidi masare. Sa ye masa peyequina cuatro cientos masa tiqiro mehna cjẽna tojoari. Sa ye apequna pehe tiqirore wejẽdi jiri. Tiqiro buheyere buheriquina pehe waha sitea wahari jiri. Sa ye tiquina mũna yojopũre mariedare. <sup>37</sup>Came masare tiquina queori pje ijigũ Galilea cjũno Juda wame tiriqiro mũnanano masare tiqiro buhegũ tiqiro mehna masa peyequina tojoari. Tiqiro gũhũ yariaa wahari jiri. Sa ye tiqiro yequina ijipihtiyequina waha sitea wahari jiri. <sup>38</sup>Sa nigũ mũsare yojopũ ahrire yahugũ niaja. Sa ihña cãhña ahriquinare Jesu yere yahuyequinare. Sa ye ahri buheye, ahriquina ye buheye Cohãcjũ ye buheye ijieraro, pihtia waharota Teuda gũhũ tiquina ye buheye ti pihtiriro sahata. <sup>39</sup>Sa ijiepegũta ahri Cohãcjũ ye buheye ijiro, ne pihtisi. Ahri buheye Cohãcjũ ye ijigũ ne ahrire butigũ ye masiedare mũa. Mũa ahrire butigũ ye duana Cohãcjũ mehna cahmequena niboaga mũa, niahye Gamalie tiquinare.

<sup>40</sup>Tiqiro sa ni yahugũ tũhoye, “Ijirota ijire”, ni tũhotuahye masa. Sa ye tiquina Jesu cũriquinare pijio, tiquina wihigũ ihñãñe, tiquinare tanahye. “Jesu yere

buhercāhña mŭsa”, ni tuhasa, tiquinare waha dutiahye. <sup>41</sup>Tiquina sa waha dutigŭ tuhoye tiquina pŭtoa cahapŭ ijiriquina wahaa wahahye. Jesu yere tiquina yeri buhiri ñano yāhdŭye tutuaro bucueahye Jesu cŭriquina. <sup>42</sup>Sa ye decoripe Cohācjŭ wŭhŭpŭ, tiquina ye wŭhŭsepŭ Cristo Jesu ye buheyere yahue tiahye tiquina.

### Siete yedohoyequinare beseahye Jesu yequina

**6** <sup>1</sup>Ti decorire Jesu buheyequina peyequina wahahye. Sa ye judio masa tiquina quehnoano yeragŭ ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragŭ ihñañe, judio masare tuhtiahye. <sup>2</sup>Sa ye doce Jesu cŭriquina, peyequina Jesu buheyequinare tiquina cahapŭ pijio, ohŭ saha ni yahuahye:

—Ŭsā Cohācjŭ yere buhena ijiaja. Ihyayere itiborina ijieraja ŭsā.

<sup>3</sup>Mŭsa ŭsā acaye, siete ŭmŭare, “Quehnoañequina”, apequina tiquina niñequinare, quehnoano tuho masiñequinare, Espiritu Santo cŭoyequinare macaña. Tiquinare ihyayere iti dutiya mŭsa. <sup>4</sup>Sa yena ŭsā pehe decoripe Cohācjŭre sini, Cohācjŭ yere buhenatja, niahye tiquina Jesu cŭriquina.

<sup>5</sup>Tiquina sa nigŭ tuhoye, “Aŭ, sata yeihna”, niahye tiquina ijipihtiyequina Jesu yequina. Sa ye Estebāre Cristore wacŭ tutuariquirore, Espiritu Santo tutuayere pajiro cŭoriquirore beseahye tiquina. Apequina gŭhŭre beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masŭno ijieriquiro Antioquía cjŭno judio masa ye buheyere cahmeno, tiquina mehna sajāmediquiro ijiahye. <sup>6</sup>Tiquina beseriquinare Jesu cŭriquina cahapŭ ne wihiahye apequina Jesu yequina pehe. Tiquina sa ne wihigŭ ihñañe tiquina Cohācjŭre sini basaye, tiquina beseriquina bui omocarine duhu peoahye.

<sup>7</sup>Sa ye ti yehpa cjēna Cohācjŭ yere masi pihti cjŭñe niahye. Sa ye Jerusalēpŭ ijieyequina Jesu buheyequina peyequina wahahye. Sa ye pahia gŭhŭ peyequina Jesu yequina wahahye.

### Apequina Estebāre ñeheahye

<sup>8</sup>Sa yero Estebā Cohācjŭ tutuayere cŭoriquiro ijiahye. Tiquiro Cohācjŭ quehnoano yenhriquiro ijiahye. Sa yero tiquiro Cohācjŭ tutuaye mehna ye ihñaohye masa tiquina ihño. <sup>9</sup>Tiquiro sa yepegŭta judio masa tiquina buheri wŭhŭ cjēna tiquirore ihña tuhtiahye. Sa ye tiquiro mehna cahme dŭse tini wiaye niahye. Cahacjēna ijirire yāhdŭ witríquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina. <sup>10</sup>Sa ye Estebā quehnoano masiniquiro Espiritu Santore pajiro cŭoriquiro tiquiro yahuducugŭ tuhoye tiquina “Mŭhŭ nidi poto ijierare”, tiquirore ni ihño masiedahye. <sup>11</sup>Sa tuho dueraye tiquina apequinare ni meho dutiye, wapa yeahye tiquinare. Tiquina sa ni meho dutigŭ ohŭ saha ni yahusāmahye tiquina:



—Ahriquiroy Cohãcjũre tiquiro ñano yahuducugũ, Moiseretiquiro ñano yahuducugũ gũhure usã tũhou, ni yahusãmahye ni mehoñequina pehe apequinare.

<sup>12</sup>Tiquina sa nigũ tũhoye masa, judio masa buheyequina, bucuna gũhu tiquiro mehna usuahye. Sa ye tiquina Estebãre ñehe, tiquina puhtoahapũ neahye tiquirore. <sup>13-14</sup>Sa ye tiquina apequinare ni meho dutiahye:

—Ahriquiroy decoripe Cohãcjũ wũhure, tiquiro dutiye gũhure ñano yahuducuriquiroy ijire. Tũhou usã tiquirore tiquiro ohõ saha nigũ: “Jesu Nazare cjũno Cohãcjũ wũhure cohãnota. Sa yero tiquiro Moise dutiyere marine yahurire comesarota Jesu”, nidi Estebã usã tũhogũ, ni meho yahusãmahye tiquina.

<sup>15</sup>Sa ye ijipihtiyequina topũ dujiyequina Estebãre quehnoano ihñadoque ohõ, tiquiro wũhdoare ihñahye tiquina. Angel yero saha bajuahye tiquiro wũhdoa.

### Estebã Jesu yere yahuahye

**7** <sup>1</sup>Sa ye pahia puhtoro sinituahye Estebãre.

—¿Ahriquina niñe potota ijiajari? ni, sinituahye tiquiro Estebãre.

<sup>2</sup>Tiquiro sa nigũ tũhoro, Estebã pehe tiquinare ohõ saha ni yahuahye:

—Yũhu acaye, bucuna, usã pacusumua tũhoya. Abrahã mari ñecu munano panopũ cjũno Mesopotamiapũ tiquiro ijigũ, Harãpũ tiquiro ijiatopano, Cohãcjũ tutuariquiroy asi siteriquiro pehe tiquirore Abrahãre bajuahye. <sup>3</sup>Sa bajuaro Cohãcjũ yahuahye tiquirore. “Mũhu ya yehpare mũhu acaye mehna ijieracãhña. Sa yegũ ape yehpapũ wahaya. Mũhu sa wahagũ mũhure ti yehpare ihñogutja yũhu”, niahye Cohãcjũ Abrahãre. <sup>4</sup>Tiquiro sa nigũ tũhoye, Abrahã gũhu Caldea yehpa cjẽna ya yehpapũ ijiriquina wahahye. Sa yero Harãpũ esahye. Topũ esa, ijiahye. Sa yero tiquiro pacuro yariari bato ahri yehpa yojopũ mũsa ijiri yehpapũ Cohãcjũ ahta dutiahye Abrahãre. <sup>5</sup>Cohãcjũ Abrahã tiquiro ijiri yehpare quehnoano waro cũedarĩahye tiquirore. Ne mehenogã cũedarĩahye. Sa yero Abrahã pohna marieniquiro ijiepegũta Cohãcjũ pehe tiquirore ohõ saha ni yahuahye. “Mũhure, mũhu panamena ape tjuro cjẽnapũre ahri yehpare ohogutja”, niahye Cohãcjũ Abrahãre. <sup>6</sup>Sa ninota ohõ saha ni yahu nemoahye Cohãcjũ. “Mũhu panamena ape tjuro cjẽna ape yehpapũ wahaye, topũ apeqũna cahapũ ijive, tiquina cahacjẽna ijietatiquina. Sa ye cuatro cientos cũhmari waro to cjẽna ñano yeeta mũhu panamena iji turiayequinare. <sup>7</sup>Sa yegũ to cjẽnare tiquina sa yeri buhiri buhiri dahregutja yũhu. Yũhu sa yeri bato mũhu panamena iji turiayequina ahri yehpapũ wihietatja. Sa ye ahri yehpapũ yũhu cahacjẽna ijietatiquina”, niahye Cohãcjũ Abrahãre. <sup>8</sup>Sa nino Cohãcjũ “Yũhu nidirosahata yegutja”, nino Abrahã tiquiro wacũatire ohõ saha cũahye tiquirore. Cuhnucunũ sohtoa cahserogãre yũhre ne dutiahye tiquirore, tiquiro ni yahuripũre wacũ dutiro. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yũhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjẽna ijiatiquina ijiahye.

9'Sa ye tiquina mari ñecusumua muna panopu cjēna Josére cooye ihña tuhtiye, tiquiore dua cāhye Egiptopu wahayequinare. Sa yero Josére Cohācjū yedohoahye. 10Tiquiro ñano yuhdugū ihñano Cohācjū tiquiore yedohoahye. Tiquiro sa yedohogū José pehe quehnoano tuho masiniquiro wahahye. Sa yero faraō Egipto cjūno puhtoro pehe Josére cahmeahye. Tiquiore cahmegū yeahye Cohācjū pehe. Tiquiro sa yegū faraō pehe Josére puhtoro sōahye tiquiore yequina masare dutiatiquiore. Tiquiro faraō ya wuhū gūhure puhtoro ijahye.

11'Sa ye ti pjere Egiptopu, Canaarpu ne acoro ahtaerahye. Sa ye ñano yuhduahye to cjēna. Sa ye mari ñecusumua muna panopu cjēna ihyayere bocaerahye. 12Sa bocaeraro Egiptopu trigo ijigū tuhoro, Jacob tiquiore pohnene mari ñecusumua mūnare topu coā ohoro niahye. 13Came Egiptopu tiquina esagū José tiquiore wahmisumua yahuahye. "Musa bahuta ijaja yuhū", niahye tiquinare. Sa yero José acayere coā ihñano niahye puhtoro faraō. 14Came José tiquiore wahmisumua tiquiore pacuro Jacore piji dutiro ohoahye. Tiquiro acaye setenta y cinco masa ijahye. 15Tiquiro macūno pijioḡū tuhoro Jacob wahahye Egiptopu tiquiore macūno cahapu. Tiquiro macūno cahapu ijiro, came yariaa wahahye. Sa ye mari ñecusumua muna gūhu topu yaria pihtia wahahye. 16Sa ye Siquē wame tiropu tiquina pagurire nea, masa coperire sehe tuhasa cohāhye tiquina pagurire. Abrahā tiquiore dúri yehpa ijahye ti yehpa. Panopu Abrahā ti yehpare Hamor pohnene dúahye niñeru mehna.

17'Sa yero Cohācjū Abrahāre "Ahri yehpare ohogutja mūhure", niahye. Ti yehpare "Ohogutja", tiquiore nidi pje umu sagū tiquiore acaye Israe masa peyequina masa wahahye. 18Egiptopu tiquina ijinigū, apequiore puhtoro sajahye. Sa yero tiquiore puhtoro pehe Josére masiedahye. 19Tiquiro mari acayere ñano ye dua, tiquina pohnene wejē dua, cohā dutiahye tiquinare. Sa yero mari ñecusumua muna iji turiayequinare ñano yeahye puhtoro faraō pehe. 20Tiquiro sa yeri watoa Moise mūnano pehe masa bajuahye. Tiquiro quehnoariquiore, Cohācjū tiquiore quehnoano ihña coariquiore ijahye. Sa ye ihtia asū waro quehnoano ihboahye tiquiogāre tiquiore pacusumua. 21Sa yero Moiserre tiquina nūo nemoedagū faraō macono tiquiogāre ihña boca, ne maja, ticoro macūnore yero saha cūoahye tiquiogāre. 22Sa ye Egipto cjēna quehnoano masiñequina yere buheahye Moiserre. Sa yero cuero marieno yahuducuriquiore puhtoro yero saha yeriquiore ijahye Moise.

23'Sa ijieperota tiquiore cuarenta cūhmari cūoro tiquiore acayere Israe masare ihña duaro tiquina cahapu tinino wahahye. 24Sa tinino esaro Egipto cjūno Moise acayūrore tiquiore ñano yegū Moise ihñahye. Sa ihñano tiquiore acayūrore yedohoahye Moise. Tiquiro acayūrore yedohoro, Egipto cjūno pehere wejēahye tiquiore. 25Sa yero Moise ohō saha ni tuhutumahye. "Yuhū acaye tiquina acayūrore yuhū yedohogū ihñañe 'Cohācjū marine quehnoano yedohogū ye dutiro ohori ahriquiore', ni tuhutueta yuhū acaye", ni tuhutumahye Moise. Tiquiro sa ni tuhutuepegūta tiquina pehe ne sa ni tuhutuerahye. 26Ape decopu Moise tiquiore acayere puaro tiquina basi cahmequeñequinare ihñahye. Sa yero tiquiore tiquinare yahumahye. "¿Musa basi ijiepenata cahmequeajari musa?"

nimahye Moise tiquinare. <sup>27</sup>Tiquiro sa nigũ tũhoro ihcãquiro tiquiro acayũrore ñano yeriquiro Moiserere tудоqueoahye. “Mũhu usã puhto ijierare. Usãre dutigu ijierare mũhu. <sup>28</sup>¿Canũre Egipto cjũnore mũhu wejẽdiro sahata yũhũre wejẽ duagu njajari mũhu?” niahye tiquiro Moiserere. <sup>29</sup>Tiquiro sa nigũ tũho maria waha, Moise oma duhti cãa wahahye. Madiã yehpapũ wahaa wahahye. Topũre numino boca puaro pohna tiahye.

<sup>30</sup>’Sa ye Moise cuarenta cãhmari waro topũ tiquiro ijiri bato Sinaí wame tidũ cãnh caha masa marienopũ tiquiro ijigũ angel tiquirore bajuahye. Angel pehe yucũgu mehenũgã ẽjũri peca pohnapũ bajuahye. <sup>31</sup>Tũ sa ẽjũgũ ihũano Moise ihũa maria wahahye. Ti pecare cahagã quehnoano tiquiro ihũano wahagũ waro Cohãcjũ tiquirore yahuahye. <sup>32</sup>“Cohãcjũ ijiaja yũhu. Mũhu ñecũsumã Abrahamã, Isaac, Jacob tiquina ño peorigũ ijiaja”, niahye Cohãcjũ Moiserere. Tiquiro sa nigũ tũhoro Moise pehe nanarea wahahye. Ne ihũa wahcõedahye. <sup>33</sup>Sa yero Cohãcjũ yahuahye tiquirore. “Mianogãta yũhu cahapũ ducugũ nine mũhu. Sa yegũ cua pesaro mehna mũhu dahpo suhtire tu weya. <sup>34</sup>Yeequina masa Egiptopũ tiquina ñano yũhdũgũ ihũa. Tiquina utiyere tũhou. Sa yegũ tiquinare yedohogũ ahta. Tiquina sa wahagũ ihũagũ wahaya mũhu gũhũ. Egiptopũ mũhũre ohogutja tiquinare yedoho dutigu”, niahye Cohãcjũ Moiserere.

<sup>35</sup>Tiquina pehe mari acaye Israe masa Moiserere cahmedahye. “Mũhu usã puhto ijierare. Mũhu usãre dutigu ijierare”, Moiserere sa niñe cahmedaye niahye tiquina. Tiquina sa cahmedapegũta Cohãcjũ tiquirore Egiptopũ ohoahye, mari acayere Israe masare yedohoatiquire, puhtoro ijiatiquirore. Angel tiquirore yucũgũpũ bajuariquire pehe oho basahye tiquirore. <sup>36</sup>Moise mari acayere Israe masare Egiptopũ ijiequinare wioahye. Sa yero Egiptopũ ahriquire Moise Cohãcjũ tutuaye mehna ye ihũo dũcahye. Sa yero pajiri ma sohãri mapũ sa yeahye tja. Camerũ masa marienopũ gũhũre cuarenta cãhmari waro Cohãcjũ tutuaye mehna ye ihũoahye tiquiro. <sup>37</sup>Ahriquire Moise pehe mari acayere Israe masare yahuahye. “Yũhu yero saha ijiriquirore Cohãcjũ yere yahu mũhtariquire Cohãcjũ ohorota. Sa yero tiquiro mũsa mehna cjũno mũsa acayũro ijirota”, niahye Moise tiquinare. <sup>38</sup>Moise masa marienopũ mari acaye Israe masa mehna ijiahye. Sa yero Sinaí wame tidũ cãnpũ tiquirore yahuriquire angel mehna ijiahye. Sa yero mari ñecũsumã panopũ cjẽna mehna ijiahye tiquiro. Cohãcjũ tiquiro dutiyere cũriquire ijiahye Moise.

<sup>39-40</sup>’Sa ye ti dutiyere cãnpũ Moiserere tiquiro cũri watoa mari ñecũsumã panopũ cjẽna Egiptopũ tojoaa duahye, Moiserere yũhdũdũcaye. Tiquina tiquirore cahmedahye. Sa cahmedaye, tiquina Moise bahũro Aarõre ohõ saha niahye: “Cohãmana queoyere yeya mari yequina ijiatiquinare. Sa ye tiquina mũhũ yeriquina marine dutiye mari waha duari mahapũ marine neaeta. ¿Tiquiro Egiptopũ ijiequinare marine ne cãhtariquire Moise dũhse wahayari tiquiro? Masiedaja usã”, niahye tiquina. <sup>41</sup>Sa ye ti decorire tiquina wecũ queoyere uru mehna yeahye. Sa ye tuhasa, tiquina wahiquire wejẽ, tiquina yeriquiro cahapũ ne cãhta, ño peoahye tiquirore. Sa ye tiquina yeriquiro wecũre ihũa,

bucue, bose deco yeahye. <sup>42</sup>Cohācjū wecure tiquina ño peogū ihñano tiquinare cohā cāa wahamahye. “Yuhure cohā, ñahpicoha pehere ño peocūnahdo”, nino cohā cāa wahamahye. Cohācjū yere yahu muhtariquina sa ni, ojoahye.

Musa yuhure ña yuhduaro yeri. Israe masa masa marienopu cuarenta cūhmari waro ijina, wahiquinare musa wejñequinare musa ujñañequinare ohona, yuhure musa ño peoboriro sahata yemedi musa. Sa yepenata yuhu pehere musa ño peoerari. <sup>43</sup>Sa yena musa Molo wame tiriquire ño peona ijina, tiquire ño peori wuhure cuori musa. Ñahpicoha apeqiro cohācjū Rejā wame tiria queoyere musa yeriare musa ño peori tja. Ti queoyere musa yeriquinare musa ño peori. Musa sa yeri buhiri musare Babilonia ape sie pahrepu cohāgtja yuhu, ni, yahu ojoahye Cohācjū yere yahu muhtariquina.

<sup>44</sup>Sa ye masa marienopu Cohācjū masa mehna tiquire ijiri wuhure wahiquina cahseri wuhure cuoahye mari ñecusumua panopu cjēna. Ti wuhu Cohācjū masa mehna tiquire yahuducuri wuhu ijiahye. Ti wuhuru Cohācjū dutiye tiquire ojoari pñini utā pñini ijiahye. Ti wuhure Cohācjū tiquire yahuriro sahata Moisere tiquire ihñoriro sahata dahre dutiahye Cohācjū Moisere. <sup>45</sup>Sa ye mari ñecusumua panopu cjēna Josué mehna ti wuhure wahiquina cahseri mehna tiquina yeri wuhure ne cāhtahye ahri yehparu mari ijiri yehparu. Tiquinare mari acaye Israe masare Cohācjū tiquire cūati yehpare ahri yehpare tiquina wihiato pano ahri yehparu iji muhtariquina Canaa cjēna munare Cohācjū cohā cāhye. Ti pjere Cohācjūre ño peori wuhure wahiquina cahseri wuhure cuoahye mari ñecusumua. Tee Davi munano tiquire ijiguru cuo bato tiahye ti wuhure. <sup>46</sup>Sa yero Davi munano Cohācjūre bucuegū yeahye. Sa yero Cohācjū ya wuhu ijiatire Davi pehe ye duaro, sinimahye Cohācjūre. <sup>47</sup>Tiquire sa siniepegūta Salomo pehe Cohācjū ya wuhure yeahye. <sup>48</sup>Tiquire sa yepegūta Cohācjū pehe masa tiquina yeri wuhure ijierare. Ohō saha niahye Cohācjū yere yahu muhtariquire.

<sup>49</sup>“Uhmuse yuhu dujuro ijire. Topu dujigu dutiaja yuhu. Sa yero yehpa pehe yuhu dahpocarine duhu peoro yero saha ijire. Yuhu tutua yuhduagu ijiaja. Ya wuhu ijiatore ye masiedare musa. Cohācjū yuhu ijigū yuhu ijiasi wuhure musa ye masiedare. <sup>50</sup>Yuhu basi ahri yehpare ijipihtiro yei yuhu”, niahye Cohācjū, ni ojoahye Cohācjū yere yahu muhtariquire.

<sup>51</sup>Musa ne yuhti duena ijire. Cohācjū yere tuhoepenata, tiquire yuhti duerare. Espiritu Santore yuhduca yuhduare musa. Musa ñecusumua tiquina yero sahata yere musa. <sup>52</sup>Musa ñecusumua ijipihtiequina Cohācjū yere yahu muhtariquinare ñano yeahye. Tiquina Cohācjū yere yahu muhtariquina pehe “Came quehnoariquire Cohācjū yere yahu muhtariquire ahtarota”, tiquina ni yahuequina ijigū tuhoye musa ñecusumua muna sa ni yahuriquinare wejēe tiahye. Sa yena “Quehnoariquire”, tiquina nidiquire musa gūhu yojopure tiquire ya curua cjāna ijiepenata tiquire wejēdi. <sup>53</sup>Cohācjū dutiyere angele pehe yahumahye musare. Sa yena musa ti dutiyere cuomahye. Sa yena ti dutiyere yuhducaru musa, niahye Estebā.

### Tiquina Estebäre utã paca mehna doque wejêahye

<sup>54</sup>Tiquiro sa nigũ tuhoye tiquina pehe tutuaro usuahye. Sa tutuaro usuaye, cuayequina wahahye. <sup>55</sup>Tiquina sa usuepegũta tiquiro Espiritu Santo dutiriro sahata ye pehoriqũiro ijero, tiquiro tutuayere quehnoano cœoriquiro ijero, ùhmũserũ ihñadoque mũo, Cohãcjũ asi siteyere ihñahye Estebã. Jesu Cohãcjũ poto peherũ ducugũ ihñahye tiquiro. <sup>56</sup>Sa ihñano ohõ saha niahye:

—Ùhmũserũ mehenogã parĩ we maagũ Jesu Cohãcjũ ohoriquiro Cohãcjũ poto peherũ tiquiro ducugũ ihñaja yũhũ, niahye Estebã.

<sup>57</sup>Tiquiro sa nigũ tuhoye tiquina tutuaro sañuducu, tiquina cahmo coperire biha cã, ihcãno mehna tiquiro caharũ oma maa cã, tiquirore ñeheahye. <sup>58</sup>Ñehe tuhasa, tiquirore ne cã, ti maca dũhtũ caharũ cohãhye tiquirore. Sa ye utã paca mehna doque wejêahye tiquirore. Tiquina sa wejêato pano tiquirore yahusãriquina tiquirore utã paca mehna doqueatiquina tiquina suhtire tu we, wahmũnore Saulo wame tiriqũirore tiquina suhtire cœo basa dutiahye. <sup>59</sup>Sa yero Estebäre tiquina wejêato pano ohõ saha niahye tiquiro:

—Jesu yũhũ pũhto, yũhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

<sup>60</sup>Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojořũ ñano yũhũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.



(Hechos 7.58)

**8** <sup>1</sup>Sa yero Estebã tiquiro yariagũ ihñano, “Quehnoare”, niahye Saulo pehe.

### Saulo Jesu yequinare ñano yeahye

Sa ye ti decoreta Jesu yequinare Jerusalẽpũ ijyeyequinare ñano ye dũcahye apequina pehe. Tiquina sa ye dũcagũ Jesu yequina Judea yehparũ, Samaria yehparũ, yoraropũ duhti site cãa wahahye. Jesu cũriquina dihita wahaerahye. <sup>2</sup>Sa ye apequina Cohãcjũre ño peoyequina Estebãre ya, tutuaro utiahye tiquina. <sup>3</sup>Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhũserũ sajã, mũmare, numiare ñehe, peresupũ biha docoe tiahye.

### Samariapũ Jesu yere buheahye Felipe

<sup>4</sup>Sa yeye yoraropũ waha siteriquina Jesu yere buheahye. <sup>5</sup>Sa yero Felipe Samaria wame tiri macarũ esa, Cristo yere buheahye ti maca cjẽnare. <sup>6</sup>Tiquiro sa buhegũ ti maca cjẽna quehnoano tũhoe tiahye. Sa ye Cohãcjũ tutuaye mehna tiquiro ye ihñogũ ihñahye tiquina. Sa ihñãñe tiquirore quehnoano tũhoe tiahye. <sup>7</sup>Peyequina watĩare cũoyequina tiquiro caharũ tiquina wihigũ ihñano watia pehere waha dutie tiahye tiquiro. Watia pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye. <sup>8</sup>Tiquiro sa yegũ ihñãñe ti maca cjẽna peyequina masa bucueahye.

<sup>9</sup>Ti pjere Simo wame tiriquiro ti maca cjũno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiquiro sa ye ihñogũ ihñãñe, ti maca cjẽna ihña maria waha, tiquirore cua pesaro ihñae tiahye.

—Yũhũ masi pehogũ ijiaja, nimahye Simo pehe tiquinare.

<sup>10</sup>Tiquiro sa yegũ ihñãñe masa pehe ohõ saha nie timahye:

—Ahriquiro Cohãcjũ ye tutuayere cũoriquiro ijire. Cohãcjũ yero saha tutuariquiro ijire, nie timahye tiquirore masa, pũtoa mehna.

Tiquina ijipilhtyequina quehnoano tũhoahye tiquirore.

<sup>11</sup>Tiquiro yayia tiquina yeye mehna yoari pje ye ihñoe tiahye tiquinare. Tiquiro sa ye ihñogũ ihñãñe tiquina ihña maria wahae tiahye. Sa ye tiquina tiquirore ño peoe tiahye. <sup>12</sup>Tiquina sa ño peoepegũta Felipe pehe Cohãcjũ tiquiro pũhoro ijyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano tũhoahye. Tiquina sa quehnoano tũhogũ ihñano mũma, numia gũhũre wame yeahye Felipe. <sup>13</sup>Sa yero Simo gũhũ Felipere quehnoano tũhoe tiahye. Sa yero tiquiro gũhũre wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatiyequinare tiquiro yũhdũogũ ihñano Simo ihña maria wahahye.

<sup>14</sup>Sa ye Samaria cjẽna Cohãcjũ yere tiquina tutuaro cahmegũ Jesu cũriquina Jerusalẽpũ ijyeyequina tũhoohye tiquinare. Sa tiquina cahmegũ tũhooye Pedrore, Ñu gũhũre ohoahye Samariapũ. <sup>15</sup>Topũ esaye Pedro gũhũ Cohãcjũre siniahye. “Ahriquina Samaria cjẽna mũhũre ño peoyequina mũhũ

yaquiro Espíritu Santore c̄uoahro”, ni, sini basahye tiquina Cohãcjüre. <sup>16</sup>Tiquina Samaria c̄jēna Jesucristo wame mehna wame yeriquina ijahye. Ti dihitar masiahye tiquina. Sa ye Espíritu Santore c̄uoera tiahye ti pjere tiquina. <sup>17</sup>Sa ye Pedro, Ñu mehna Samaria c̄jēnare tiquina omocarine tiquina bui duhu peori bato Espíritu Santore c̄uo d̄uca tiahye tiquina.

<sup>18</sup>Sa yero Pedro ḡũhũ tiquina omocari mehna tiquina duhu peogũ ihñahye Simo. Espíritu Santore tiquina ñehegũ ḡũhũre ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

<sup>19</sup>—Yũhũ ḡũhũre ohoya ahri tutuayere. Yũhũ ḡũhũ yũhũ omocari mehna masa bui duhu peo yegũ t̄ũ niaja Espíritu Santore tiquina ñeheatõ saha. Sa yegũ ahri yũhũ yeati wapare wapa ye duaja, nimahye Simo tiquinare.

<sup>20-21</sup> Tiquiro sa nigũ t̄uhoro Pedro ohõ saha niahye:

—Mũhũ niñeru mehna Cohãcjũ ye tutuayere mũhũ dú duari buhiri mũhũ niñeru mehnata pecapũ wahaya mũhũ. Cohãcjũ mũhũ t̄uhotuyere masine. Mũhũ ñagũ ijinine. Sa yegũ ahrire usã yeyere ye masiedare mũhũ. Ahrire yebogũ ijierare mũhũ. <sup>22-23</sup>Tutuaro ihña coore mũhũ. Sa yegũ ñañe yeyere ne duhu masiedare mũhũ. Sa yegũ ahrire mũhũ ñañe yerire bujũa witiya mũhũ. Cohãcjüre mũhũ ñañe t̄uhotuyere bo dutigũ siniña mũhũ. Mũhũ sa yegũ ihñano tiquiro mũhũ ñañene borota, niahye Pedro tiquirore.

<sup>24</sup>Tiquiro sa nigũ t̄uhoro Simo yũhtiahye tiquirore.

—Yũhũre sini basaya m̄usa Cohãcjüre mũhũ nidiro saha yũhũ wahaeragũ. Ti buhiri pecapũ waha dueraja yũhũ, niahye Simo tiquirore.

<sup>25</sup>Came Pedro Ñu mehna Cohãcjũ yere yahuahye. “Jesu tiquiro masa mujagũ ihñau usã”, ni, Samaria yehpapũ ijije macari c̄jēnare quehnoañe buheyere buheahye. Tiquinare Cohãcjũ yere buhe tuhasa Jerusalẽpũ tojoaa wahahye.

### Felipe Etiopía yehpa c̄jũnore buheahye

<sup>26</sup>Sa ye Cohãcjũ tiquiro yaquiro angel Felipere yahuahye:

—Yojop̄ure sur pehepũ wahaya. Jerusalẽ caha ijiri mahapũ Gazapũ wahari mahapũ wahaya, ni yahuahye angel Felipere.

Ti maha masa marienopũ ijire. <sup>27</sup>Tiquiro sa nigũ t̄uhoro tiquiro pehe ti mahapũ wahahye. Came ti mahapũ ihcãquiro masunore piti caro taro niahye. Tiquiro piti catiquiro ijiahye Etiopía yehpa c̄jũno pũhtoro. Sa yero Candace wame tiricoro Etiopía c̄jõno pũhtoro yere, niñerure ijipihtiyere ihña ihboriquiro ijiahye. Sa yero tiquiro Jerusalẽpũ mari Pacure ño peoro waha tuhasahye. <sup>28</sup>Tiquiro ya macapũ tunuria mehna tojoa taro tiapũ wahaeperota buhero niahye. Cohãcjũ yere yahu mũhtariquiro Isaia tiquiro ojoari pũre buhero niahye. <sup>29</sup>Sa yero Espíritu Santo pehe Felipere ohõ saha ni yahuahye:

—Siquiro tunuriapũ wahariquiro cahapũ wahaya, niahye Espíritu Santo tiquirore.



<sup>30</sup>Tiquiro sa nigũ tũhoro Felipe pehe tunuria cahapũ oma cã, Isaia ojoarire Etiopía cjũno buhegũ tũhoahye. Sa tũhoro Felipe sinituahye tiquirore:

—¿Mũhu buheyere tũho masiajari mũhu? niahye tiquiro.

<sup>31</sup>Tiquiro sa nigũ tũhoro Etiopía cjũno ohõ saha ni yũhtiahye:

—Apequiro yũhure yahu yũhdũoatiquiro mariedagũ quehnoano masiedaga yũhu. Ohõ yũhure yahu dujigũ ahtaya yũhu pari paha, ni yũhtiahye tiquiro Felipere.

—Aũ, ni, nuju sahye tiquiro caha.

<sup>32</sup>Sa ye Cohãcjũ yere Etiopía cjũnore tiquiro buheri pũ ohõ saha niahye:

Ovejare tiquina ñehe wejẽdiro saha tiquiro gũhũre ñehe wejẽeta masa.

Sa yero ovejagãre tiquiro poarire tiquina segũ tiquiro dihta marieno

saha tiquiro masũno gũhũ dihta marieno ijirota. <sup>33</sup>Tiquirore tiquina

bũjũpeeta. Sa ye tiquiro ñano yerapegũta tiquina pehe ñano yeeta

tiquirore. Tiquiro ahri yehpapũ ijigũ tiquina tiquirore wejẽeta. Sa yero

tiquiro pohna marieniquiro yariaa waharota, ni ojoahye ti pũpũre.

<sup>34</sup>Ti pũ sa ni yahugũ ihũano, Etiopía cjũno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjũno.

<sup>35</sup>Tiquiro sa ni sinitugũ tũhoro Felipe pehe ti pũre ihũa, Jesu yere yahuahye Etiopía cjũnore. <sup>36</sup>Sa ye tiquina tia mehna waha, mágãpũ esahye.

—Ihũaña, ohõ mágã ijire. Ahri mágãpũ yũhũre wame yeya, niahye Etiopía cjũno.



(Hechos 8.31)

[<sup>37</sup>—Jesure mũhũ quehnoano wacũ tutuagũ ihñagũ mũhũre wame yeitja, niahye Felipe tiqiurore.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjũno.]

<sup>38</sup>Sa ninota tunuria ohoturiqiurore yũsũ dutiahye. Tia yũsũ quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiqiurore wame yeahye. <sup>39</sup>Wame ye tuhasa tiquina majadũca sagũ Cohãcjũ yaquiro Espĩritu Felipere nea wahahye. Tiquiro sa wahari bato Etiopía cjũno quehnoano bucueriqiuro tiquiro ya yehpapũ tojoaa wahahye. Tiquiro sa yeri bato tigũ ne pari turi Felipere ihña nemoedahye. <sup>40</sup>Sa ye tuhasa Azotopũ esahye Felipe pehe. Sa yero peye macarine quehnoañe buheyere buheahye masare. Cesarepũ buhe bato tiahye.

**Saulo Jesucristore ihñano tiqiurore wacũ tutua dũcahye**  
(Hch 22.6-16; 26.12-18)

**9** <sup>1</sup>Ti pjere Saulo Jesu yequinare ihña tuhtiriquiro, “Tiquinare wejẽgutja”, nino, tiquiro pahia pũhtoro cahapũ wahahye. <sup>2</sup>Topũ esaro tiquiro ojoari pũrine siniahye pahia pũhtorore. Ohõ saha niahye:

—Damasco cjẽ wũhũsepũ judio masa mari buheye wũhũsepũ Jesu yequinare umũare, numiare boca sagũ, tiquinare ñehe dũhte, Jerusalẽpũ ne cãhtagutja. Ti wũhũsepũ ijiyequinare yũhũ ñeheatire papera pũre ohoya, ni siniahye Saulo pahia pũhtorore.

<sup>3</sup>Ti pũre ne tuhasa, waha, Damasco cahagã tiquiro esagũ waro umũanopũ asi sitedoque dijioahye tiqiurore. <sup>4</sup>Sa asi sitedoque dijiogãta tiquiro yehpapũ bora quehe saro, yahuducugũ tũhoahye:

—¿Saulo, dũhsegu mũhũ yũhũre ñano yeajari? nino ca tahye.

<sup>5</sup>—¿Pũhto, noa boro ijiajari mũhũ? niahye Saulo pehe.

—Yũhũ Jesu, mũhũ ñano yenohrigũ ijiaja. [Mũhũ yũhũ mehna usuagu yũhũre yũhtieragu, mũhũ basita ñano yũhdũre, niahye Jesu Saulore.

<sup>6</sup>Tiquiro sa nigũ Saulo cue nanare, ohõ saha ni sinituahye:

—¿Pũhto, dũhse yũhũ yegũ cahmeajari mũhũ? niahye Saulo.

Tiquiro sa nigũ ohõ saha niahye Jesu:]

—Wahcãdũcaya mũhũ. Si macapũ wahaya. Ti macapũ mũhũ esagũ ti maca cjũno mũhũ yeatire yahurota mũhũre, niahye Jesu Saulore.

<sup>7</sup>Tiquiro sa nigũ Saulo mehna cjẽna pehe tiquiro yahuducuye dihitare tũhoahye. Jesu pehere ihñedahye. Tiquiro sa wahagũ ihñañe, cueye, tiquina yahuducu masiedahye. <sup>8</sup>Sa yero Saulo yehpapũ cuñariqiuro wahcãdũca, tiquiro ihñagũ tiquiro caperi bajuerahye. Sa ye tiquina tiquiro omocare ñehe, Damascopũ tuã cãa wahahye tiqiurore. <sup>9</sup>Sa yero tiquiro ihtia deco waro ne ihñeda, ihyera, ne sihniedahye.

<sup>10</sup>Sa ye Jesu buheriquiro Anania wame tiriqiuro Damascopũ ijiahye. Sa yero Jesu bajuahye Ananiare. Sa bajuaro pisuahye tiqiurore:

—¿Anania, ijiajari m̄h̄u? niahye Jesu.

—Ijiaja, ni, yuhtiahye Anania tiquirore.

<sup>11</sup>Tiquiro sa nigũ Jesu yahuahye tiquirore:

—Poto wame tiri mahap̄u wahaya. Top̄u wahaḡu Juda ya w̄h̄up̄u Tarso c̄j̄n̄ore Saulo wame tiri tiquirore macaña. Tiquiro Coh̄ãc̄j̄re sinino niaga. <sup>12</sup>Sa yero queh̄eno saha tiquiro ih̄n̄arire ih̄n̄ano niaga top̄ure. Oh̄o saha ijiyere ih̄n̄ano niaga tiquiro: M̄h̄u omocare tiquiro bui duhu peo, tiquiro caperi quehnoa wahaḡu ih̄n̄ano niaga tiquirore bajarire, niahye Jesu Ananiare.

<sup>13</sup>Tiquiro sa nigũ t̄h̄oro Anania oh̄o saha niahye:

—P̄h̄to, tiquiro m̄h̄u yequinare quehnoañequinare Jerusal̄e c̄j̄n̄are ñano yeñohti. Peyequina masa yuh̄ure sa ni yahuri. <sup>14</sup>Sa yero oh̄ore tiquiro ijiptiyequina m̄h̄ure cahmeñequinare peresu yero taro niñohti. Pahia p̄h̄toa tiquirore sa ye dutiñohti, niahye Anania Jesure.

<sup>15</sup>Tiquiro sa nigũ Jesu pehe yahuahye tiquirore:

—Tiquiro Saulo pehe yuh̄u beseriquiro ijire. Tiquiro yee buheyere peye macari c̄j̄n̄are, Israe masa ijieyequinare, tiquina p̄h̄toare, Israe masa ḡuh̄ure buherota. Sa yeḡu wahaya m̄h̄u. <sup>16</sup>Sa yero peye tahari yeere tiquiro yeri buhiri tiquiro ñano yuh̄d̄urota. Tire tiquirore masigũ yegut̄ja, niahye Jesu Ananiare.

<sup>17</sup>Tiquiro sa nidi bato Anania pehe waha, esa, Saulo tiquiro ijiri w̄h̄up̄u saj̄ahye. Saj̄a sa, tiquiro omocare Saulo bui duhu peo, yahuahye tiquirore.

—Yuh̄u acaȳu Saulo, mari p̄h̄toro Jesu pehe mahap̄u m̄h̄ure bajuariquiro yuh̄ure ohori, m̄h̄u caperire ih̄na dutiro, Esp̄ritu Santore m̄h̄ure c̄uo dutiro, tiquiro dutiriro sahata m̄h̄ure ye dutiro, ni yahuahye Anania Saulore.

<sup>18</sup>Tiquiro sa niḡata tiquiro caperire wahi n̄t̄uri saha bajuyere tiquiro caperire pahna dijiagũ ih̄nahye Saulo. Tiquiro sa ih̄na tuhasari bato wahc̄ad̄uca sagũ apequiro pehe wame yeahye tiquirore. <sup>19</sup>Sa yero tiquiro ihyari bato paḡu tutuariquiro wahahye.

### Saulo Damascop̄u Jesu yere buhe d̄ucahye

Sa ye meheñe decorigã Damasco c̄j̄na Jesu yequina mehna ijiyahye Saulo.

<sup>20</sup>Sa yero ti p̄jereta tiquiro judio masa buheye w̄h̄usep̄u Jesu yere buheahye masare. Jesu Coh̄ãc̄j̄ mac̄no tiquiro ijiyere yahuahye Saulo. <sup>21</sup>Tiquiro sa yahugũ ih̄n̄añe ijiptiyequina tiquirore t̄h̄oyequina ac̄uaa wahahye.

—Ahriquiro Coh̄ãc̄j̄ yequinare Jesure cahmeñequinare ñano yee tiri quiro ijire. Sa yero tiquiro tiquinare ñehe, d̄uhte, pahia p̄h̄toare oho duari jimedi. Sa ye duaro oh̄op̄ure ahtari jimedi tiquiro, niahye masa tiquirore t̄h̄oyequina.

<sup>22</sup>Tiquina sa ni t̄h̄otuepeḡata Saulo cuero marieno tutuaro mehna buhe d̄ucahye. Judio masare Damasco c̄j̄n̄are quehnoano yahuahye. “Ahriquiro Jesu potota Cristo marine yuh̄d̄oriquiro ijire”, tiquiro ni yahugũ tiquina pehe tiquirore “Ni mehono nine ahriquiro”, ni masiedahye tiquirore.

<sup>23</sup>Sa ye peye decori bato judio masa tiquirore wej̄e duaye, tiquina basi yahuducuahye. <sup>24</sup>Sa yero Saulo tiquina wej̄e duagũ masiahye tiquiro

basi. Sa ye ti maca cǵē sopecaharire decorp̄re, ñamip̄ gũh̄re cohtee tiahye tiqirore wejē duaye. <sup>25</sup>Tiquina sa wejē duagũ ihñañe ñamip̄ Saulo buheyequina tiqirore p̄h̄uro pajiri p̄h̄udup̄ ne s̄a, ti maca cǵã sahr̄no behero peher̄p̄ duhu dijioahye tiqirore.

### Saulo Jerusalēp̄ ijiahye

<sup>26</sup>Sa ye Saulo Jerusalēp̄ esaro, top̄ Jesu yequina mehna tiqiro iji duamahye. Tiqiro sa iji duepegũta tiquina tiqirore “Jesu buheriquiro ijierare ahriquirō”, niñe, tiqirore cue niahye. <sup>27</sup>Tiquina sa cuepegũta Bernabé pehe tiqirore ne c̄ahye Jesu cūriquina cahap̄. Sa yero Saulo mahap̄ Jesure tiqiro ihñarire, Jesu mehna tiqiro yahuducurire, Damascop̄ cuero marieno Jesu yere tiqiro buhe d̄carire yahuahye Bernabé pehe. <sup>28</sup>Tiqiro sa ni yahuri bato Saulo tiquina mehna sajãno, Jerusalēp̄ tiquina mehna ijie tiahye. <sup>29</sup>Sa yero tiqiro cuero marieno Jesu yere buhee tiahye. Sa yero tiqiro judio masare Jesu yere yahu ȳhd̄d̄caro niahye. Tiquina judio masa griego masa yere yahuducuyequina ijiahye. Sa ye Saulo tiqiro sa yahu ȳhd̄d̄caro buhiri tiquina tiqirore wejē duamahye. <sup>30</sup>Tiquina sa wejē duagũ ihñañe, Saulo mehna cǵēna Jesu yequina pehe tiqirore Cesarep̄ ne duhti c̄a wahahye. Top̄ tiqirore siho ijiducume Tarsop̄ ohoahye tiqirore.

<sup>31</sup>Sa ye ijipih̄top̄, Judea yehp̄p̄, Galilea yehp̄p̄, Samaria yehp̄p̄ Cohãcǵũ yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohãcǵũre cua pesaro ihñahye. Esp̄ritu Santo tiquinare tiqiro yedohogũ tiquina pehe masa peyequina wahahye.

### Pedro Eneare quehnoa wahagũ yeahye

<sup>32</sup>Sa ye Pedro ijipih̄tiye macarip̄ waharo, Jesu yequina Lida maca cǵēna cahap̄ gũh̄re esahye tiqiro. <sup>33</sup>Top̄ esaro Enea wame tiriqirore boca sahye. Enea tini masieniquiro ijiro, ocho c̄hm̄ari waro cuñari cahsero mehna cuñaes tiahye tiqiro. <sup>34</sup>Sa yero Pedro pehe tiqirore oh̄ saha niahye: —Enea, Jesucristo m̄h̄re quehnoa wahagũ yere. Wahc̄d̄caya. M̄h̄ eõ tu cuñari cahserore quehnoña, niahye Pedro tiqirore.

Tiqiro sa nigũta tiqiro wahc̄d̄ca wahaahye. <sup>35</sup>Sa ye ijipih̄tiyequina Lida cǵēna, Saronã cǵēna tiqirore ihñañe, tiquina ñañe yerire duhu, Jesure wacũ tutuahye.

### Dorca wame tircorore masoahye Pedro Jesu tutuayeh mehna

<sup>36</sup>Sa ye Jope wame tiri macap̄ Jesure ño peoricoro Tabita wame tircoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejes̄oyequinare. <sup>37</sup>Sa yero ti pjere ticoro dohati wahc̄, yariaa wahahye. Ticoro yariagũ ihñañe, tiquina ticorore quehnoano cose, ùhm̄ano cǵã tuç̄p̄ c̄ahye ticorore. <sup>38</sup>Lida wame tiri maca Jope cahagãp̄ ijiri. Sa ye Jesu buheyequina Jope

cjēna Pedro Lidapū tiquiro ijigū tūhoahye. Sa tūhoye, p̄aro ohoahye Pedro cahapū. Tiquiro cahapū esaye, Pedrore yahuahye tiquina.

—Sojaro mehna ūsã ijiropū wahaya, ni yahuahye tiquina.

<sup>39</sup>Tiquina sa nigū tūhoro tiquina mehna wahaahye tiquiro. Topū tiquirore tiquina ne sari bato ūhmūano cã tucūpū ne m̄jaa wahahye tiquirore. Sa ye ijipihtiyequina wape wiha numia tiquiro cahapū esadūca, utiahye. Tabita tiquina mehna ijininopū peye suhtire yee tiahye. Sa ye tiquina ticoro yeri suhti ijirire ihñoahye Pedrore. <sup>40</sup>Tiquina sa ihñoepēgūta Pedro tiquinare ti tucūpū ijieyquinare wijia dutiahye. Tiquina wijiarī bato tiquiro dūsepe curi mehna quehe sa, Cohācjūre ticorore sini basahye. Sa yero ticoro pagūre majare ihñahye.

—Tabita wahcāña, niahye tiquiro.

Tiquiro sa nigūta ticoro pehe ihña wahcō, Pedrore ihña, wahcā nuju sahye. <sup>41</sup>Ticoro wahcā nuju sagū ihña, tiquiro ticoro omocare ñehe, tuā wahcō docoahye ticorore. Sa yero tiquiro to cjēnare Jesu yequinare, wape wiha numiare pijio, ticorore catiricorore wiahye tiquinare. <sup>42</sup>Tiquiro sa yeri bato ijipihtiyequina Jope cjēna tire masiñe peyequina masa Jesure wacū tutua dūcahye. <sup>43</sup>Came Jopēpū Simo wahiquina cahserire quehnoriquiro mehna peye decori Pedro tiquiro mehna ijiahye.

### Pedro Corneliore Jesu yere yahu dūcahye

**10** <sup>1</sup>Ti pjere Cesarepū Cornelio wame tiriquire ijiahye. Tiquiro cien surara p̄hutoro ijiahye. Tiquina surara pehe tiquina ya curua Italiano wame tiahye. <sup>2</sup>Cornelio tiquiro ya wūhū cjēna mehna mari Pacūre ño peoyequina, cua pesaro ihñañequina ijie tiahye. Sa yero tiquiro judio masa pejecūoyequinare yedohoro, peye ohoahye. Sa yero decoripe tiquiro mari Pacūre sinie tiahye. <sup>3</sup>Sa ye ñamicahapū tres hora ijigū Cohācjū yaquiro angel tiquirore bajuahye. Sa bajuaro Cornelio cahapū sajahye.

—Cornelio, niahye angel tiquirore.

<sup>4</sup>Sa yero Cornelio tiquirore ihña cuero ohō saha niahye:

—¿Pūhto, yabere cahmeajari? niahye tiquiro.

—Pejecūoyequinare mūhū ohorire, mari Pacūre mūhū sinidire tiquiro wacūno niaga. <sup>5</sup>Sa yegū Jopēpū mūhū cahacjēnare ohoya. Topū Simo Pedro wame tiriquire ijire. Tiquirore ne cāhta dutiya mūhū cahacjēnare.

<sup>6</sup>Tiquiro apequiro Simo wahiquina cahseri quehnoriquiro cahapū, pajiri ma dūhtū cahapū ijiri wūhūpū ijire, niahye angel Corneliore.

<sup>7</sup>Angel sa ni tuhasa, wijiaa wahahye. Tiquiro sa wijiarī bato Cornelio p̄aro tiquirore yedohoyequinare ihcāquiro surara mehna cjūnore pijiahye. Surara pehe mari Pacūre ño peoriquiro ijero, decoripe Corneliore yedohoe tiahye. <sup>8</sup>Sa yero Cornelio tiquinare yahu peho, Jopēpū ohoahye tiquinare.

<sup>9</sup>Sa ye ape deco Jopēpū tiquina wahari watoa coheri pje ijigū Pedro pehe wūhū buipū Cohācjūre sinino wahahye. <sup>10</sup>Sa yero tiquiro ūjūa ahabagū ihya duahye. Sa ihya duaro apequina tiquiro ihyayere tiquina dahreri watoa

tiquiro pehe bajuagũ ihñahye. <sup>11</sup> Æhmuanopu parĩ maagũ, pajiri cahsero ti cahsero sohtoripu ðuhteri cahsero dijia tagũ ihñahye. <sup>12</sup> Ti cahsero puhiaapu peyequina wahiquina nucu cjeña, yehparu bua tiniñequina, minicjua pari ijiahye. <sup>13</sup> Tire tiquiro ihñari bato, Pedro yahuducugũ tuhoahye.

—Pedro, wahcãducaya. Ahriquinare wejẽ ihyaya, ni yahuducugũ tuhoahye tiquiro.

<sup>14</sup> Tiquiro sa niepegũta Pedro ohõ saha niahye:

—Pũhto, ne tiquinare ihyeraja yũhu. Ñañequinare, Cohãcjũ tiquiro ihya dutierariquinare ne ihyera tii yũhu, niahye Pedro.

<sup>15</sup> Sa yero Pedro pari turi yahuducugũ tuhoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña mũhu tiquinare, ni yahuducugũ tuhoahye Pedro.

<sup>16</sup> Sa ye ihtia taha tiquina sa ni yahuducuri bato ti cahsero Æhmuanopu mujaa wahahye tja. <sup>17</sup> Sa yero Pedro tutuaro wacũ “¿Dũhse ni yahu duaro nijari sa bajuaro?” ni tuhotuahye tiquiro basi. Tiquiro sa tuhoturi watoa Cornelio ohoriquina pehe Pedro ijiri wũhũpu esahye. “¿Simo ya wũhu nohoru ijijari?” ni, tiquina sinituri bato ti wũhũpu esahye tiquina. <sup>18</sup> Sa ye tiquina sinitu madoqueoahye. “¿Simo Pedro wame tiriquiro ahri wũhũre ijijari?” ni sinituahye tiquina. <sup>19</sup> Sa yero Pedro tiquiro tuhoturi watoa Espĩritu Santo tiquirore yahuahye:

—Ihñaña. Ihtiaro mũua mũhũre macañe nine. <sup>20</sup> Wahcãducaya. Dijiahya. Tiquina mehna wahaya. Yabiro marieno wahaya quehnoano mehna. Yũhu pehe tiquinare ohõpũre ahtagũ yei, niahye Espĩritu Santo Pedore.

<sup>21</sup> Tiquiro sa nigũ tuhoru Pedro tiquina cahapu dijiaa wahahye.

—Ihñaña. Ohõpu ijijaja yũhu mũsa maca cãhtarigu. ¿Dũhse yena tana nijari mũsa yũhu cahapũre? niahye Pedro tiquinare.

<sup>22</sup> Tiquiro sa nigũta tiquina pehe ohõ saha niahye:

—Cornelio cien surara puhtoro, quehnoañene yeriquiro, mari Pacure cua pesaro ihñariquiro, ijipihtiyequina judio masa “Quehnoariquiro”, tiquina nidiquiro mũhũre piji dutiro ohori usãre. Cohãcjũ quehnoariquiro yaquiro angel Corneliore mũhũre piji dutiñohti. Ohõ saha niñohti: “Pedrore mũhu ya wũhũpu ne cãhta dutiya mũhu cahacjẽnare. Sa ye tiquiro mũhũre yahurota”, ni piji dutiñohti angel Corneliore, ni yahuahye Cornelio Pedore tiquiro piji dutiriquina pehe.

<sup>23</sup> Tiquina sa nigũ Pedro pehe tiquinare sajã ta duti, ihyaye oho, tiquiro ijiri wũhũpu carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjeña Pedore piti ti cãhye.

<sup>24</sup> Ape deco tiquina Cesareapu esahye. Sa yero Cornelio pehe tiquiro acayere, tiquiro mehna cjeña gũhũre piji cahmecoa, Pedore cohteahye.

<sup>25</sup> Sa yero Pedro Cornelio ya wũhu cahapu tiquiro ahtagũ ihñano Cornelio pehe tiquirore piti ca wijia, tiquiro dahpocãri cahapu quehe sahye. <sup>26</sup> Sa yepegũta Pedro tiquirore ne wahcõ doco ohõ saha niahye:

—Ducuya mũhu. Yũhu gũhu mũhu yero saha ijigu ijijaja. Cohãcjũ ijieraja yũhu, niahye Pedro tiquirore.

<sup>27</sup>Tiquiro sa ni tuhasari bato Cornelio tiquirore ne sajãa wahahye tiquiro ya wuhupũ. Topũ sajã saro masa pari ti wuhupũ cahmecoa, tiquirore cohteyequinare ihñahye Pedro. <sup>28</sup>Sa yero Pedro tiquinare yahuahye:

—Judio masũ ijiepegũta ape curua cãena mehna ijigũ usã dutiyere yũhdũdcagũ niaja yũhũ. Tire quehnoano masine mũsa. Sa ijiepegũta ape curua cãenare “Ñañequina ijire”, yũhũre ni dutierari Cohãcjũ. Sa ni yahuri yũhũre tiquiro. <sup>29</sup>Tiquiro sa nigũ tũhogũ ohõpũre mũsa cahapũre ahtaũ. Mũsa yũhũre pijiogũ “Ne wahaeraja”, niedũ yũhũ. “¿Dũhse ijiro boro yũhũ ohõpũ ahtagũ cahmeari mũsa?” niahye tiquinare Pedro.

<sup>30</sup>Tiquiro sa nigũ tũhorõ Cornelio pehe ohõ saha niahye:

—Tres hora ijigũ waro mari Pacũ yaquiro angel yũhũre bajuari. Pititia deco wahare yũhũre tiquiro bajuari bato. Ti decota mari Pacũre yũhũ sinini watoa angel asi siteri suhtiro sañariquiro yũhũ cahapũ ducuri. <sup>31</sup>Sa yero tiquiro yũhũre ohõ saha nidi: “Cornelio, mũhũ mari Pacũre mũhũ sinigũ tiquiro tũhori. Sa yero pejecũoyequinare tiquina cahmeñene mũhũ ohogũ ihñano mari Pacũ wacũno mũhũre yedohorota. <sup>32</sup>Sa yegũ Jopepũ mũhũ cahacjẽnare ohoya, Simore, Pedro wame tiriquire mũhũ cahapũ tiquina ne cãhtagũ. Tiquiro apequiro Simo wahiquina cahseri quehnoriquiro ya wuhupũ pajiri ma dũhtũ cahapũ ijiri wuhupũ ijire tiquiro”, ni yahuri yũhũre tiquiro. <sup>33</sup>Tiquiro sa nigũ tũhogũ yũhũ cahacjẽnare mũhũre ne cãhta dutigũ ohou yũhũ. Sa yegũ quehnoano yegũ ahtari jiri mũhũ usã cahapũre. Sa yena usã ijipiltina ohõre mari Pacũ tiquiro ihñonopũ ijina niaja usã. Ijipiltiyere mari Pacũ mũhũre tiquiro yahu dutirire tũho duana, cohteĩ usã, niahye Cornelio Pedre.

### Pedro Jesu yere yahuahye

<sup>34</sup>Tiquiro sa nigũ tũhorõ, Pedro ohõ saha ni yahuahye:

—Yojobũ masiaja. Ijirota ijire. Cohãcjũ ihcãno saha quehnoano yere marine.

<sup>35</sup>Sa yero ijipiltiyere macari cãena Cohãcjũre cua pesaro tiquina ihñagũ, quehnoañene tiquina yegũ Cohãcjũ pehe tiquina mehna bucuere. <sup>36</sup>Cohãcjũ usã judio masa cahapũ Jesucristore ohori. Masare Cohãcjũ mehna quehnoano jji dutiro Jesu pehe quehnoañe buheyere yahuri. Ti buheyere mũsa masine. Jesucristo pehe ijipiltiyequina masa pũhtoro ijire. <sup>37</sup>Ñũ wame yeriquiro ohõ saha ni yahuri: “Mũsa ñañene bujũa witiya. Sa yena wame yenohrina ijija”, ni, yahuri Ñũ. Masare tiquiro sa ni yahuri bato Galileapũ quehnoañe buheyere Jesu pehe yahu dũcari. Came Judea yehpapũ ti buheyere yahu pehori. <sup>38</sup>Ahriquiro Jesu Nazare cãunore Cohãcjũ pehe tiquiro tutuayere, Espĩritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watĩare cũoyequinare ñano yũhdũyeyequinare ijipiltiyequinare quehnoa wahagũ yeri. Mari Pacũ Jesu mehna ijiri. <sup>39</sup>Judea yehpapũ, Jerusalẽpũ gũhũre ijipiltiyere tiquiro yerire usã ihñau. Came tiquina curusapũ wejẽdi tiquirore. <sup>40</sup>Sa yero ihtia deco wahaboro Cohãcjũ tiquirore masori jiri. Sa yero Jesure apequinare bajuagũ yeri jiri mari Pacũ. <sup>41</sup>Ti pjere Jesure ijipiltiyequina ihñedari. Meheñequinagãre



bajuari tiquiuro. Mari Pacu tiquiuro cahmenare, Jesure ihñatinare panopu usãre mari Pacu beseahye. Usã pehe Jesu tiquiuro masari bato tiquiuro mehna ihya, sihni. <sup>42</sup>Sa yero usãre tiquiuro dutiri. “Masare yahuya. Yũhu Jesu ijipihtiyequina catiyequinare, yariariquina gũhure buhiri dahreacju yũhure ijigũ yeri mari Pacu. Sa yena tire masare yahuya”, ni dutiri Jesu usãre. <sup>43</sup>Ijipihtiyequina Jesure tiquina wacũ tutuagũ ihñano Cohãcjũ tiquina ñañene borota. Tire ijipihtiyequina Cohãcjũ yere yahu mãhtariquina panopu cjẽna yahuyuahye, ni yahuahye Pedro.

### Judio masa ijieyequina Espiritu Santore cwo dũcahye

<sup>44</sup>Ti ijipihtiyere tiquiuro sa ni yahuri watoapu, ijipihtiyequina tire tũhoyequina mehna Espiritu Santo iji dũcahye. <sup>45-46</sup>Sa ye judio masa ijieyequina tũhomeheñe yahuducuye mehna bucueye mehna yahuducu dũcahye. Ti yahuducuye mehna Cohãcjũre “Tutuagũ, quehnoagu ijire”, niñe niahye. Tiquina sa nigũ tũhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiuro iji dũcagũ ihñañe judio masa pehe ihña maria wahahye. Sa yero Pedro ohõ saha ni yahuahye judio masare:

<sup>47</sup>—Mari yero sahata Espiritu Santore cwo ahriquina gũhu. ¿Tiquina sa ijigũ ihñana ahriquinare wame yeraboagari mari? niahye Pedro tiquinare.

<sup>48</sup>Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usã mehna meheñe decorigã tojoarĩña”, niahye tiquina Pedro gũhure.

### Pedro Jerusalẽ cjẽnare Jesu yequinare yahuahye

**11** <sup>1</sup>Sa ye judio masa ijieyequina gũhu Cohãcjũ yere tiquina quehnoano cahmegũ Jesu cũriquina pehe tiquina acaye Judeapu ijieyequina mehna tũhooahye. <sup>2</sup>Sa ye Pedro Jerusalẽpu tiquiuro tojoa sagũ ihñañe judio masa Jesu yequina meheñequinagã tiquiore ohõ saha niahye:

<sup>3</sup>—¿Judio masa ijieyequinare dũhse ijiro boro ihñagũ esari mũhu? ¿Dũhse ijiro boro tiquina mehna ihyari mũhu? ni, tuhtiahye Pedore tiquina.

<sup>4</sup>Tiquina sa nigũ tũhoro Pedro tiquiuro yerire yahu peho cãhye tiquinare. <sup>5</sup>Ohõ saha ni yahuahye:

—Yũhu Jopẽpu ijigũ Cohãcjũre sinigũ nii. Sa yero yũhure ohõ saha bajuari. Pajiri cahsero ti cahsero sohtoripu dũhteri cahsero uhmũanopu yũhu cahapu dijia tagũ ihñau. <sup>6</sup>Sa yegu ti cahserore quehnoano ihñau, “¿Yabe boro ti cahseropũre ijijajari?” nigũ. Sa yegu ihñau ti cahseropũre ijieyequinare: Wahiquinare nũcu cjẽnare, yehparu bũa tiniñequinare, minicjũa parire ihñau. <sup>7</sup>Sa yegu yũhure tiquiuro yahuducuyere tũhou. “Pedro, wahcãducaya. Wejẽ ihyaya ahriquinare”, nino ca tari yũhure. <sup>8</sup>Tiquiro sa nigũ tũhogũ ohõ saha nii yũhu. “Pũhto, ne tiquinare ihyeraja yũhu. Ñañequinare, Cohãcjũ tiquiuro ihya dutieyequinare ne ihyera tii yũhu”, nii yũhu. <sup>9</sup>Yũhu sa niepegũta uhmũanopu pari turi yũhure yahuducuro ca tari tja. “Cohãcjũ ‘Quehnoañequina ijire’, tiquiuro nidiquinare ‘Ñañequina ijire’, niedacãhña mũhu”, nino ca tari yũhure. <sup>10</sup>Sa yero ihtia taha

usã sa ni yahuducuri bato ti cahsero uhmuanopu mujaa wahari tja. <sup>11</sup> Yuhu sa ihñari watoa ihtiaro umua usã ijiri wuhupu esari jiri. Tiquina Cesarea cjũno ohoriquina ijiri. <sup>12</sup> Sa yero Espiritu Santo pehe yuhure tiquina mehna waha dutiro “Tiquina ñañequina ijire, niedacãhña tiquinare”, ni yahuri yuhure tiquiro. Sa ye ahriquina seis yuhu acaye mehna Cesarea cjũno ya wuhupu sajau usã. <sup>13</sup> Sa yero tiquiro usãre ohõ saha ni yahuri. “Angel yuhu wuhupu ducugũ ihñau yuhu. Ohõ saha ni yahuri yuhure: ‘Joperu Simore Pedro wame tiriquire ne cãhta dutiya. <sup>14</sup> Tiquiro mũhure mũhu acaye mehna musare ijipihinare pecapu wahaborinare musa yuhduatire yahurota, nidi angel yuhure”, ni, yahuri Cesarea cjũno yuhure. <sup>15</sup> Sa ye yuhu yahuducuri watoa Espiritu Santo pehe tiquina mehna iji ducari, marine tiquiro ye mũhtariro sahata. <sup>16</sup> Sa yegu Jesu tiquiro yahurire wacũu yuhu. Ohõ saha ni yahuri tiquiro: “Ñu musare wame yero aco mehna wame yemedi. Yuhu pehe tiquiro yuhduoro yeitja musare. Came Espiritu Santore musa mehna ijiducugũ yeitja”, ni yahuri. <sup>17</sup> Sa yero Jesucristo mari puhtorore mari wacũ tutuagũ ihñano Cohãcjũ yaquiro Espiritu Santore ohori marine. Sa yero Cohãcjũ marine Espiritu Santore tiquiro ohoriro sahata judio masa ijieyequina gũhure tiquiro ohori. Cohãcjũ tiquiro sa yegũ ihñagu tiquirore yuhduaduca masiedaja yuhu, niahye Pedro tiquinare, judio masare Jesu yequinare.

<sup>18</sup> Tiquiro sa nigũ tũhoye, tiquina tiquirore ne ni nemoedahye.

Tiquirore tuhti masiedahye. Sa ye tiquina,

—Cohãcjũ quehnoariquiro, tutuariquiro ijire, niahye.

Ohõ saha ni nemoahye:

—Judio masa ijieyequina gũhu tiquina ñañene bujua witiyequina ijiye, Cohãcjũ yequina ijieta. Sa tiquiro yequina ijiye, tiquina gũhu ijipihitiye decori tiquiro mehna ijieta, ni nemoahye tiquina.

### Antioquíapu apequna Jesu yequina ijiahye

<sup>19</sup> Sa ye Estebãre tiquina wejedi bato masa Jesu yequinare ñano yeahye. Tiquina sa yegũ ihñañe Jesu yequina duhti sitea wahahye. Sa ye tiquina Feniciapu, Chiprepu, Antioquíapu waha, judio masa dihitare Cohãcjũ yere yahue timahye tiquina. <sup>20</sup> Tiquina sa yepegũta apequna pehe Jesu yequina mehna cjẽna Chipre cjẽna, Cirene cjẽna, Antioquíapu esa, judio masa ijieyequinare Jesu yere buheahye Cohãcjũ tiquinare tiquiro yuhduoatire. <sup>21</sup> Sa yero mari puhtoro tiquinare yedohoahye. Sa ye masa peyequina Jesure wacũ tutuaye, quehnoañe pehere comesahye.

<sup>22</sup> Sa ye “Antioquía cjẽnapu Jesure cahmeaga”, ni tũhooahye Jerusalẽ cjẽna Jesu yequina. Tiquina sa tũhoori bato Jerusalẽ cjẽna Bernabẽ wame tiriquire Antioquíapu ohoahye. <sup>23</sup> Sa yero tiquiro Antioquíapu esaro, Cohãcjũ yedohoye mehna judio masa ijieyequina tiquiro yequina tiquina wahagũ ihñano, tutuaro bucueahye. Sa yero tiquiro to cjẽnare ohõ saha ni yahuahye:

—Jesure sa wacũ tutuaducuya. Tiquiro yere ne duhueracãhña, ni yahuahye tiquiro ijipihitiyequina tiquinare.

<sup>24</sup>Bernabé quehnoariquiro ijiro, Espíritu Santore pajiro cæoriquiro ijiro, tiquiro dutiriro sahata yeriquiro ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

<sup>25</sup>Came tiquiro Tarso wame tiri macapæ Saulore macano wahahye.

<sup>26</sup>Topæ tiquirore boca sahye. Tiquiro boca sari bato Antioquíapæ ne cāhye Saulore. Topæ tiquina esari bato ihcā cūhma waro tiquina Cohācjū yequina mehna cahmecoa, peyequina masare buhee tiahye tiquina. Sa ye Antioquíapæ Cristo yequina Cristiano wame ti dūcahye.

<sup>27</sup>Ti pjere Cohācjū yere yahu mūhtariquina Jerusalēpæ ijiriquina waha, Antioquíapæ esahye. <sup>28</sup>Sa yero tiquina mehna cjūno Agabo wame tiriquiro Jesu yequina watoapæ ducuro, Espíritu Santo tutuaye mehna yahuahye tiquinare. “Ijipihtiri yehpapære tutuaro ũjua waharota”, ni yahuahye tiquiro. Ti pjere ihyaye mariedi pje ijigū ijipihtiyequina pūhtoro Claudio ijiahye. <sup>29</sup>Sa ye Cristo buheyequina, ijipihtiyequina tiquina cæoro puno tiquina acayere oho duaye, tiquina basi cahme yahuducuahye. “Judea yehpa cjēna Jesu yequinare niñerure ohouhna”, niahye tiquina basi. <sup>30</sup>Tiquina sa nidi bato Bernabé, Saulo mehna ti niñerure ne cā basahye. Topæ esaye Judea yehpa cjēnare Jesu yequina pūhtoare wiahye ti niñerure.

#### Pedrore peresu yeahye

**12** <sup>1</sup>Ti pjere pūhtoro Herode ihquēquinare Jesu yequinare ñano ye dūcae tiahye. <sup>2</sup>Sa yero tiquiro Ņu wahminore Santiago pehere ñoseni pjī mehna tiquiro wejē dutigū apequina pehe tiquirore wejēahye. <sup>3</sup>Santiagore tiquiro wejēgū judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gūhære peresu yeahye. Ti decorire pugū yeye moremehneñe pære tiquina ihyati bose deco pascua ijiahye.

<sup>4</sup>Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina comesayequina tiquirore cohte mūjæ tiahye. Sata yeahye tiquina diez y seis surara. Herode pehe pascua bato Pedrore peresupæ ijiriquirore masa ihñonopæ duhu doco duamahye tiquirore wejē dutiro taro. <sup>5</sup>Sa yero Pedro peresupæ ijiahye. Topæ tiquiro ijigū Jesu yequina pehe Cohācjūre tutuaro sini basae tiahye tiquirore.

#### Peresupæ ijiriquirore Pedrore Cohācjū wioahye

<sup>6</sup>Sa ye ñamine Pedro come dari pua da mehna tiquina dūhteriquiro pæaro surara watoapæ carīno niahye. Sa ye surara sopecahapæ cohteducue tiahye tiquirore. Sa yero ti deco bohrearo Herode Pedrore judio masa ihñonopæ duhu doco duamahye tiquirore wejē dutiro taro. <sup>7</sup>Sa yero Cohācjū yaquiro angel pehe Pedro cahapæ tiquiro ducugū peresupæ tiquiro ijiri tucū buhrio pihtia wahahye. Sa yero angel Pedro cahapæ ducuro Pedro pati pahmapæ ohbe careahye.

—Sojaro mehna wahcāña, niahye tiquiro Pedrore.



(Hechos 12.7)

Tiquiro sa nigūta tiquiro omocarine tiquina dūhteri dari come dari suru site dijiaa wahahye. <sup>8</sup>Sa yero angel tiquirore yahuahye:

—Weje dihoya mūhū weje dihori dare. Mūhū dahpo suhti gūhūre sañaña, niahye tiquiro.

Tiquiro sa nigū Pedro pehe tiquiro nidiro saha yeahye.

—Mūhū bui cjä suhtirore sañaña. Yūhū mehna wahaya, niahye angel.

<sup>9</sup>Tiquiro sa nigū ti tucūpū ijiriquiro wijia, angel bato waha wahahye tiquiro.

Sa wahaerota ohō saha ni tūhotumahye tiquiro. “¿Ahri poto ijieragari? ¿Quehēgū niagari yūhū?” ni, tūhotumahye tiquiro. <sup>10</sup>Sa ye tiquina tiquiro ijiri tucū sopecahapū ducuyequina surarare yūhdū cā, apequina yoa cjäno ducuyequina gūhūre yūhdū cā, pajiri sopecahapū esahye. Ti sope pahma macapū wahari mahare cahmotari pahma ijiahye. Ti sope pahma esa tuharo parīgū tiquina wijiaa wahahye. Wijiaa waha, tiquina mahapū waha wahahye. Mehenogā tiquina waha nemogū angel pehe waha wahahye. Sa yero Pedro ihcāquirola tojoahye. <sup>11</sup>Sa tiquirore angel tiquiro wahari bato tiquiro yerire Pedro masiahye. Ohō saha ni tūhotuahye tiquiro. “Angel Cohācjū ohoriquiro peresupū yūhū ijigū yūhūre wioro wihiri. Yojoṗū tire masiaja tiquiro sa yerire. Judio masa pehe yūhūre tiquina ye duarire Cohācjū pehe tiquinare ye dutierari. Sa yero yūhūre, Herode tiquiro peresu yerigūre wiori”, ni, tūhotuahye Pedro.

<sup>12</sup>Tiquiro sa ni tūhoturi bato María Nū pacoro ya wūhūpū esahye Pedro. Nū pehe Marco wame tiriquire ijiri. Ti wūhūpū masa peyequina cahmecoa, Cohācjūre siniñe niahye. <sup>13</sup>Sa yero Pedro sope pahmare doteahye. Rode wame tiricoro cahacjōno tiquiro dotegū tūhoro ihñano esahye ticoro. <sup>14</sup>Sa yero Pedro ticorore tiquiro pisugū tūhoro tiquiro yahuducuyere tūho masi, tutuaro bucue, sopecahare pōoedahye. Sa bucuemeno tiquirore pōoboricoro boaa wahahye. Pedro topū tiquiro ducugūta ticoro majaredūca oma sajāa wahahye.

—Pedro sopecahapu wihiri, ni, yahuro sajãhye.

<sup>15</sup>Sa ye tiquina wuhapu ijiyequina ticoro sa nigũ tuhoye,

—Sa nicõ niaga muhu. Sa ni macacõ nine muhu, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigũ tuhoye,

—Tiquiro ijieraga. Tiquiro jeripohna wihiro niaga, niahye tiquina pehe.

<sup>16</sup>Tiquina sa nini watoa Pedro sope pahmare sata doteducuro niahye.

Tiquiro sa yegũ tuhoye, tiquina sopecahare põo, tiquirore ihña, ihña maria wahahye. <sup>17</sup>Sa yero Pedro tiquiro omoca mehna “Dihta mariahña”, nino, Cohãcjũ peresupu tiquirore wiorire yahuahye tiquinare.

—Ahrire yahuya Santiagore, apequina Jesu yequina gũhure, niahye tiquiro.

Sa ni yahu tuhasa tiquiro ape sie pahrẽpu yuhdu cãa wahahye. <sup>18</sup>Sa ye bohrea quehagũ surara Pedro tiquiro dũhse ye wijiare ne masiedahye.

Sa masiedaye acãaa wahahye. <sup>19</sup>Sa yero Herode Pedroro maca dutimahye. Sa yero tiquiro surarare peresu cohteriquinare tiquiro sinituri bato tiquinare wejẽ dutiahye Herode pehe. Sa yero Herode Judeapu jiriquire waha, Cesareapu ijero wahahye.

### Herode yariaa wahahye

<sup>20</sup>Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagũ ihñañe ti macari cjẽna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjũnore Blasto wame tiriquire piti tiahye tiquina. Sa ye tiquina Blasto yedohoro mehna Herode cahapu esahye. Tiquiro cahapu esa, ohõ saha niahye:

—Mari quehnoano ijiihna. Mari basi ihña tuhtieracũhna, ni siniahye tiquina Herodere.

Tiquina ya yehpa cjẽna Herode ya yehpau ihyayere boca tiahye. Sa ye Herode tiquinare ihña tuhtigũ cahmedahye tiquina. <sup>21</sup>Sa yero Herode tiquiro queori decopu, puhtoro tiquiro sañañe suhti quehnoañe suhtire sañahye tiquiro. Sa yero tiquiro dujiropu dujitjiãno, masare yahuducu ihñoahye. <sup>22</sup>Tiquiro sa yahuducu ihñogũ tuhoye masa pehe sañuducuahye:

—Ahriquire yahuducuriquire masũno ijierare. Cohãcjũ ijire, ni sañuducumahye tiquina Herodere.

<sup>23</sup>Tiquina sa nigũta Cohãcjũ yaquire angel Herodere dohatiyere ohoahye. “Cohãcjũ ijieraja yuhu”, ne niedahye Herode. Tiquiro sa niedari buhiri angel tiquirore dohatigũ yeahye. Tiquiro sa dohatigũ tiquirore becoa ihya wejẽ cãhye.

<sup>24</sup>Sa ye Jesu yequina peyequina masare Jesu ye buheyere buhee tiahye.

<sup>25</sup>Sa ye Bernabé, Saulo mehna buhe peho, Jerusalẽpu ijiyequina Antioquiapu tojoaa wahahye. Sa ye Ñu Marco wame tiriquire tiquina ne cãhye tiquina mehna.

Jesu yequina Bernabére Saulo mehna Cohācjū yere buhe dutiye ohoahye

**13** <sup>1</sup>Ti pjere Antioquíapɯ Cohācjū yequina mehna cjēna, Cohācjū yere yahu mɯhtariquina ijiahye. Masare buheyequinata ijiahye tiquina gūhɯ. Bernabé, Simo Negro wame tiriqiro, Ludio Cirene cjūno, Manae, Saulo mehna tiquina ijiahye. Manae pehe pɯhtoro Herode mɯnano mehna tiquina pɯaro ihcāno mehna bɯcɯariquina ijimahye. <sup>2</sup>Sa ye tiquina Cohācjūre tiquina ño peori watoa, tiquina sijiri watoa, Espírítu Santo pehe yahuahye tiquinare.

—Bernabére, Saulo mehna cūña yūhɯ cahmeno saha yeatiquinare. Tire yeatiquinare bese cūgɯ niaja tiquinare, niahye Espírítu Santo.

<sup>3</sup>Tiqiro sa nigū tiquina pehe siji Cohācjūre sini, Bernabé bui Saulo bui tiquina omocarine duhu peohaye. Sa duhu peoye tiquinare buhe dutiye ohoahye.

### Chirepɯ Jesu cūriquina buheahye

<sup>4</sup>Sa ye tiquina Saulo, Bernabé mehna Espírítu Santo tiqiro ohoriquina ijije, Seleuciapɯ esa, ti macare yūhdɯ cā, Chire wame tiri nɯcɯopɯ esahye tiquina. <sup>5</sup>Sa ye Salamina wame tiri petamahapɯ esahye. Ti macapɯ judio masa buheye wūhɯsepɯ, Cohācjū yere yahu dɯcahye tiquina. Sa yero Nu Marco gūhɯ tiquina mehna waha, tiquinare yedohoahye. <sup>6</sup>Sa ye tiquina ti nɯcɯo sohtoapɯ maja, ti nɯcɯo toperɯ ijiri macapɯ Pafɯ wame tiri macapɯ esaye, yairore boca sahye tiquina. Tiqiro judio masɯno, Barjesu wame tiriqiro ijiahye. Barjesu griego ye mehna niñe Elima tiquina ni pisuriqiro ijiahye. “Cohācjū yere yahu mɯhtagɯ ijiaja yūhɯ”, ni, masare ni mehoducuriqiro ijiahye tiqiro. <sup>7</sup>Sa yero tiqiro Sergio Paulo wame tiriqiro mehna cjūno ijiahye. Sergio Paulo pehe ti nɯcɯo cjēna pɯhtoro masi pehoriqiro ijiahye. Sa yero Cohācjū yere tɯho duaro tiquinare Bernabé, Saulo mehna pijioahye tiqiro. <sup>8</sup>Tiqiro sa pijiopegūta Elima, yairo pehe tiquinare buhe dutierahye. Tiqiro Sergio Paulo Jesu yere tiqiro ño peogū cahmesāedahye yairo pehe. Sa yero yairo pehe Sergio Paulore Cohācjū yere cohā dutiro nimahye. <sup>9-10</sup>Tiqiro sa cohā dutiepegūta Saulo, Pablo tiquina nidiquiro Espírítu Santore cɯoriquiro ijiro, yairore quehnoano ihña diho cū tiqirore yahuahye:

—Mūhɯ ni mehoñe peyagɯ, ñagɯ, watīno tiqiro dutiyere yegɯ, quehnoañene ihña yabigɯ ijire mūhɯ. ¿Dūhse yegɯ Cohācjū yere “Ni mehoñe ijire”, sa niducujari mūhɯ? <sup>11</sup>Mūhɯ sa nigū Cohācjū caperi bajueragū yerota mūhɯre. Sa yegɯ meheñe decorigā mūhɯ ihñasi, niahye Pablo.

Tiqiro sa nigūta yairo pehe bueri yero saha ijiyere ihña mūhtano, nahitiano dihitare ihñahye. Sa yero tiqirore tūātiqirore macahye tiqiro. <sup>12</sup>Tiqiro sa wahagū ihñano, Sergio Paulo pehe Jesu yere “Ijirota ijire”, ni masiahye. Mari pɯhtoro yere tiqiro tūho, tūho maria waha, Jesure wacū tutua dɯcahye.

**Pablo Bernabé mehna Antioquíapü Pisidia yehpapü ijiri macapü ijiahye**

<sup>13</sup>Sa ye Pablo güñu Pafopü ijiriquina yucusa mehna waha, Pergepü esahye. Perge Panfilia yehpapü ijire. Topü esa, Ñu Marco tiquinare cohã cá, Jerusalêpü wahaa wahahye. <sup>14</sup>Sa ye tiquina Pergepü ijiriquina waha, Antioquíapü esahye. Antioquía Pisidia yehpapü ijire. Topü esahye, saurú deco ijigü tiquina judio masa buheri wuhupü sajã sa, topü dujiahye. <sup>15</sup>Sa ye ti wuhure cohteyequina Cohãcjü dutiyere, Moisepü marine tiquiro cürire, Cohãcjü yere yahu mühtariquina tiquina ojoarire tiquina buheri bato tiquina pijiahye Pablo güñure.

—¿Usã acaye, masare müsa yahu duaye ijijari? Tire yahu duana yahuya mianogãta, niahye ti wuhure cohteyequina.

<sup>16</sup>Tiquina sa nigü tühoro, Pablo wahcãdũca sa, “Yahuducueracãhña”, nino tiquiro omoca mehna quẽ dijioahye. Tiquina dihta mariagü ihñano, tiquiro ohõ saha niahye:

—Israe masa, Israe masa ijiena güñu mari Pacure ño peona, tühoya müsa. <sup>17</sup>Mari ñecusumua müna panopü cjëna Cohãcjüre ño peoe tiahye. Tiquina müna Cohãcjü besee tiahye. Sa ye mari ñecusumua müna yoari pje Egítopü ijie tiahye ape yehpa cjëna ijiepete. Topü tiquina ijigü Cohãcjü quehnoano yee tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egítopü ijiriquinare tiquiro tutuaye mehna wioahye Cohãcjü. <sup>18</sup>Tiquiro sa wiori bato tiquina cuarenta cühmari waro masa marienopü tinie tiahye. Topü tiquiore tiquina yuhdũdcagü Cohãcjü sata tühotu cãhye. <sup>19</sup>Sa yero Canaa wame tiri yehpapüre siete cururi cjënare cohã tuhasa, Cohãcjü ti yehpare ohoahye Israe masa pehere. <sup>20</sup>Ti ijipihiyere tiquina yegü cuatrocientos cincuenta cühmari waro yuhdũahye. Caperü masare dutiatiquinare cüahye Cohãcjü Israe masare. Cohãcjü tiquiro cüriquina Samuel tiquiro ijigüpü jji bato tie tiahye. Samuel pehe Cohãcjü yere yahu mühtariquiro ijie tiahye. <sup>21</sup>Came Israe masa pehe tiquina pühtoro ijiatiquiore macae tiahye. Sa ye Cohãcjüre sinie tiahye. Tiquina sa sinigü ihñano Cohãcjü Saulore cüahye tiquinare. Saulo Cis macũno ijiro, Benjami ya curua cjũno ijiahye. Sa yero cuarenta cühmari waro tiquina pühtoro ijiatiquiro cüahye Cohãcjü tiquiore. <sup>22</sup>Sa yero Cohãcjü Saulore tiquiro cohãri bato Davire cüahye tiquiro. Ohõ saha niahye Cohãcjü Davire: “Davi Isái macũnore bocaü yũhũ. Tiquiro mehna bucueaja yũhũ. Tiquiro yũhũ cahmeñene yerota”, niahye Cohãcjü.

<sup>23</sup>Ahriquiro Davi panamino jji turiariquiro ijire Jesu. Cohãcjü Jesure cüri jiri Israe masare yuhdũoatiquiro. “Masare quehnoano yeitja”, niahye Cohãcjü. Tiquiro nidiro sahata yeri tiquiro. <sup>24</sup>Tiquiro sa yeato pano Jesu wihiato pano Ñu ohõ saha ni buheri jiri: “Müsa ñañene bujua witiya. Quehnoañe pehere comesaya. Sa yena wame yenohrina ijija”, ni buheri jiri Ñu ijipihiyequina Israe masare. <sup>25</sup>Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijijari yũhũ, müsa tühotugü? Cristo ijieraja yũhũ. Apegü ijija. Yũhũ sa ijiepegü tühoya



yũhũre. Yũhũ bato yũhũ yũhdũoro tutuariquiro ahtarota. Tiquiro quehnoa yũhdũariquiro ijire. Tiquiro yero saha ijieraja yũhũ”, ni yahuahye Ñu masare.

26 Yũhũ acaye, Abrahã panamena iji turiana, Israe masa ijiena gãhũ ijipihntina mari Pacũre ño peona, marine ahri tiquiro yũhdũoatire yahuri buheyere ohori jiri mari Pacũ. 27 Jerusalẽ cjẽna tiquina pũhtoa mehna saurũ decori ijigũ Cohãcjũ yere yahu mũhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yũhdũoatiquiro tiquiro ijigũ gãhũre masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu mũhtariquina tiquina ojoariro sahata yeye niahye. 28 Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, siniahye. 29 Sa ye panopũ tiquina ojoariro sahata Jesure ye tuhasa, tiquirore curusapũ ijiriquirore ne dijio, masa copepũ tũãre tiquina seheri copepũ cũahye tiquirore. 30 Sa ijiepegũta tiquiro yariari bato Cohãcjũ masori jiri tiquirore. 31 Sa ye Galileapũ ahtariquina Jerusalẽpũ tiquiro mehna esariquina peye decori tiquirore yaria masa bajuariquirore ihãae tiahye. Sa ye yojopũre tiquirore tiquina ihãarire masare yahuri tiquina.

32-33 Sa yena quehnoañe buheyere yahuaja usã mũsare. Cohãcjũ mari ñecusũmũare “Masare quehnoano yeitja”, panopũ tiquiro nidiro sahata yojopũre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja mũsare. Pũaro Salmopũ panopũ tiquina ojoariro sahata sa wahari jiri. “Mũhũ yũhũ macũ ijire. Miare mũhũre bajuagũ yei, nine Cohãcjũ tiquiro macũnore”, ni ojoahye panopũre. 34 Sa yero Cohãcjũ Jesure tiquiro masoatire pari turi tiquiro yarietire yahuyuro ohõ saha ni, yahu ojoahye Salmore ojoariquiro. “Davire yũhũ paja ihãariro sahata tiquirore yũhũ nidiro sahata potota quehnoano yegatja mũhũ gãhũre”, nidi Cohãcjũ”, ni ojoahye. 35 Sa yero ape Salmo gãhũre ohõ saha ni, yahuahye: “Cohãcjũ mũhũ cahacjũno quehnoariquiro tiquiro pagure ahba dutierare mũhũ”, ni, ojoahye. 36 Sa yero Davi Cohãcjũ tiquiro cahmediro sahata tiquiro ijiri pje cjẽnare yedohoahye. Came tiquiro yariaa wahahye. Tiquiro yariari bato tiquiro pacusũmũare tiquina yeriro sahata yahye tiquiro gãhũre. Sa yero tiquiro ahbaa wahahye. 37 Tiquiro sa ahbaepẽgũta ahriquiro, Cohãcjũ tiquiro masoriquiro pehe ne ahbaerari. 38 Sa yena mũsa yũhũ acaye ahrire masiãa: Cohãcjũ mũsa ñañene tiquiro cohãtire mũsare yahuaja usã. Jesu pehe ñañene cohãtiquiro ijire. 39 Sa yero tiquirore wacũ tutuayequinare tiquiro tiquina ñañe yerire borota. Moisere Cohãcjũ cũri dutiyere mũsa yeri mehna Cohãcjũ cahapũ wahasi mũsa. Sa yero dutiyere yeye mehna yũhdũ duayequinare tiquina ñañene cohãsi Cohãcjũ. 40 Sa yena quehnoano yeya. Mũsa quehnoano yeragũ Cohãcjũ yere yahu mũhtariquina tiquina ojoariro sahata mũsare wahaboaga. Ohõ saha ni ojoahye:

41 Tũhoya mũsa. Ñano ni bũjũpena, yũhũre ihãa tuhtina ijire mũsa.

Yũhũ ohõ saha yegũ cueya mũsa. Sa yena butia wahaya. Mũsa ijieye decorire Cohãcjũ tutuaye mehna mũsare ye ihãogũtja. Yũhũ sa ye ihãogũ ihãaepenata “Ijirota ijire”, nisi mũsa. Apequiro tire mũsare

tiquiro quehnoano yahuepegūta “Ijirota ijire”, nisi mūsa, ni ojoahye Cohācjū yere yahu mūhtariquiro, ni yahuahye Pablo tiquinare.

<sup>42</sup>Tiquiro sa ni yahuri bato judio masa buheri wūhūpū tiquina wijiari bato masa tiquirore tūhoriquina pehe tiquinare siniahye:

—Ape semanapū saurū ijigū ūsāre ahrire buheya tja, ni siniahye tiquina Pablo gūhūre.

<sup>43</sup>Sa ye ti wūhūpū ijiriquina wija, judio masa peyequina, judio masa ijieyequina gūhū Pablo gūhū mehna wahahye. Judio masa ijieyequina judio masa yere buheyequina ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū mūsare cahīne. Sa yena tiquirore ño peoducuya”, ni buheahye tiquina.

<sup>44</sup>Sa ye ape semanare saurū ijigū ijipihtiyequina Jesu yere tūho duayequina cahmecoahye. <sup>45</sup>Sa yepegūta judio masa pehe peyequina masare Jesu yere tūho duayequinare ihñāñe, ihñā tuhtiahye. Sa ihñā tuhtiye tiquina sijoro ni yahuducu, Pablōre ñano quiti dojomehneahye. “Mūsare tiquiro buheye poto ijierare”, niahye tiquina. <sup>46</sup>Tiquina sa nigū tūhoye, Pablo, Bernabé mehna tiquinare quiti dojomehnediquinare cuero marieno yahuahye:

—Cohācjū tiquiro dutiriro sahata mūsare buhe mūhtami ūsā. Ūsā sa buhepegūta mūsa pehe tire cahmeda tuhasari. Ijipihtiye decori Cohācjū mehna ijiye gūhūre cahmeda tuhasari mūsa. Sa yena ūsā pehe judio masa ijieyequina pehere buhe dūcanatja. <sup>47</sup>Sata dutiahye mari pūhtoro ūsāre:

“Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū wahaboriquinare yūhduogutja yūhū”, ni yahuahye ūsāre Cohācjū, ni yahuahye Pablo, Bernabé mehna.

<sup>48</sup>Tiquina sa nigū tūhoye judio masa ijieyequina pehe bucueahye. “Cohācjū ye pehe quehnoañe ijire”, niahye tiquina. Sa ye Cohācjū tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacū tutua dūcahye. <sup>49</sup>Sa ye mari pūhtoro Cristo yere ti yehpapūre yahu pehoahye. <sup>50</sup>Tiquina sa yahugū ihñāñe judio masa coerahye. Topū mari Pacūre ño peoye numia, quehnoañe numia ijiahye. Sa ye judio masa Pablo gūhūre ñano ni yahu wajahye. Tiquina sa ni yahu wajagū tūhoye ti numia Pablo mehna, Bernabé mehna gūhūre usuahye. Sa ye ti maca cjēna pūhtoa gūhū tiquina mehna usuahye. Sa usuaye to cjēna ñano yeahye Pablo gūhūre. Tiquina sa yeri bato Pablo gūhūre tiquina ya yehpapū ijieyequinare cohā wioahye. <sup>51</sup>Tiquina sa yegū ihñāñe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñāñe buhirire ihñōñe. Sa ye tuhasa tiquina Iconiopū wahaa wahahye. <sup>52</sup>Sa ye tiquina Jesu yequina pajiro bucueye, Espiritu Santo pajiro cūoye, tiquiro dutiro sahata yeyequina ijiahye.

**Pablo, Bernabé mehna Iconiopu ijiahye**

**14** <sup>1</sup>Sa ye Pablo, Bernabé mehna judio masa buheri wuhupu sajã, Jesu yere yahuahye. Sa ye judio masa peyequina Jesure wacũ tutua ducahye. Sa ye judio masa ijieyequina gũhu Jesure wacũ tutua ducahye. <sup>2</sup>Sa ijiepegũta judio masa Jesure cahmedariquina gũhu tiquina mehna ijiahye. Tiquina judio masa ijieyequinare usuagũ yeahye. Jesu yequina mehna tiquinare usuagũ yeahye judio masa pehe. Tiquina sa yegũ judio masa ijieyequina ñano tãhotuahye Jesu yequinare. <sup>3</sup>Tiquina sa tãhotugũ ihñañe Jesu yequina Pablo, Bernabé mehna topu yoari pje ijiye, cuero marieno mari puhtoro yere quehnoano buheahye. Cohãcjũ masare tiquiro cahñene buheahye. Tiquina sa buheri watoa Cohãcjũ tutuaye mehna ye ihñoahye, “Ahri buheye ijirota ijire”, niñe. <sup>4</sup>Sa ijiepegũta ti maca cãena deco mehna judio masa yere cahmeñequina tojoahye. Deco mehna Jesu yere cahmeñequina gũhu tojoahye. Tiquina pua curua tojoahye. <sup>5</sup>Sa ye judio masa ijieyequina, judio masa, tiquina puhto mehna Jesu cãriquinare ñano yemahye. Utã paca mehna doque wejẽ duamahye tiquinare. <sup>6</sup>Tiquina sa ye duarire masiñe, Pablo, Bernabé mehna Licaonia yehpupu duhti cãa wahahye. Ti yehpupu ijiri maca Litra wame tiri macare yũhdũ cã, Derberu esahye. <sup>7</sup>Topu esaye, quehnoañe buheyere buheahye tiquina.

**Listrapu Pablora utã paca mehna doqueahye**

<sup>8</sup>Sa ye Listrapu tini masieniquiro ijiahye. Tiquiro wahma masa bajaropũta tini masieniquiro ijiahye. <sup>9-10</sup>Sa yero tiquiro Pablo buhegũ tãhoahye. Tiquiro tãhori watoa Pablo pehe tiquiro dihitare ihñañe.

—Ahriquiro Jesure wacũ tutuare. Sa yero tiquiro quehnoariquiro waha duare, ni tãhotuahye Pablo.

Sa ni tãhoturo tutuaro mehna ohõ saha niahye Pablo tiquirore:

—Wahcãducaya, niahye Pablo tiquirore.

Tiquiro sa nigũ tãhorota tini masieniquiro pehe uhpuduca sa, wahaa wahahye. <sup>11</sup>Pablo sa yegũ ihñañe masa sañuducuahye. Tiquina Licaonia ye mehna sañuducuahye.

—Cohãmana, masa saha bajueyehna uhmusepu ijieyehna mari cahapu dijia tari jiri, ni sañuducuahye tiquina.

<sup>12</sup>Sa ye tiquina Bernabere “Zeus”, ni, pisuahye. Sa ye Pablo buhe mũhtariquiro puhtoro yero saha tiquiro ijigũ ihñañe “Hermes”, ni, pisuahye tiquina tiquirore. <sup>13</sup>Sa yero Zeure ño peoyehna ya wuhũ ti maca duhtũ cahapu ijiahye. Sa yero Zeus yequina tiquina yaquiro pahi pehe wecuare, cohoi mehna macapu sajã tari sopecaha cahapu ne cãhtahye. Zeure ño peo duaro wecuare oho duamahye. Sa yero tiquiro wecuare ujũa mũoñe mehna Pablora, Bernabere ño peo duamahye tiquiro, masa mehna. <sup>14</sup>Tiquina sa yegũ ihñañe Pablo, Bernabé mehna tiquina basi tiquina ye suhtire tãhrẽdoqueoahye tiquina bujua witiyere masare ihñoñe tehe. Tãhrẽdoqueo tuhasa masa watoa oma cã, sañuducuahye tiquina:

15—Musa ohō saha yeracāhña. Usā gūhū mūsa yero sahata masa ijiaja. Musa ohō saha yeye ne dūhseati ijierare. Sa yena mūsare buhena ahtau mūsa ohō saha yeyere duhu dutina tana. Ahriquina cohāmanare mūsa yeriquinare ñañequinare cohāña. Sa yena Cohācjūre catiriquiro pehere ño peoya. Cohācjū pehe ũhmūserere, yehpare, pajiri mare ijipihtiyere yeriquiro ijire. 16Sa yero tiquiro panopū ijipihtiyē macarī cjēna tiquina yerire sa ihña cāhye. 17Sa yeperota tiquiro ijīye tiyere ihñore masare. Tiquiro masare quehnoañene ye, acoro ahtagū ye, dūca tigū ye, masare ihyayere ohoducure. Tiquiro sa ohogū masa bucuere. Sata tiquiro ijīye tiyere ihñore masare, niahye Pablo, Bernabé mehna.

18Tiquina sa nigū tūhoepeta masa wecuare wejē ũjūa mūo, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gūhū. Tiquina sa yeyere duhu duerapeta duhahye.

19Sa ye apequina judio masa Antioquía cjēna, Iconio cjēna gūhū Listrapū esahye. Topū esaye, Pablōre ñano yahuducuahye judio masa. Tiquina sa ni yahuducugū tūhoye, masa tiquiro mehna usuahye. Sa usuaye ũtā paca mehna doqueahye tiquirore. ũtā paca mehna tiquirore doque tuhasa “Ahriquirō yariaa wahare”, niñe, ti maca dūhtū cahapū tiquirore weje sa cū cā, wahaa wahahye. 20Tiquina sa yeri bato Jesu yequina Pablōre ihñañe esahye. Tiquiro cahapū tiquina cahmecoadūca sagū waro Pablo wahcādūca, tiquina mehna macapū tojoaa wahahye. Sa ye ape decopū tiquiro Bernabé mehna Derberū wahahye.

21Sa ye topū tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gūhū Listrapū esa, ti macare yūhdū cā, Iconiopū esa, ti macare yūhdū cā, Antioquíapū Pisidia yehparū ijiri macapū esa, ti macapū tojoahye. 22Ti macaripū esaye to cjēna Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:  
—Cohācjū ijiropūre mari waha duana, tutuaro marine ñano yūhdūro cahmene, ni yahuahye Pablo gūhū.

23Sa ye macaripe cjēnare Jesu yequinare tiquina pūhtoa ijiatire cūahye Pablo, Bernabé mehna. Sa ye tiquina sijiri bato Cohācjūre siniahye:  
—Pūhto, ahriquina mūhū yequinare ihña ihboya, ni sini basahye tiquina Cohācjūre, tiquina wacū tutuariquirore.

**Pablo Bernabé mehna Antioquíapū tiquina iji mūhtari macapū tojoaa wahahye**

24Tiquina sa yeri bato tiquina Pisidia yehparū ijiriquina wahaa wahahye Panfilia yehparū. 25Sa ye Pergepūre tiquina buhe tuhasa, Atalia wame tiri macapū wahaa wahahye. 26Sa ye ti macapū esa, Antioquíapū tojoaye, yucūsa mehna wahaa wahahye. Ti macapūta panopū tiquina ijinigū Jesu yequina Cohācjū yere buhe dutiye Pablo gūhūre ohoahye. Sa ohoje, ohō saha niahye:

—Cohācjū mūhū cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. 27Sa ye tiquina Antioquíapū tiquina tojoa sari bato Jesu yequina mehna cahmecoa,

Cohãcjũ tutuaye mehna tiquina yerire yahu pehoahye tiquina. Judio masa ijieyequina gãhũ Cohãcjũ yequina tiquina waharire yahuahye tiquina. <sup>28</sup>Sa ye Pablo gãhũ topũre Jesu yequina mehna yoari pje ijie tiahye.

### Jerusalẽpũ Jesu yequina cahmecoahye

**15** <sup>1</sup>Sa ye Judea yehpa cjẽna meheñequinagã Antioquíapũ esaye, Jesu yequinare ohõ saha ni buhe dũcahye tiquina:

—Cohãcjũ dutiyere Moiserẽ cũno ohõ saha ni cũahye. Ijipihtiyequina tiquina cuhnucunũ sohtoa cahserogãre tiquina yũhre neatire yahu cũahye Moiserẽ. Mũsa tire yeragũ Cohãcjũ mũsare yũhũsosi, ni buheahye tiquina to cjẽnare.

<sup>2</sup>Sa ni buheye Judea yehpa cjẽna pehe cahme dũse tini wiahye Pablo, Bernabẽ mehna. Tiquina sa cahme dũse tini wiari bato Jesu yequina pehe Pablore, Bernabẽre apequina to cjẽna gãhũre Jerusalẽpũ ohoahye. Judea yehpa cjẽna tiquina buherire Jesu cũriquinare, Jesu yequina pũhtoa gãhũre sinitu dutiye ohoahye Pablo gãhũre.

<sup>3</sup>Sa ye Jesu yequina tiquinare ohogũ waha, Fenicia yehpare esa, yũhũ cã, Samaria yehparũ esahye. Ti macaripũ esaye, judio masa ijieyequina Cohãcjũ yere tiquina cahme dũcarire yahuahye tiquina to cjẽnare. Tiquina sa yahugũ tũhoye to cjẽna Jesu yequina tutuaro bucueahye.

<sup>4</sup>Sa ye tiquina Jerusalẽpũ esagũ ihñãñe to cjẽna Jesu yequina tiqiuro cũriquina, tiqiuro yequina pũhtoa mehna bucueye mehna quehnoano piti cahye tiquinare. Sa ye Pablo, Bernabẽ mehna Cohãcjũ tutuaye mehna tiquina yerire yahuahye tiquina Jerusalẽ cjẽnare. Judio masa ijieyequina Jesu yequina tiquina wahari gãhũre yahuahye tiquinare. <sup>5</sup>Sa ijiepegũta topũ fariseo masa Jesu yequina meheñequinagã ijiahye. Sa ye tiquina topũre wahcãdũca, ohõ saha ni yahuahye:

—Tiquinare judio masa ijieyequinare tiquina cuhnucunũ sohtoa cahserogãre yũhre neno cahmene. “Cohãcjũ Moiserẽ tiqiuro dutirire yeya mũsa gãhũ”, nino cahmene tiquinare, niahye tiquina fariseo masa gãhũ.

<sup>6</sup>Tiquina sa nigũ tũhoye Jesu cũriquina, Jesu yequina pũhtoa mehna tiquina sa nidire quehnoñe tehe, cahmecoahye. <sup>7</sup>Sa ye peye tiquina yahuducuri bato Pedro wahcãdũca yahuahye tiquinare:

—Yũhũ acaye, panopũ yũhũre mũsa mehna ijirigure Cohãcjũ ohõ saha ye dutiro yũhũre cũri. Tiquiro yũhũre quehnoañe buheyere judio masa ijieyequinare yahu dutiro cũri. Tiquinare Jesure wacũ tutua dutiro yũhũre tiquinare buhe dutiri. <sup>8</sup>Sa yero Cohãcjũ masa tũhotuyere masine. Sa yero tiqiuro judio masa ijieyequinare tiqiuro yequina tiqiuro yerire ihñono taro Espĩritu Santore ohori tiquinare, marine tiqiuro yeriro sahata. <sup>9</sup>Sa ohoro tiqiuro marine tiquina gãhũre ihcãno saha quehnoano yeri. Tiquirore tiquina wacũ tutuagũ tiquina ñãñene bori tiqiuro. <sup>10</sup>Mari pehe Cohãcjũ Moiserẽ tiqiuro cũri dutiyere ye peho masiedaja. Sa ye mari ñecũsumũna mũna gãhũ ti dutiyere ye peho masiedahye. ¿Sa mari ye masiedapegũta dũhse yena Jesu yequinare judio masa ijieyequinare tire ye duti duajari mũsa? Sa ye dutina Cohãcjũ tiquinare

tiquiro yerire “Queoro wahaerare”, nina niaga m̄sa. <sup>11</sup>M̄sa sa niepeḡta oh̄o saha us̄a tuhutuaja. Yojop̄re judio masa ijieyequina yero sahata mari ḡuh̄re mari puhtoro Jesu cah̄ne mehna Coh̄c̄j̄ yuh̄d̄uorota, niah̄ye Pedro tiquinare.

<sup>12</sup>Tiquiro sa niḡu tuhoye ijipihtiequina dihta maria wahah̄ye. Sa ye Pablo, Bernabé mehna judio masa ijieyequina watoa Coh̄c̄j̄ tutuaye mehna tiquina ye ih̄n̄ore yahuah̄ye tiquinare. <sup>13</sup>Sa tiquina yahu tuhasari bato Santiago yahuah̄ye.

—Acaye, tuhoya yuh̄re. <sup>14</sup>Coh̄c̄j̄ judio masa ijieyequinare tiquiro yequina wahaḡu yeah̄ye. Coã tiquinare sa wahaḡu yeah̄ye. Tire yahu tuhasari marine Pedro pehe. <sup>15</sup>Panop̄r̄ c̄j̄ena Coh̄c̄j̄ yere yahu m̄htariquina tiquina yahuro sahata sa wahari judio masa ijieyequinare. Oh̄o saha ni mari Pac̄r̄ yere ojoah̄ye tiquina:

<sup>16</sup>Panop̄r̄ Davi m̄n̄ano ya curua c̄j̄ena tiquina puhtoa tiquina ijiri pihtia wahari. Came tojoa tautja yuh̄. Sa yeḡu pari turi Davi ya curua c̄j̄enore puhtoro s̄outja. <sup>17</sup>Yuh̄ sa yeri bato ijipihtiequina apequina judio masa ijieyequina yuh̄re tiquina puhtore cah̄meeta tiquina. “Yeequina ijiya”, yuh̄ ni pisuriquina pehe yuh̄re cah̄meeta. <sup>18</sup>Sata nine mari puhtoro. Panop̄r̄ tiquiro ah̄rire masare yahue tiri jiri, ni ojoah̄ye Coh̄c̄j̄ yere yahu m̄htariquina.

<sup>19</sup>Sa yeḡu oh̄o saha tuhutuaja yuh̄. Judio masa ijieyequinare Coh̄c̄j̄ yere wahma cah̄me d̄uc̄yequinare peye ye dutierac̄h̄na mari. <sup>20</sup>Sa dutierap̄enata tiquinare ojoa ohouhna mari. Oh̄o saha ni, ojoa ohouhna. “Ñañe ihyayere, ‘Coh̄c̄j̄ ijire’, tiquina nimedi queoyere ño peo tiquina duhu peori ihyayere ihyerac̄h̄na. Sa yena w̄ana tierac̄h̄na. Sa yena wam̄a tiquina ñehe wej̄ediquinare wahiquinare ihyerac̄h̄na. Diire sihniedac̄h̄na”, ni yahu ojoa ohouhna. <sup>21</sup>Yoari p̄je judio masa buheye w̄uh̄sep̄r̄ saurú ijiḡu Coh̄c̄j̄ Moiser̄e tiquiro c̄uri dutiyere buhee tiri masa. Sa ye ijipihtie macarip̄r̄ Moise tiquiro yahuyere buhee tiri. Sa yena yuh̄ nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niah̄ye Santiago.

### Judio masa ijieyequinare Jesu yequina puhtoa ojoa ohoah̄ye

<sup>22</sup>Ti p̄jere Jesu c̄uriquina, Jesu yequina puhtoa ijipihtiequina Jesu yequina mehna puaro tiquina mehna c̄jenare beseah̄ye tiquina ohoatiquinare. Antioqūap̄r̄ Pablo, Bernabé mehna wahatiquinare tiquinare bese ohoah̄ye. Sa ye tiquina Judare, Sila mehna ohoah̄ye. Juda pehe Barsaba puaro wame wame tiahye. Tiquina acaye Jesu yequina tiquinare ño peoah̄ye. <sup>23</sup>Tiquinare tiquina beseri bato Jesu yequina ojoari p̄re ohoah̄ye tiquina mehna. Oh̄o saha ni ojoah̄ye tiquina:

—Jesu c̄urina, tiquiro yequina puhtoa, m̄sa acaye Jesu yequina mehna us̄a quehnoa dutiaja musare. Ijiphtina judio masa ijienare Antioqūap̄r̄, Siriap̄r̄, Ciliciap̄r̄ ijinare musare Jesu yequinare quehnoa dutiaja us̄a. <sup>24</sup>Us̄a mehna c̄j̄ena m̄sa cahap̄r̄ esaye, musare peye dutiyere ye dutiñohti. Sa ye musare cariboñohti. Tiquina sa dutiepeḡta us̄a pehe tiquinare tire buhe dutina ohoer̄.

25-26 Sa yena usã ijipihitina ihcãno mehna mûsa cahapũ ohoatiquinare usã besei. Mari cahĩnequinare Pablo, Bernabé mehna Cristo Jesu mari pũtoro yere cuero marieno tiquina buhegũ peye tahari apequina tiquinare wejẽmahye. Tiquina sa wejẽ duagũ mehenogã mehna yahduahye tiquina. Tiquina mehna usã beseriquinare yojopũre ohoaja. 27 Sa yena Judare, Sila mehna mûsa cahapũ ohoaja. Usã ojoarire tiquina pehe mûsare yahueta. 28 Espĩritu Santo wacũno sahata usã gũhũ tuhutuaja. Ohõ saha ijire ti: Apeye dutiyepũre cũedaja mûsare. Ahri dutiye dihitare cũnatja mûsare: 29 Ñãne ihyayere, “Cohãcjũ ijire”, tiquina nimedi queoyere ño peo tiquina duhu peori ihyayere ihyeracãhña. Diire sihniedacãhña. Wamũa tiquina ñehe wejẽdiquinare wahiquinare ihyeracãhña. Sa yena wũana tieracãhña. Ahri yũhũ ye dutierarire yerana quehnoañene yena ninata mûsa. To puno tjure mûsare usã yahu duaye, ni ojoa ohoahye Jesu yequina Jerusalẽpũ ijiequina.

30 Ti pũre ojoa tuhasa, ohoahye Antioquíapũ wahayequinare. Tiquina ohori bato waha, Antioquíapũ esahye. Topũ tiquina esari bato peyequina masare cahmecoa duti, tiquina ojoari pũre wiahye tiquinare. 31 Ti pũre tiquina buheri bato quehnoañene tiquina yahugũ tuhoye, quehnoano bucueahye. 32 Sa ye Juda, Sila mehna Cohãcjũ yere yahu mãtariquina ijieye, yoari pje Jesu yequinare Cohãcjũ yere yahuahye. Tiquina sa yahugũ tuhoye, Jesu yequina pehe bucue, quehnoano jeripohna tiahye. 33 Sa ye Juda, Sila mehna topũ meheñe decorigã tiquina ijiri bato tiquina tojoa tagũ to cjẽnare tiquina cohe tigũ, “Quehnoano wahaya mûsa”, niahye Antioquíã cjẽna. Sa ye Juda gũhũre ohoriquinare quehnoa dutioahye. Tiquina sa nidi bato Juda pehe tojoaa wahahye. 34 Sa ijiepegũta Sila pehe topũta tojoa cãhye Antioquíapũta. 35 Sa ye Pablo, Bernabé gũhũ meheñe decorigã tojoarĩahye ti macapũ. Sa ye tiquina apequina peyequina mehna Jesu yere buheahye.

### **Pari turi Pablo quehnoañe buheyere buhe tinino wahahye**

36 Sa ye meheñe decorigã bato Pablo, Bernabé mehna yahuducuahye: —Ijipihitiyequinare mari buhe dũcariquinare ihñana wahauhna tja, niahye Pablo gũhũ tiquina basi.

37 Sa yero Bernabé pehe Ñure tiquina mehna nea duamahye. Ñũ Marco pũaro wame wame tiriquire ijiahye. 38 To pano tiquire tiquina mehna Panfiliapũ esaro tiquina mehna tojoerahye. Tiquina yerire ihcãno sahaeraro, tojoaa wahahye. Tiquire ihcãno sahaeragũ ihñano Pablo pari turi tiquire nea duerahye. 39 Tiquire nea dueragũ ihñano Bernabé Pablo mehna pũaro tiquina basi cahme yahuducu cahme tu wahye. Bernabé pehe Chipre wame tiri nũcũopũ Marco mehna pehãa wahahye. 40 Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcjũ mûsare quehnoano ihña ihboahro”, niahye. Tiquina sa nidi bato Pablo, Sila mehna wahaa wahahye. 41 Sa wahaye, Siria yehpũpũ, Cilicia yehpũpũ gũhũre esaye, topũ Jesu yequinare quehnoano jeripohna ti bucuegũ yeahye tiquinare.



### Timoteo Pablo mehna wahahye

**16** <sup>1</sup>Tiquina sa yeri bato Pablo gũhũ Derberũ, Listrapũ esaye, Timoteore boca sahye. Timoteo Jesu yaquiro ijiro, judio masono macũno ijiahye tiquiro. Tiquiro pacoro gũhũ Jesu yacorota ijiahye. Tiquiro pacuro pehe griego masũno ijiahye. <sup>2</sup>Sa ye Litra cjẽna, Iconio cjẽna Jesu yequina ohõ saha niahye Timoteore: “Timoteo masa quehnoariquiro ijire”, ni yahue tiahye. <sup>3</sup>Sa yero Pablo Timoteore nea duahye. Sa ijiepegũta ti yehpa cjẽna judio masa pehe Timoteo pacuro griego masũno tiquiro ijigũ masiahye. Sa yero Pablo judio masare “Usuari”, nino, Timoteo cuhnucunũ sohtoa cahserogãre yũhre neahye. Judio masa dutiye nidiro sahata yeahye. <sup>4</sup>Tiquiro sa yeri bato tiquina esari macari cjẽnare tiquina dutiyere ojoari pũ cjẽne yahuahye. Ti pũ Jesu cũriquina, tiquiro yequina pũhtoa mehna Jerusalẽpũ ijieyequina tiquina ojoari pũ ijiahye. Sa ye ti dutiyere quehnoano yahuahye to cjẽnare Jesu yequinare. <sup>5</sup>Tiquina sa yahugũ tũhoye Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

### Pablo quehẽnopũ Macedonia cjũnore ihñahye

<sup>6-7</sup>Sa yero Asia yehpapũ pehere quehnoañe buheyere buhe dutierahye Espĩritu Santo tiquinare. Sa ye tiquina Frigia yehpare yũhdũa, Galacia yehpare yũhdũa, Misia yehpa dũhtũ cahapũ esahye. Bitinia yehpa pehe waha duamahye. Tiquina waha duepegũta Espĩritu Santo pehe tiquinare topũre waha dutierahye. <sup>8</sup>Tiquiro sa nidi bato tiquina pehe Misia yehpare yũhdũa, Troapũ wihiri. <sup>9</sup>Topũ tiquiro wihiri bato ohõ saha quehẽahye Pablo. Macedonia yehpa cjũno tiquiro caha ducugũ ihñahye tiquiro. “Usãre Macedonia yehpa cjãnare yedohogu ahtaya”, ni, pijiahye tiquiro Pablõre. <sup>10</sup>Tiquiro quehẽdi bato wahcã, usã yere quehno tuhasa, Macedoniapũ wahaa wahau usã. “Cohãcjũ ti yehpapũre quehnoañe buheyere buhe dutiro nine marine”, ni tũhtotu usã.

### Pablo, Sila mehna Filipopũ ijiahye

<sup>11</sup>Sa yena usã Troapũ ijina yucũsa mehna Samotracia wame tiri nũcũropũ pehã sau usã. Sa yena ape deco Neapolipũ wahau usã. <sup>12</sup>Ti macare yũhdũ cãna Filipopũ Roma cjẽna ya macapũ esau usã. Ti maca Macedonia yehpapũ ijiri maca ijiri. Ihyo ijiri maca ijierari. Topũre meheñe decorigã usã ijii. <sup>13</sup>Sa yena saurũ ijigũ usã ti maca dũhtũ cahapũ, dia dũhtũ cahapũ esau. Topũ Cohãcjũ mehna tiquina yahuducuro ijiri. Topũ dujina topũ cahmecoañe numia mehna yahuducuu usã. <sup>14</sup>Ihcãcoro usãre tũhoricoro Tiatira cjõno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacũre ño peoricoro ijiri. Sa yero Pablo yahuyere quehnoano tũhogũ yeri Cohãcjũ ticorore. <sup>15</sup>Sa ye ticorore, ticoro ya wũhũ cjẽna mehna wame yeri Pablo. Tiquiro sa wame yeri bato ohõ saha nidi ticoro:

—“Jesu yacoro t̄jire m̄h̄h̄ ḡh̄h̄”, nine m̄sa ȳh̄h̄re. Sa yena ya w̄h̄h̄p̄ sa j̄ã tar̄ĩna m̄sa. Ȳh̄h̄ mehna tojoar̄ĩna, nidi ticoro ùs̄ãre.

Ticoro sa niḡũ t̄h̄ona ticoro ya w̄h̄h̄p̄ tojoar̄ĩ ùs̄ã.

<sup>16</sup>Ape deco Coh̄ãcj̄ũ mehna tiquina yahuducurop̄ ùs̄ã wahaḡũ wat̄ĩnore c̄woricoro piti cari ùs̄ãre. Ticoro apequina cahacj̄õno ijiri. Sa yero ticoro masare “Oh̄ saha waharota m̄sare”, ni, yahuyuricoro ijiri. Sa yahuro pajiro wapata basari ticoro p̄h̄toare. <sup>17</sup>Sa yero Pablo mehna ùs̄ã wahaḡũ, ùs̄ãre n̄n̄n̄ t̄ã, sañuducuri ticoro:

—Ahriquina Coh̄ãcj̄ũ tutua ȳh̄d̄uariquiro yedohoriquina ijire. Mari yariari bato Coh̄ãcj̄ũ marine tiquiro quehnoano ȳh̄d̄uoatire yahure tiquina, ni sañuducuri ticoro.

<sup>18</sup>Peye decori sa ni cariboducuri Pablore. Sa yero pari turi ticoro sa ni sañuducuḡũ t̄h̄oro Pablo majare ih̄ña, oh̄ saha nidi wat̄ĩnore:

—Jesucristo tutuaye mehna dutiaja m̄h̄h̄re. Tidorore duhuya.

Wahar̄isa m̄h̄h̄, nidi Pablo.

Tiquiro sa niḡũta wat̄ĩno pehe wahaa wahari.

<sup>19</sup>Tiquina sa yeri bato ticoro p̄h̄toa pehe niñeru ticoro wapataericoro wahaḡũ ih̄ñañe, tiquina Pablore, Sila mehna ñehedi. Ñehe tuhasa, tiquinare neari ti maca decop̄ p̄h̄toa cahap̄. <sup>20</sup>Sa ne c̄ã, buhiri dahre dutiyequina cahap̄ c̄uri tiquinare.

—Ahriquina judio masa mari ya maca cj̄ẽnare cariboye nine. <sup>21</sup>Tiquina mari dutiyere coh̄ã dutiye, apeye buheyere buheye nine. Mari ye dutiyere ȳh̄d̄ud̄caḡũ ye duaye nine. Mari Roma cj̄ãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro p̄h̄toa buhiri dahre dutiyequinare.

<sup>22</sup>Tiquina sa niḡũ t̄h̄oye masa peyequina Pablo ḡh̄h̄ mehna usua ȳh̄d̄ua wahahye. Sa ye buhiri dahre dutiyequina pehe Pablo ḡh̄h̄ suhtire tiquina t̄h̄r̄ẽ coh̄ãri bato daye cj̄uḡã mehna tana dutiri tiquinare. <sup>23</sup>Tutuario tana tuhasa peresu yeri tiquinare. Tiquina sa peresu yeri bato peresu ijiequinare coheriquirore quehnoano ih̄ña ihbo dutiahye tiquina. <sup>24</sup>Tiquina sa dutiri bato tiquinare coheriquiro pehe ti w̄h̄h̄ puhia cj̄ã tuc̄ũp̄ tiquinare c̄ũ, taboa mehna tiquina dahpoc̄ãrine biha c̄ũahye.

<sup>25</sup>Nami deco Pablo, Sila mehna Coh̄ãcj̄ũre sini, tiquirore basa peoahye. Tiquina sa basaḡũ t̄h̄oahye apequina peresup̄ ijiequina. <sup>26</sup>Tiquina sa ni basaḡũta ti w̄h̄h̄ tutuario ñuhmiahye. Sa ñuhmiḡũ ihc̄ãno mehna ijipihtiye sope pahmari par̄ia wahahye. Sa ye peresup̄ ijiequinare tiquina d̄h̄teri dari come dari suru site dijiaa wahahye. <sup>27</sup>Sa wahaḡũ ih̄ñano ti w̄h̄h̄re coheriquiro pehe “Peresu ijiequina duhti tuhasari jiri”, ni t̄h̄otumahye. Sa ni t̄h̄oturo tiquiro ñoseni p̄j̄ĩne nedoqueo tiquiro basi ñosemahye. <sup>28</sup>Tiquiro sa yeḡũ ih̄ñano Pablo tiquirore tutuario sañuducu oh̄ saha niahye:

—M̄h̄h̄ basi ñano yerac̄h̄ña. Ijipihtina oh̄re ijaia ùs̄ã, niahye tiquiro tiquinare coheriquirore.

<sup>29</sup>Tiquiro sa nigũ tũhoro tiquinare coheriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiro.

<sup>30</sup>Sa yero tiquiro tiquinare ti tucũpũ ijiequinare ne wijia, sinituahye:

—¿Dũhse yeagari yũhũ Cohãcjũ yaquiro iji duagũ? ni, sinituahye tiquiro.

<sup>31</sup>—Jesucristore wacũ tutuaya mũhũ. Mũhũ acaye gũhũ tiquirore wacũ tutuahro. Mũsa sa yegũ mũsare pecapũ wahaborinare Cohãcjũ yũhdũorota, ni, yahuahye tiquina.

<sup>32-33</sup>Tiquina sa nidi hora ñami deco batogã ijiahye. Tiquina sa nidi bato tiquinare coheriquiro ya wũhũpũ neahye tiquinare. Tiquiro ya wũhũpũ ne sa, tiquina camine coseahye tiquiro. Tiquiro sa cose tuhasari bato tiquiro coheriquiro acaye mehna ijigũ Cohãcjũ yere buheahye Pablo gũhũ. Tiquina buheri bato wame yeahye tiquinare. <sup>34</sup>Tiquina wame ye tuhasari bato tiquinare coheriquiro Pablo gũhũre ihyaye peoahye. Sa ye tiquiro acaye mehna quehnoañe buheyere tiquina tũhori bato tutuaro bucueahye, Cohãcjũre masi dũcaye.

<sup>35</sup>Bohrea parĩ cãhtagũ ihñañe pũhtoa pehe surarare peresu yeri wũhũpũ ohoahye Pablo gũhũre wio dutiye. <sup>36</sup>Tiquina sa wio dutiri bato ti wũhũre coheriquiro Pablo gũhũre yahuahye:

—Pũhtoa mũsare wio dutiri. Sa yena cuero marieno wijiaya, niahye tiquiro Pablo gũhũre.

<sup>37</sup>Tiquina sa wio duepegũta Pablo yahuahye surarare:

—Usã ñano yerũ. Sa yena usã ne buhiri mariedaja. Ihyo warota tiquina pũhtoa pehe masa ihñonopũ yucũri mehna tanari usãre, usã Roma cjãna usã ijiepegũta. Tana tuhasa peresu yeri usãre. Sa ye yojopũ masa tiquina ihñeno wio duare usãre, usãre ñano tiquina yerire “Bũoro yũhdũari”, niñe. Pũhtoa tiquina basita wioye altaahro usãre, niahye Pablo surarare.

<sup>38</sup>Tiquiro sa nigũ tũhoye surara pehe pũhtoare yahuye wahahye. Tiquina sa ni yahuri bato Pablo, Sila mehna Roma cjẽna tiquina ijigũ masiñe pũhtoa pehe cue niahye. <sup>39</sup>Sa ye tiquina Pablo gũhũ cahapũ esa, ohõ saha niahye:

—Ñano yeahiti usã mũsare. Ne pari turi sa yesi, niahye pũhtoa Pablo gũhũre.

Sa ni tuhasa pũhtoa tiquinare peresupũ ijiequinare wio, tiquinare ape sierũ waha dutiahye. <sup>40</sup>Tiquina sa nidi bato Pablo, Sila mehna peresupũ ijiriquina wijia, Lidia wame tiricoro ya wũhũpũ wahahye. Ti wũhũpũ tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigũ yeahye tiquinare. Tiquina sa yeri bato Pablo, Sila mehna wahaa wahahye.

### Tesalónica cjẽna usuahye Jesu yequina mehna

**17** <sup>1</sup>Sa ye tiquina Anfipolipũ esa, yũhdũaye, Apoloniapũ esa, yũhdũaye, Tesalõnicapũ esahye tiquina. Topũ judio masa buheri wũhũ ijiahye. <sup>2</sup>Semanaripe tiquiro yeriro sahata Pablo buheri wũhũpũ wahae tiahye. Topũ esa, ihtia semana waro saurũ decorire tiquiro panopũ

cjê tiquina ojoarire Cohãcjũ yere masare buhe, tire tiquina basi cahme yahuducue tiahye Pablo. <sup>3</sup>Sa yero tiquiuro Cohãcjũ yere yahuahye:

—Judio masa, m̄sa p̄htoro m̄sa cohteriquiro Cristo ahtahye ñano yũhd̄uatiquiro. Sa yero tiquiuro yariaa wahahye masa m̄jano taro. Sa yero ahriquiuro Jesu, yũhũ yahuriquiuro, tiquiuro Cristo warota ijire marine yũhd̄oatiquiuro. Tiquirota ijire m̄sa cohteriquiro. Ohõ sahata nine Cohãcjũ yere tiquina ojoari p̄ũ, ni yahuahye Pablo.

<sup>4</sup>Tiquiro sa nigũ tũhoye meheñequinagã topũ ijieyiquina “Potota ijire”, niahye. Sa ye tiquina Pablo gũhũ mehna wahahye. Sa ye apequina gũhũ griego masa peyequina mari Pacãre ño peyequina pehe Pablöre tũhoye, tiquina mehna cjẽna numia gũhũ peyequina p̄htoa numia gũhũ tiquiurore tũhoye Jesu yequina tojoahye. Sa ye Pablo gũhũ mehna wahahye. <sup>5</sup>Sa ijiepegũta apequina judio masa pehe tiquina sa wahagũ ihñañe, ihña coahye. Sa ye tiquina ñañequina dahraeyequinare peyequinare piji cahmecoa ohõ saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtieyiquina ti maca cjẽnare usuagũ yeahye Pablo gũhũ mehna. Sa ye judio masa Jasõ ya wũhũpũ sajã, Pablo gũhũre macamahye, tiquinare masapũre ohoye tehe. <sup>6</sup>Sa macaepeta tiquinare bocaerahye. Sa ye Jasõre, apequina Jesu yequina gũhũre ñehe, weje wijiaa wahahye tiquinare. P̄htoa cahapũ ne sa, ohõ saha ni yahusãhye tiquina.

—Pablo gũhũ masare ijipihtiorũre caribo yũhd̄uare. Sa ye yojopũre tiquina mari ya macare wihi tuhasari. <sup>7</sup>Sa yero ahriquiuro Jasõ tiquinare tiquiuro ya wũhũpũ sajã ta dutiri. Tiquina ijipihtieyiquina mari p̄htoro Roma cjũno tiquiuro dutiyere yũhd̄udũcare. “Apequiuro m̄sa p̄htoro ijire. Jesu tiquiurota ijire”, niñe, mari p̄htoro dutiyere yũhd̄udũcare tiquina, ni yahusãhye judio masa pehe p̄htoare.

<sup>8</sup>Tiquina sa ni yahusãgũ tũhoye, ijipihtieyiquina masa, p̄htoa gũhũ usua, tutuaro sañuducuahye. <sup>9</sup>Tiquina sa sañuducuepegũta p̄htoa Jasõre, tiquiuro mehna cjẽna gũhũre, niñerure wapa ye duti, wioahye.

### Pablo Sila mehna Bereapũ esahye

<sup>10</sup>Ti pjeta ñamipũ Pablo gũhũre Jesu yequina nũo ohoahye Bereapũ. Topũ esa tiquina judio masa buheri wũhũpũ sajãa wahahye. <sup>11</sup>Berea cjẽna pehe Tesalónica cjẽna yũhd̄ũoro Jesu yere quehnoano tũhoyequina ijiahye. Sa ye tiquina Jesu yere tũhori bato “¿Potota ijijari?” ni masi duaye, decoripe tiquiuro yere tiquina ojoari pũre sa buheducue tiahye tiquina. <sup>12</sup>Sa ye tiquina peyequina Jesure wacũ tutuayequina ijiahye. Griego masa gũhũ, m̄m̄a, p̄htoa numia mehna Jesure wacũ tutuayequina ijiahye. <sup>13</sup>Sa ijiepegũta Pablo Bereapũ Cohãcjũ yere tiquiuro buhegũ gũhũre tũhoye, Tesalónica cjẽna judio masa topũ esahye. Topũ esaye, Berea cjẽnare quiti dojomehneñe, Pablo gũhũ mehna usuagũ yeahye tiquina. <sup>14</sup>Tiquina sa yegũ ihñañe Jesu yequina Pablöre sojaro mehna pajiri ma dũhtũ cahapũ ohoahye. Tiquina sa ohoepẽgũta Sila,

Timoteo mehna Bereapũ tojoahye. <sup>15</sup>Sa ye apequina Pablöre Atenapũ ne cã soahye. Tiquirore so tuhasa, majare tojoaa wahahye Bereapũ tja.

—Sojaro mehna waha, piti tina wahaya Pablöre, ni yahuahye Silare, Timoteo gũhure.

Sa ni yahu dutiahye Pablo tiquinare.

### Pablo Atenapũ ijiahye

<sup>16</sup>Sa yero Pablo Atenapũ cohtero niahye Sila, Timoteo gũhure. Sa yero Atena cjëna “Cohãcjũ ijire”, tiquina niñe queoyere peye tiquina cüogũ ihñano Pablo tutuaro bũjua witiahye tiquina mehna. <sup>17</sup>Sa bũjua witiro judio masa buheri wũhũpũ judio masa mehna yahuducuahye. Sa yero tja judio masa ijieyequina gũhure yahuducuahye tiquiro. Tiquina ihquẽquina mari Pacũre ño peoyequina ijiahye. Sa yero Pablo ti maca decorũ decoripe tiquiro cahapũ sa tini majare sajãñequina mehna yahuducuahye. <sup>18</sup>Apequina Epicũreo yere buheyequina, Estoico yere buheyequina gũhũ Pablo mehna yahuducuahye.

—¿Ahriquiroy yahuducuye peyariquiroy dũhse ni yahuducuro niajari tiquiro? niahye tiquina.

Pablo Jesu yere, tiquiro masa mũjarire tiquiro yahugũ tũhoye ohõ saha ni tũhotumahye masa. “Tiquiro apequina cohãmanare yahuro niaga”, ni, tũhotumahye tiquina. <sup>19</sup>Tiquina tũhori bato Areópagoy wame tiropũ Pablöre nea wahahye.

—Ahri buheye, wahma buheyere yojopũ mũhũ yahurire masi duaja usã. <sup>20</sup>Mũhũ buheye sijoro saha ijire. Sa yena usã tire masi duaja, niahye tiquina Pablöre.

<sup>21</sup>Ijipihtiyequina Atena cjëna decoripe wahma buheyere yahuducuducuy duahye. Sa ye tire tũho duahye. Ape yehpa cjëna gũhũ Atenapũ ijieye, sata ye duahye. Sa ye Pablo yahuyere tũho duahye tiquina.

<sup>22</sup>Sa yero Pablo Areópagoy wame tiropũ wahcãdũca, ohõ saha ni yahuahye: —Atena cjãna, peyequina mũsa cohãmanare mũsa tutuaro ño peona mũsa ijigũ masiaja yũhũ. <sup>23</sup>Ahri maca mũsa ya macare cohãmanare mũsa ño peorire ihña tini yũhũ. Sa ihña tinigu yũhũ ihcã cuhtupũ, cohãmanare ño peona mũsa ohoyere mũsa cũnopũ ahrire buhei. “Cohãcjũ, mari masimehnediquiro ya cuhtu ijire”, ni, ojoari jiri mũsa tire mũsa cũnopũ. Mũsa tiquirore masiedapenata tiquirore ño peori jiri mũsa. Tiquiroreta mũsa masiediquirore yahugũ niaja yũhũ mũsare.

<sup>24</sup>Cohãcjũ ijipihitiri yehpare, ijipihitiyere bajumehnediquiro ijire. Tiquiro mũhmũsere, yehpapũre, pũhtoro ijiro, tiquiro masa tiquina yeri wũhũpũ ijierare. <sup>25</sup>Sa yero tiquiro mari ijieyere, mari jeri neñe gũhure, ijipihitiyere marine apee borore ohoriquiro ijiro, mari yedohoyere cahmedare. Tiquiro pejecũoriquiro ijierare.

<sup>26</sup>Tiquiro ihcãquiroy mũmũnore ye dũcahye. Tiquiro mehnata ijipihitiri yehpa cjënare masare yeahye. Sa yero ijipihitiri yehpapũre marine cũahye tiquiro. “Ohõ puno yoari pje ohõpũre catieta”, nino queo cũahye marine. <sup>27</sup>“Tiquina yũhũre macañe, bocaeta”, ni tũhotuahye Cohãcjũ. Sa yero Cohãcjũ yoaropũ

ijierare. Mari mehnata ijire. Ohō saha ni ojoahye. <sup>28</sup>“Marine ijigū yere tiquiro. Sa yero masa mehna sa ijiducure tiquiro”, ni ojoahye. Mūsa mehna cjēna panopū cjēna basayere quehnoano ojoayequina tiquina ojoariro sahata nii niaja. “Mari gūhū Cohācjū pohna ijiaja”, ni ojoahye tiquina. <sup>29</sup>Sa yena tiquiro pohna ijina ohō saha ni tuhouteracāhña mūsa. Queoyere, uru, plata, utā mehna mūsa esa tuharo mūsa yeriquinare “Cohāmana ijire”, ni tuhouteracāhña mūsa. <sup>30</sup>Panopū masa tiquina masieñequina ijinigū tiquina ñañene yepegūta Cohācjū sa ihña cāhrīahye. Sa yeperota yojopūre ijipihtiri yehpa cjēnare tiquina ñañene bujua witi dutire Cohācjū. <sup>31</sup>Came Cohācjū tiquiro queori decopū ijipihtiri yehpa cjēnare queoro beserota quehnoañequinare, ñañequinare. Tiquiro bese duti cūriquiro Jesu pehe beserota. Jesure yariariquirore masoahye tiquiro. Sa masono “Ahriquiro yūhū cūriquiro ijire”, ni, ihñono niahye Cohācjū masare, ni yahuahye Pablo Atena cjēnare.

<sup>32</sup>Tiquiro sa nigū masa mūjarire tiquiro yahuducugū tuhoye apequina tiquirore bujūpeahye. Sa ye apequina pehe ohō saha niahye:

—Pari turi ahrire mūhū yahugū usā tūho duaja, niahye tiquina Pablore.

<sup>33</sup>Tiquina sa nidi bato Pablo wahaah wahahye. <sup>34</sup>Sa ye meheñequinagā tiquiro mehna ijiye, Jesure wacū tutua dūcahye. Dionisio Areópago cjūno pūhtoa mehna cjūno Jesure wacū tutua dūcahye. Damari wame tiricoro gūhū, apequina mehna Jesure wacū tutua dūcahye.

### Pablo Corintopū ijiahye

**18** <sup>1</sup>Sa ye, Pablo Atenapū ijiriquiro waha, Corinto wame tiri macapū esahye. <sup>2</sup>Topū esaro, judio masūno Aquila wame tiriquirore boca sahye tiquiro. Ijipihtiequina pūhtoro Claudio wame tiriquiro judio masare Romapū ijiyequinare tiquiro cohāgū, Aquila pehe tiquiro namono Priscila mehna waha, Corintopū esahye. Aquila pehe Ponto wame tiri yehpapū masa bajuariquiro ijiahye. Sa ye tiquina Corintopū tiquina ijigū, Pablo tiquina cahapū esahye. <sup>3</sup>Aquila gūhū carpa cahseri wūhusere yeyequina ijiahye. Pablo gūhū carpa cahseri wūhusere yeriquirota ijiahye. Sa yero tiquiro tiquina mehna dahra, topū tojoahye. <sup>4</sup>Sa yero Pablo saurū ijigū semanaripe judio masa tiquina buheri wūhūpū judio masare, judio masa ijiyequina gūhūre Cohācjū yere yahuahye. Tiquiro sa ni yahugū tuhoye, “Ijirota ijire”, niahye tiquina ihquēquina.

<sup>5</sup>Sa ye Sila, Timoteo mehna Macedoniapū ijiriquina, Pablo cahapū esahye. Topū tiquina esari bato Pablo pehe ijipihtie decori judio masare quehnoano buhee tiahye:

—Jesu, Cristo marine yūhdūoatiquiro mari cohteriquiro ijire, ni yahue tiahye tiquiro.

<sup>6</sup>Tiquiro sa ni buhepegūta, judio masa pehe tiquirore tūho duerahye. Sa ye tiquina ñano ni quitī dojomehneahye tiquirore. Tiquina sa yegū Pablo tiquinare tiquiro tuhtiboriro sahata, tiquiro suhtirore dihta wahārire wejē site cūahye.

—Musa ye buhiri pecapü wahanata. Cohäcäjü tiquiro dutiriro sahata musare buhemi yuhü. Sa buhepegüta musa yuhüre tuhü duerari. Yojoprüe judio masa ijieyequina pehere buhegü wahautja, niahye Pablo judio masare.

<sup>7</sup>Tiquiro sa nidi bato tiquiro topü ijiriquiro waha, Ticio Justo wame tiriquiro ya wuhupü esahye. Justo Cohäcäjüre ño peoriquiro ijiahye. Tiquiro ya wuhü pehe judio masa buheri wuhü cahapü ijiahye. <sup>8</sup>Sa ye Crispo wame tiriquiro buheri wuhüre coheriquiro, tiquiro namono, tiquiro pohne gühü Jesure wacü tutuayequina ijiahye. Sa ye apequina Corinto cjëna peyequina Cohäcäjü yere tuhoye, Jesure wacü tutuahye. Tiquina sa wacü tutuayequina ijigü tiquinare wame yeahye. <sup>9-10</sup>Ihcä ñamä Cohäcäjü quehënopü yahuahye Pablore. Tiquirore ohö saha niahye:

—Muhü mehna ijiaja. Ahri macare yeequina peyequina ijire. Sa ye apequina masa mähüre ñano ye masiedare. Sa yegü cueracähña mähü. Sa cueragü yeere tutuaro yahuya. Sa tuhötueracähña, ni yahuahye Cohäcäjü Pablore.

<sup>11</sup>Sa ye ihcä cühma quehnoano, ape cühma deco waro to cjënare Cohäcäjü yere buhe, ijie tiahye Pablo.

<sup>12</sup>Tiquiro sa ijiri watoa Galiö wame tiriquiro Acaya yehpa cjëna pühtoro tiquiro ijigü judio masa ijipihtiyequina ihcäno mehna Pablore yahusäne taye, tiquirore buhiri dahre dutiyequina cahapü neahye tiquina.

<sup>13</sup>—Ahriquiró masare Cohäcäjüre ño peo dutiro ahri yehpa cjë dutiye pehere cohä dutiro nine, ni yahusähye judio masa buhiri dahre dutiyequinare.

<sup>14</sup>Tiquina sa ni yahusägü tuhoro Pablo pehe tiquinare yahu duamahye. Sa yahu duepegüta Galiö pehe judio masare yahuahye:

—Ahriquiró usä Roma cjäna ye dutiyere yuhdüdücariquiró tiquiro ijigü musare yuhütoaya yuhü. <sup>15</sup>Sa yena musa judio masa ye dutiye pehere ahriquiró yuhdüdücariquiró ijigü musa basi quehnoña. Ahrire musa mehna masino pjerare yuhüre, ni yahuahye tiquiro judio masare.

<sup>16</sup>Sa ninota tiquinare judio masa yahusäne ahtamediquinare tiquiro ya tucüpü ijiriquinare cohä wioahye tiquiro. <sup>17</sup>Tiquiro sa cohä wiori bato ijipihtiyequina ti wuhupü ijiriquina Sostenene judio masa buheri wuhüre coheriquirore Jesu yaquiróre ñehe, buhiri dahre dutiyequina cahapü queähye tiquirore. Tiquina sa quëgü ihñano Galiö sa ihña cähye.

### Pablo Antioquíapü tojoaa wahahye

<sup>18</sup>Sa yero Pablo Corintopü yoari pje ijiriquiro “Wahau niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila, Aquila mehna Siria yehpapü ijiri macapü pehäa wahahye. Cencrea wame tiri petamahapü tiquina esari bato Pablo Cohäcäjüre “Ohö saha mähüre ye basautja”, tiquiro nidire ye tuhasariquirópe ijiahye. Sa yero sa yeriquina judio masa tiquina yeducuriro sahata tiquiro poarire wüha peho dutiahye. <sup>19</sup>Sa yero tiquina Efeso wame tiri macapü



pehã sa, Priscilare, Aquila gũhũre cũahye Pablo. Tiquinare topũ cũ, judio masa tiquina buheri wũhũpũ wahahye. Ti wũhũpũ esa, Cohãcjũ yere yahuahye. Sa yahuro judio masa mehna yahuducuahye. <sup>20</sup>Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegũta ohõ saha niahye Pablo:

—Tojoeraja mũsa mehna, niahye Pablo tiquinare.

<sup>21</sup>Sa ninota,

—Wahagũ niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesopũ ijiriquiro pehãa wahahye tiquiro.

<sup>22</sup>Sa yero Cesarepũ pehã sa, yũhdũ cã, Jerusalẽpũ esahye. Topũ esa, to cjẽna Jesu yequinare “¿Ne ijajari mũsa?” ni, tiquinare ihña yũhdũa Antioquiapũ esahye. <sup>23</sup>Topũ meheñe decorigã ijiahye. Topũ ijiriquiro yũhdũahye. Galacia yehpãpũ ijiye macaripũ, Frigia yehpãpũ ijiye macaripũ pari turi esa, ti macari cjẽnare Jesu yequinare buhero, bucuegũ yeahye.

### Apolo wame tiriquire Efesopũ buheahye

<sup>24</sup>Ti pjere, judio masũno Apolo wame tiriquire, Alejandría cjũno Efesopũ esahye. Tiquiro quehnoano yahu mihnidiquiro ijiahye. Sa yero tiquiro Cohãcjũ ojoarire quehnoano masiahye. <sup>25</sup>Apequire tiquirore Cohãcjũ yere yahu tuhasae tiahye. Sa yero tiquiro Ñu wame yeriquiro ye buheye dihitarẽ masiahye. Sa ijieperota tiquiro tutuaro bucueye mehna Cohãcjũ yere quehnoano buheahye. <sup>26</sup>Sa yero judio masa tiquina buheri wũhũpũ tiquiro cuero marieno tiquinare buhe dũcahye. Tiquiro sa buhegũ tiquina tũhori bato Priscila, Aquila mehna tiquirore tiquina mehna neahye. Cohãcjũ yere tiquiro quehnoano poto yahu pehoeragũ ihñañe quehnoano poto yahu pehoahye tiquina tiquirore. <sup>27-28</sup>Sa ye tiquiro Apolo pehe Acaya yehpãpũ tiquiro waha duagũ Jesu yequina tiquirore “Quehnoano wahaya”, ni, ojoari pũrine ohoahye tiquirore. Ti pũri Acayapũ ijieyquina Jesu yequinare Apolore quehnoano piti ca dutiye pũri ijiahye. Sa yero Apolo topũ esaro, to cjẽnare Jesure wacũ tutuayequinare Cohãcjũ cahĩne mehna quehnoano yedohoahye. Judio masare ti macapũ ijieyequinare ohõ saha ni yahuahye:

—Cohãcjũ ohoriquiro mũsa coheriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonopũ.

Cohãcjũ yere tiquina ojoari mehna tiquiro quehnoano queoro yahugũ tũhoye tiquina “Poto ijierare”, ni masiedahye. Sa yero Cohãcjũ cahĩne mehna tiquirore wacũ tutuayequinare quehnoano yedohoahye Apolo.

### Pablo Efesopũ wahahye

**19** <sup>1</sup>Corintopũ Apolo tiquiro ijiri watoa, Pablo pehe cũnũ cjũpũ mũja yũhdũa, Efesopũ esahye. Topũ esaro ihquẽquina Jesu yequinare bocahye. <sup>2</sup>Tiquinare boca saro tiquiro tiquinare sinituahye:

—¿Mũsa Jesure wacũ tutuari bato mũsa pehe Espĩritu Santore cũo dũcari? ni, sinituahye Pablo.

Tiquiro sa nigũ tũhoye tiquirore ohõ saha ni yahuahye tiquina:

—“Espíritu Santo ijire”, ni yahuerari usãre, ni yahuahye tiquina.

<sup>3</sup>Tiquina sa ni yahuri bato Pablo tiquinare sinituahye tja:

—¿Noa ye buheyere mûsa tũhori bato wame yeri mûsare? niahye tiquiro tja.

—Ñu ye buheyere usã tũhori bato wame yeri usãre, ni yahuahye tiquina.

<sup>4</sup>Tiquina sa nigũ tũhoro ohõ saha niahye Pablo:

—Masa tiquina ñañe yerire tiquina duhugũ ihñano wame yeahye Ñu.

Sa yero tiquiro wame yeye pehe tiquina ñañe yerire tiquina duhurire

masare ihñoati ijire. Sa yero apee boro gũhũre yahu nemoahye Ñu.

“Yũhũ bato ahtariquiro pehere wacũ tutuaya mûsa”, ni yahuahye tiquiro.

Sa nino Jesure yahuro niahye, ni yahuahye Pablo tiquinare.

<sup>5</sup>Tiquiro sa nigũ tiquina tũhori bato, Jesu wame mehna wame yeahye

tiquinare. <sup>6</sup>Sa yero Pablo tiquina ihquẽquina bui tiquiro omoca duhu

peogũ, Espiritu Santo pehe wihiahye tiquinapũre. Tiquiro sa wihiri bato

tiquina pehe tũhomeheñe yahuducuye mehna yahuducu, Cohãcjũ yere

yahuahye. <sup>7</sup>Tiquina ijipihtiyequina doce umua ijije ijiboaga.

<sup>8</sup>Came Pablo judio masa tiquina buheri wũhũpũ sajã, ihtia asũ waro decoripe

cuero marieno Cohãcjũ pũhtoro tiquiro ijiyere yahuducuahye tiquina mehna.

Tiquirore tiquina sa tũhori bato “Ahri ijirota ijire”, niahye tiquina. <sup>9</sup>Sa niepegũta

apequina pehe tũho duerahye. Sa ye tiquina masa tũhoro quehnoañe buheyere

ñano niahye. Tiquina sa nigũ tũhoro Pablo pehe Jesu yequinare piji wjia, ape

siepũ wahahye. Waha, Tirano wame tiri wũhũ buheri wũhũpũ decoripe masare

Cohãcjũ yere yahuahye tiquiro. <sup>10</sup>Pũa cũhma waro buhee tiahye tiquinare.

Tiquiro sa buhegũ ijipihtiyequina Asia yehpa cjẽna judio masa, judio masa

ijieyequina mehna mari pũhtoro Jesu yere tũhoahye. <sup>11</sup>Sa yero Cohãcjũ tutuaye

mehna Pablo peye tahari ye ihñoahye. <sup>12</sup>Suhti cahseri Pablo tiquiro pagũre

pihari cahserire, tiquiro pihari suhti gũhũre ne cã, dohatiyequinare ohoahye.

Ti suhtire ohogũ tire ñeheñe tiquina dohatiye yũhdũa wahahye. Sa ye watia

tiquina mehna ijiriquina waha wahahye ti suhtire tiquina ñehedi bato.

<sup>13</sup>Sa ijigũ apequina judio masa, sa tiniducuyequina, watiare cohãñequina

judio masa yayia ijiahye. Sa ye Pablo tiquiro yeriro sahata Jesu tutuaye

mehna watiare cohã duamahye. Sa ye watiare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja mûsare. Wahaya.

Ahriquiro mehna pari turi ijieracãhña, nimahye tiquina watiare ohoye.

<sup>14</sup>Esceva wame tiriquiro siete tiquiro pohne pehe sata yemahye. Esceva

pehe judio masũno pahia pũhtoro ijiahye. <sup>15</sup>Tiquiro pohne watĩnore

tiquina waha dutiri bato, watĩno pehe ohõ saha niahye tiquinare:

—Jesure masiaja. Pablo gũhũre masiaja. Mûsa pehere masiedaja,

niahye watĩno tiquinare.

<sup>16</sup>Tiquiro sa nigũta watĩnore cũoriquiro pehe tutuaro tiquinare ñehe

maa wahahye. Sa yero tiquinare ña yũhdũaro yeahye. Tiquiro sa yeri

bato suhti marieñequina, cami tiyequina oma wjiaa wahahye tiquina ti

wuhure. <sup>17</sup>Tiquina sa yeri bato ijipihitieuquina Efeso cjëna, judio masa, judio masa ijieyequina mehna tire tuhoye, cue yuhduahye tiquina. Sa ye mari puhtoro Jesu yere bujupero marieno yahuducuahye masa pehe.

<sup>18</sup>Sa ye masa peyequina Jesure wacũ tutuayequina tiquina ñano yerire yahuye ahtahye. <sup>19</sup>Tiquina mehna cjëna peyequina yayia masare ujuayequina yero saha yevequina ijiahye. Sa ye tiquina ojoari pürine yayia tiquina yerire yahuye pürine topu ne cãhta, masa ihñonopu ti pürine ujãa cohã cãhye tiquina. Ti püri wapa tirire tiquina queogũ, ijipihitieu püri cincuenta mil cjoeri niñeru cjoeri wapa timahye ti püri. <sup>20</sup>Sa ye Cohãcjũ yere cahmeñequina peyequina wahahye. Cohãcjũ tutuaye mehna tiquiro yequina wahahye.

<sup>21</sup>Tiquina sa wahari bato Pablo ohõ saha ni tuhotuahye: “Macedonia yehparu esa mũhta, ti yehpare yuhduã, Acaya yehpare esautja. Ti yehpare yuhã esari bato Jerusalëpu wahaũtja. Ti macare yuhã esari bato Romaru wahaũtja”, ni tuhotuahye Pablo. <sup>22</sup>Puaro tiquirore yedohoyequinare tiquiro pano oho mũhtahye Macedonia yehparu. Timoteo, Erasto gũhu ijiahye tiquina. Sa yero Pablo pehe ihcãquirota tojoa nunu tãriahye Asia yehparu.

### Efesopu masa usua, sañuducuahye

<sup>23</sup>Ti pjere Efesopu Jesu yere apequina cahmedaye, Pablo gũhure tuhtiahye. <sup>24</sup>Plata mehna dahrariquiro Demetrio wame tiriquiro plata mehna cohãcjõno Artemisa wame tiricoro ya wuhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. <sup>25</sup>Sa yero Demetrio apequina plata mehna dahrayequinare piji cahmecoa yahuahye tiquinare.

—Tuhoya musa. Ahri dahraye mehna pajiro mari wapatarire masine musa. <sup>26</sup>Ahriquiro Pablo yerire tiquiro buheri gũhure masine musa. Ohõ saha ni buhere tiquiro. “Cohãmana queoye masa tiquina yevequina catiequina ijierare”, ni yahue tiri tiquiro. Tiquiro sa nigũ tuhoye peyequina Efeso cjëna, ijipihitropu apequina Asia yehpa cjëna gũhu ti buheyere “Ijirota ijire”, nie tiri. <sup>27</sup>Sa niñe mari dahrayere masa ñano yahuducuboaga. Sa ye mari yacoro cohãcjõno Artemisa ya wuhure masa cohãboaga. Sa yero ticoro ijipihitieuquina Asia yehpa cjëna, ijipihitiri yehpa cjëna tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, niahye Demetrio tiquinare.

<sup>28</sup>Tiquiro sa nigũ tuhoye tiquina pehe tutuaro usua, sañuducuahye: —Artemisa Efeso cjëna mari yacoro cohãcjõno tutuaricoro ijire, ni, sañuducuahye tiquina.

<sup>29</sup>Sa ye Efeso cjëna ijipihitieuquina sañuducu yuhduã, tuho masiñe pihitia wahahye. Sa wahaye, Gayore, Aristarco gũhure ñehe, masa tiquina cahmeoanopu tiquinare weje cãhye. Gayo, Aristarco mehna Macedonia cjëna ijiye, Pablo mehna tiniñequina ijie tiahye. <sup>30</sup>Sa ye Pablo masa cahapu tiquiro waha duagũ, Jesu yequina pehe tiquirore waha dutierahye. <sup>31</sup>Sa ye apequina ti yehpa cjëna puhtoa, Pablo mehna cjëna ijiye, tiquina cahacjënare yahu dutiahye Pablore:

—Masa tiquina cahmecoanopɁ wahaeracãhña, ni yahu duti ohoahye pũthoa tiquina cahacjẽnare PablopɁre.

<sup>32</sup>Sa ye topɁ cahmecoañequina mehna cjẽna pehe peyequina “¿Dũhsena tana mari cahmecoana nijari?” ni, masiedahye. Sa ye tiquina sañuducu nemoahye. Ahrie pehepɁ ijyequina sijoro ni, sañuducuahye. Apequina gũhɁ sijoro ni sañuducuahye. <sup>33</sup>Sa ye judio masa pehe Alejandro wame tiriquire masare yahu dutimahye. Sa yero Alejandro “Dihta mariahña”, nino tiquire omoca mehna quẽ dijioahye. “Ahriquina usãre judio masare tuhtiye nine”, ni tũhoturo judio masare cahmota duaro, yahuducumahye. <sup>34</sup>Tiquire sa niepegũta judio masano tiquire ijigũ ihñañe masa ijipihitequina ihcãno mehna pua hora waro sañuducuahye:

—Artemisa, Efeso cjãna mari yacoro cohãcõno tutuaricoro ijire, ni, sañuducuahye tiquina.

<sup>35</sup>Tiquina sa ni sañuducugũ ihñano, Efeso cjẽna pũthoate yedohoriquiro masare, “Dihta mariahña”, ni, yuahye tiquinare.

—Musa Efeso cjãna tũhoya. Efeso cjãna mari yacoro tutuaricoro cohãcõno Artemisa ya wũhɁ cohtena mari ijigũ ijipihite yehpa cjẽna masine. Sa ye uhmusepɁ bora dijia tari queoyere cohtena mari ijigũ gũhure masine masa. <sup>36</sup>Sa ye apequina “Ahri poto ijierare”, ni masiedare. Sa yena usueracãhña musa. Quehnoano tũhotuya musa. <sup>37</sup>Ahriquina musa ñehe tariquina mari cohãcõnore ñano ni yahuducuerari. Sa ye tiquina cohãmana wũhusepɁre sajã, yaquerari. Sa yena quehnoano yeya musa. <sup>38</sup>Sa ye Demetrio, plata mehna dahrayequina mehna ahriquinare musa ñehediquinare yahusã duaye, buhiri dahre dutiyequina pehere yuahro tiquina. Tiquina buhiri dahre dutiyequinare ahriquinare yahusã masine. <sup>39</sup>Pari turi cahmecoana quehnoano mehna cahmecoaña. YojobɁre musa yeriro saha yeracãhña. <sup>40</sup>Miare musa ihyo waro usua, sañuducurire mari pũthoa tũhoye, “Marine cohãñe niaga”, ni tũhotueta tiquina. Sa yena musa sa ni sañuducurire tiquinare quehnoano pote yahu masiedaja mari, niahye pũthoate yedohoriquiro masare.

<sup>41</sup>Sa ni yahu tuhasa, “To puno tjire. Wahaya”, niahye tiquire masare.

### Macedonia yehpapɁ gũhure, Grecia yehpapɁ gũhure Pablo esahye

**20** <sup>1</sup>Ti sa wahari bato, Pablo pehe Jesu yequinare piji cahmecoa yuahye. Yahu tuhasa, tiquinare cohe tiahye. Cohe ti tuhasa, Macedonia yehpapɁ waha wahahye. <sup>2</sup>TopɁ esa, buhe, to cjẽna Jesu yequinare bucuegũ yehye tiquire. Tiquinare buhe tuhasa, Grecia yehpapɁ esahye tiquire. <sup>3</sup>TopɁ tiquire ihtia asũ waro ijiahye. TopɁ ijoro Siria yehpapɁ pehã waha duamahye. Tiquire sa waha duepegũta judio masa duhti queahye, tiquire ñehe duaye. Sa yero Pablo ape mahapɁ, MacedoniapɁ wahari mahapɁ wahahye. <sup>4</sup>Sa waharo Asiaputa esahye. TopɁ Berea cjũno Pirro macno Sópater wame tiriquire pehe Pablore piti ti cãhye. Sa ye Tesalónica cjẽna Aristarco, Segundo gũhɁ tiquire piti ti cãhye. Sa ye Asia cjẽna Tíquico, Trófimo gũhɁ AsiapɁ tiquire piti ti cãhye. Derbe cjũno Gayo wame tiriquire Tímoteo gũhɁ

tiqiro mehna wahahye. <sup>5</sup>Tiqiro mehna cjēna tiqiro pano waha, Troa wame tiri macapū tiqirore coheri jiri. <sup>6</sup>Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopū ijirina yucusa mehna waha, ihcā omope decori pehā, Troapū usā esau. Siete decori waro ijii topure.

### Troapū Pablo tinino wahahye

<sup>7</sup>Domingo ijigū Jesu yequina cahmecoa, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopū wahatiqiro ijiro yoari pje tiqiro buheri. Ñami decopū buhe duhuro taro nimesi. <sup>8</sup>Sa yena ūhmūano cjā tucūpū peye paca sihāñe paca ijiri tucūpū cahmecoau usā. <sup>9</sup>Pablōre tiqiro tūhori watoa wahmūno Eutico wame tiriqiro meheni sopecahagā buipū mūja pje dujiri. Sa yero Pablo tiquinare yoari pje tiqiro buhe nemogū wahmūnore wūjua ahtari. Sa yero tiqiro carī maa, ihtia casario buipū dujiriqiro majare maa dijaa wahari. Tiqiro bora dijiari bato tiquina tiqirore yariariqiropūre tu wahcō dapori. <sup>10</sup>Tiquina sa yegū ihñano Pablo dijaa, wahmūnore quē suhsuri. Tiqiro sa yeri bato Jesu yequinare yahuri tiqiro:

—Jeripohna ñaedacāhña. Yarierare ahriqiro. Catire, nidi Pablo pehe.

<sup>11-12</sup>Tiqiro sa nigū wahmūno yariamediqiro masaa wahari. Tiqiro sa masagū ihñañe tiquina bucue yūhdūari. Sa bucueye ūhmūano cjā tucūpū mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpū tiquinare buhe duhuri. Tiqiro buhe tuhasagū waha waha usā.

### Pablo Troapū ijiriqiro waha, Miletopū esahye

<sup>13</sup>Pablo pano yucusa mehna Asōpū usā pehe esa mūhtaū. Pablo pehe mahapū waha duari. Pablo tiqiro nidiro sahata Asōpū tiqirore usā piti cau. <sup>14</sup>Tiqirore usā piti cagū, usā mehna tiqiro sajāri yucūsapū. Tia mehna waha, Mitilenepū usā esau. <sup>15</sup>Topure esa yūhdūa, ape decopū Quíore yūhdūau usā. Ape decopū Samopū esau usā. Ape deco pehere Miletopū esau usā. <sup>16</sup>Pablo Pentecoste deco ijigū, Jerusalēpū esa duari. Sa yero Asia yehpapū yoari pje iji duerari. Sa yero Efesore poto yūhdūa, Miletopū wahā sau usā.

### Pablo Efeso cjēnare Jesu yequina pūhtoare yahuahye

<sup>17</sup>Sa yero Pablo Miletopū ijiro, Efeso cjēnare Jesu yequina pūhtoare pijiori tiqiro. <sup>18</sup>Sa tiqiro pijiori bato tiquina Pablo cahapū wihiri. Tiquina wihigū ihñano tiquinare Pablo yahuri:

—Asiapū coā wihigū mūsa mehna yūhū yerire masine mūsa. <sup>19</sup>Mūsa mehna ijigū ne sijoro nino marieno Jesu, mari pūhtoro yere yee tii yūhū. Sa yegū mū sare paja ihñau. “Mū sare yūhdūdūcaja”, niedū yūhū. Judio masa yūhūre tiquina ñano yepegūta Cohācjū yere yee tii yūhū. <sup>20</sup>Sa yegū mūsa quehnoano wahatire cahmegū mū sare yahu peho cāu yūhū. Masa tiquina ihñonopū mūsa wūhūsepū gūhūre buhei yūhū. <sup>21</sup>Sa yegū judio masare, judio masa ijieyequina

gũhure ihcãno mehna buhei yũhũ. “Mũsa ñañene bujũa witina, Cohãcjũ ye pehere comesaya. Sa yena Jesu mari puhtorore wacũ tutuaya”, ni yahuu yũhũ. <sup>22</sup>Sa yegũ Espĩritu Santo tiqiro dutiriro sahata yojopũre Jerusalẽpũ wahau niaja. Yũhũ topũ wahagũ yũhũ dũhse wahatire masiedaja yũhũ. <sup>23</sup>Ohõ saha nidi Espĩritu Santo yũhure: “Jerusalẽpũ mũhũ ñano yũhdata. Sa ye mũhure peresu yeeta”, nidi Espĩritu Santo yũhure. Yojopũre yũhũ macaripe yũhũ esagũ sa ni yahuri yũhure. Jerusalẽpũ wahagũ Espĩritu Santo tiqiro yahuri dihitare masiaja. <sup>24</sup>Tiqiro sa yahuepegũta quehnoañe buheyere, Cohãcjũ tiqiro cahĩne buheyere yahuaçjũ ijiaja. Jesu mari puhtoro tiqiro ye dutirire ye peho duaja. Ahrire yerigũ ijigũ, yũhũ yariatire cueraja yũhũ.

<sup>25</sup>Sa yegũ mũsa mehna ijigũ Cohãcjũ tiqiro puhtoro ijiyere yahue tii yũhũ mũsare. Ne mũsare pari turi ihñasi yũhũ. Ahrire masiaja yũhũ. <sup>26-27</sup>Sa masigũ miare ahrire yahuaja mũsare. Ijipihtiyẽ Cohãcjũ yere yahuu yũhũ mũsare. Sa yero ijipihtiyequina mũsa mehna cjẽna Cohãcjũ yere cahmeeñequina tiquina ijigũ yee buhiri ijierare. <sup>28-29</sup>Mũsa basi quehnoano yeya. Sa yena Jesu yequinare Espĩritu Santo mũsare ihbo dutigũ, tiqiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gũhure ihboya mũsa. Cohãcjũ macũno tiqiro yariaro tiqiro dii cohãno mehna Cohãcjũ tiquinare tiqiro yequina ijiatiquinare yeri. Yũhũ ohõre wahari bato apequina ñañequina pehe yaqiro ovejare tiquina wejẽno saha Jesu yere mũsa yeborire dojomehneeta. Sa yena Jesu yequinare quehnoano ihboya. <sup>30</sup>Camepũre apequina mũsa mehna cjẽna pehe Jesu yequinare ni meho, apeye buheyere tũho dutieta. Tiquina sa dutigũ tiquina tũhoeta. <sup>31</sup>Sa yena quehnoano yeya mũsa. Decoripe, ñaminipe paja ihñañe mehna buhei yũhũ mũsare. Ihtia cũhma waro quehnoano buhei yũhũ mũsare ijipihtinare. Tire quehnoano wacũña mũsa.

<sup>32</sup>Yojopũre yũhũ wahari bato Cohãcjũ mũsare ihña ihborota. Tiqiro cahĩne buheyere buhena quehnoano ijinata mũsa. Cohãcjũ tiqiro buheye mehna mũsare tiqiro yequinare quehnoano yedoho masine. Sa yero tiqiro yequina dihitare tiqiro ye duariro sahata mũsa pũritare quehnoano yerota. <sup>33</sup>Mũsa niñeru cũoyere, mũsa suhti cũoye gũhure “Yũhure ohoya”, niedũ. <sup>34</sup>Yũhũ basi dahra wapataũ ye ijiatire. Sa yegũ yũhũ cahmeñene, yũhũ mehna cjẽna tiquina cahmeñe gũhure yũhũ dahra wapatarĩ mehna nei. Yũhũ sa yerire masine mũsa. <sup>35</sup>Mari ohõ saha tutuaro dahrana apee boro cũoyequinare yedohoro cahmene marine. Ahrire mũsare ye ihñou yũhũ. Jesu mari puhtoro tiqiro nidire wacũña mũsa. “Tiqiro ohogũ ñehediquiro yũhũoro ohoriquiro pehe bucuere”, nidi jiri Jesu tiqiro basi, ni yahuri Pablo Jesu yequina puhtoare.

<sup>36</sup>Sa nidi bato Pablo tiquina mehna dũsepe curi mehna quehe sa, Cohãcjũre sinidi. <sup>37</sup>Tiqiro sa sinidi bato tiquina ijipihtiyequina Pablõre quẽ suhsu, wahsupure ihmi, utiri. <sup>38</sup>“Mũsare pari turi ihñasi yũhũ”, to pano tiqiro nigũ tũhoye tutuaro bujũa witiri tiquina. Sa ye tiqirore tu nũnũ tã buhari petamahapũ. Topũ usãre ihña nũnũ tãri usã wahagũ.

## Pablo Jerusalēpū pari turi wahahye

**21** <sup>1</sup>Jesu yequinare “Wahana niaja”, ni, yucusa mehna, Cos wame tiri nūcōropū poto waha, pehā sau usā. Ape decōpū Roda wame tiri nūcōropū pehā sa, yūhdūa, Pátara wame tiri macapū esau usā. <sup>2</sup>Pátarapū ijina, Feniciapū wahatiare yucūsare bocaū usā. Sa yena tia mehna wahaū usā. <sup>3</sup>Sa wahana Chipre wame tiri nūcōre poto ihña yūhdūū usā. Cū pehe pehe ijiri ti nūcō. Ti nūcōre yūhdūa, Siria wame tiri yehpāpū esau usā. Sa yena yucusa cjē doeri cjēne yucusa cjēno Tiro wame tiri macapū tiquiro dure mogū topū pahsarīi. <sup>4</sup>Topū Jesu yequinare ihñana, siete decori waro tojoarīi usā ti macapū. Sa ye to cjēna Jesu yequinare Espiritu Santo tiquiro yahuriro sahata tiquina Pablōre Jerusalēpū waha dutieramedi. <sup>5</sup>Tiquina sa niepegāta ti macare siete decori usā ijiri bato, wahaū usā. Usā wahato panogā ijipihtiequina Jesu yequina, tiquina namosānumia mehna, tiquina pohne mehna, maca dūhtū cahapū usāre ihña tojoari. Sa yena ijipihtina usā padūropū esa, dūsepe curi mehna quehe sa, Cohācjūre sinii. <sup>6</sup>Usā sa sinidi bato, “Wahana niaja”, ni, tiquinare quē suhsu bato ti wahaū usā. Usā wahagū ihña nūnū tā, tiquina pehe majaa wahari tiquina ye wūhūserpū.

<sup>7</sup>Tiro wame tiri macare maja yūhdūū usā. Sa yena Tolemaidapū wahā sau usā. Topūta pajiri mare waha bato tii usā. Ti macapū esa, Jesu yequinare “¿Usā acaye, ijiajari?” ni, ihcā deco usā tiquina mehna ijini. <sup>8</sup>Sa yena ape decōpū tja Pablo mehna mahapū wahaū usā Cesarea wame tiri macapū wahana. Topū esa, quehnoañe buheyere yahuriquiro Felipe wame tiri quiro ya wūhūpū esau. Sa yena tiquiro mehna tojoau usā. Felipe Jesu yequina tiquina siete besenohriquina mehna cjēno ijiri. <sup>9</sup>Sa yero tiquiro pititiaro numia pacūro ijiri. Tiquina numia pehe Cohācjū yere yahuye numia ijiri. Nuhmia ijiri. <sup>10-11</sup>Topū usā meheñe decorigā usā ijiri bato, Agabo wame tiri quiro Cohācjū yere yahu mūhtariquiro Judeapū ijiriquiro usāre ihñano wihiri. Sa yero tiquiro Pablo ya dare jeri turi dare ne, tiquiro dahpocārine, tiquiro omocarine dūhtero, queo yahuri:

—Ohō saha nidi Espiritu Santo. “Ahri dare cōriquiro Jerusalēpū tiquiro esagū, judio masa sa dūhteeta tiquirore. Dūhte tuhasa, judio masa ijieyequinare ohoeta tiquina tiquirore”, nidi Espiritu Santo, ni yahuri Agabo.

<sup>12</sup>Tiquiro sa nigū tūhona, usā Cesarea cjēna mehna Pablōre tutuaro cahīi usā. Tiquirore Jerusalēpū waha dutierami. <sup>13</sup>Usā sa nigū Pablo pehe yūhtiri:

—¿Dūhse ni utina niajari mūsa? Yūhū pehere bujūa witiigū yeaga mūsa. Tiquina yūhūre peresu tiquina yegū quehnoanota. Yūhū Jerusalēpū Jesu mari pūhtoro yere yūhū yeri buhiri yūhū yariagū quehnoanota, nidi Pablo usāre.

<sup>14</sup>“Wahaeraja”, tiquiro nigū tūho duana nimi usā. Tiquiro “Wahaūtja”, tiquiro nigū, sa tūhotu cūhū usā. Ohō saha nii:

—Mari pūhtoro tiquiro cahmeno sahata yeahro, nii usā.

<sup>15</sup>Tire yahu bato ti, usā yere quehno, waha wahaū usā Jerusalēpū wahana. <sup>16</sup>Topū usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjēno Chipre cjēno Mnasō



wame tiriquiro ya wuhupɛ esaɯ usã. Tiquiro yoari pje Jesu buheriquiro ijiri. Sa yero tiquiro ya wuhɯ usã ijati wuhɯ ijiri. Sa yena Jerusalêpɛ esaɯ usã.

### Pablo Santiagore ihñano wahahye

<sup>17</sup>Jerusalêpɛ usã esagũ, to cjêna Jesu yequina pehe “¿Wihijari?” ni, bucueye mehna piti cari usãre. <sup>18</sup>Ape decopɛ Pablo usã mehna Santiagore ihñano esari. Usã topɛ esagũ topɛ ijipihitiyequina Jesu yequina pũhtoa ijiri. <sup>19</sup>Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohãcjũ tiquiro yedohoye mehna tiquiro yerire yahu pehori. <sup>20</sup>Tiquiro sa ni yahugũ tũhoye, “Cohãcjũ quehnoagɯ, tutuagɯ ijire mũhɯ”, ni ño peori tiquina pehe Cohãcjũre. Sa ni tuhasa tiquina Pablöre ohõ saha ni yahuri:

—Usã acayɯ, yojopɛre peyequina judio masa Jesure wacũ tutuayequina ijire. Tire masine mũhɯ. Sa ye tiquina ohõ saha ni tũhoture: “Cohãcjũ dutiyere, Moiseputa marine tiquiro cũrire marine ye pehoro cahmene”, niñe nine. <sup>21</sup>Ohõ saha ni nemore tiquina. “Ape siepɛ ijieyequinare judio masa ijieyequina watoapɛ ijieyequinare judio masare Cohãcjũ Moiserere tiquiro cũrire cohã dutiahye Pablo”, nimeri ohõ cjêna judio masa mũhũre. “Pablo judio masa pohnene cuhnucunɯ sohtoaherogãre yũhre ne dutierare”, nimeri mũhũre tiquina. “Judio masa tiquina yee tiyere Pablo duhu dutire”, ni ahri gũhũre ni yahu wajare mũhũre. <sup>22</sup>Sa ye mũhũ ohõre wihigũ tũhoye tiquina cahmecoaeta mũhũre tuhtiyere tehe. Sa yegɯ ohõ saha yero cahmene mũhũre. <sup>23</sup>Mũhũre usã dutiro sahata yeya. Yojopɛre ohõre pititiaro ɯmũa Cohãcjũre wacũnequina “Ohõ saha yenatja”, niñequina ijire. <sup>24</sup>Tiquina mehna wahaya. Sa ye Cohãcjũ Moiserere tiquiro dutiriro sahata tiquina basi Cohãcjũ yere yee tehe tiquina ñano yeyere coseye nine. Mũhũ gũhũ sata yeya. Sa yegɯ tiquina sa yeati wapare wapa yeya mũhũ pehe. Mũhũ sa wapa yeri bato tiquina poarire wũha peho duti masine tiquina. Mũhũ sa yegũ ihñañe masa mũhũre tiquina niñe ni mehori ijigũ masieta ijipihitiyequina. Cohãcjũ Moiserere tiquiro cũri dutiyere yegɯ mũhũ ijigũ masieta tiquina.

<sup>25</sup>Sa yena judio masa ijieyequina Jesu yequina pehere usã ojoari pũre oho tuhasa. Ohõ saha ni, ojoaɯ usã. “ ‘Cohãcjũ ijire’, tiquina niñe queoyere ño peo tiquina duhu peori ihyayere, diire, wamũa tiquina ñehe wejêdiquinare wahiquinare ihyeracãhña musa. Sa yena wũana tieracãhña”, ni, yahu ojoaɯ usã ojoari pũpũre, nidi tiquina Pablöre.

### Cohãcjũ wuhupɛ judio masa Pablöre ñeheahye

<sup>26</sup>Tiquina sa ni yahuducuri bato ape deco Pablo pehe pititiaro ɯmũa mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wuhupɛ sajãa wahahye. Ti wuhupɛ sajã saro, tiquinare yahuahye Pablo: “Ohõpe decori dũhsare musa coseato”, ni yahuahye tiquiro pititiarore. Sa ye tiquina cose bato tiri decopɛ tiquinapequina Cohãcjũre wahiquinare tiquina ohoati deco ijiri.

<sup>27</sup>Sa ye tiquina cose pehoboriro mehenogã dũhsagũ waro Cohãcjũ wũhũpũ Pablo tiquiro ijigũ Asia yehpa cjẽna judio masa pehe ihãahye tiquirore. Sa ihãañe Pablöre quitı dojomehne, apequinare tiquiro mehna usuagũ yeahye tiquina. Sa usua, judio masa Pablöre ñehe, sañuducuahye:

<sup>28</sup>—Mũsa usã acaye, Israe masa usãre yedohona ahtaya. Ahriquiro ijire. Ahriquiro Cohãcjũ Moiserere tiquiro cũri dutiyere, ahri wũhũ gũhũre cohã duti, buhere ijipihıyequinare. Sa ye marine judio masare ñano ni yahuducure. Sa yero tiquiro Cohãcjũ wũhũpũre judio masa ijieyequinare ne sajäri. Sa yero ahri wũhũre ñañe mariedi wũhũre tiquiro dojomehnedi, ni, sañuducuahye judio masa Asia yehpa cjẽna to cjẽnare.

<sup>29</sup>To pano Jerusalẽpũ Pablo Trófimo mehna tiquiro ijigũ judio masa ihãae tiahye. Trófimo Efeso cjũno judio masũno ijieriquiro ijiri. Tiquiro sa ijigũ masiñe ohõ saha ni tũhotuahye tiquina: “Pablo Trófimore Cohãcjũ wũhũre ne sajäno niaga”, ni tũhotuahye judio masa. <sup>30</sup>Masare sa ni yahu tiquina sañuducuri bato ti maca cjẽna peyequina tutuaro usuahye. Peyequina oma cãhta, Cohãcjũ wũhũpũ ijiriquirore Pablöre ñehe weje wijiaa wahahye. Sa ye ti wũhũ sopecaharire bihahye tiquina. <sup>31</sup>Sa ye tiquina tiquirore wejẽñe tee nimahye. Tiquina sa yegũ ihãañe “Ijipihıyequina Jerusalẽ cjẽna usua, sañuducuye nidi”, ni, apequina pehe yahuye wahahye surara pũhtorore. <sup>32</sup>Tiquina sa nigũ tũhoro pũhtoro pehe tiquiro yequina surarare, tiquina dutiyequina gũhũre cahmecoadoqueo, tiquina mehna Pablöre wejẽ duayequina cahapũ oma cã esahye. Surara tiquina esagũ ihãañe Pablöre quẽmediquina quẽ duhu cãhye. <sup>33</sup>Sa yero surara pũhtoro Pablo cahapũ esa, pũa da come dari mehna tiquirore dũhte dutiahye. Tiquina dũhte tuhasagũ ihãano, pũhtoro Pablöre sinituahye:

—¿Noa boro ijiajari ahriquiro? ¿Yabe buhiri tiquirore sa yeajari mũsa? ni, sinituahye tiquiro tiquinare.

<sup>34</sup>Tiquiro sa sinitugũ tũhoye masa pehe “Ohõ saha yeri tiquiro”, ni, apequina gũhũ sijoro saha ni sañuducu, yahuahye surara pũhtorore. Sa ni tiquina sañuducugũ surara pũhtoro quehnoano tũhoerahye. Sa yero tiquiro surara ya wũhũpũ Pablöre nea dutiahye. <sup>35</sup>Ti wũhũpũ esa, Pablo mũjari escarerapũ tiquiro mũjano taro yegũ masa pehe tiquirore quẽ duaye nimahye. Tiquina sa yegũ surara pehe tiquirore ne wũa mũjaa wahahye. <sup>36</sup>Masa tiquinare peyequina nũnũ tã, sañuducu nũnũ tãhye.

—Tiquirore wejẽ cãhña, ni, sañuducuahye tiquina Pablöre.

### **Pablo “Ne masare ñano yeraja yũhũ”, ni, yahuahye**

<sup>37</sup>Sa ye ti wũhũpũ tiquina peresu yeato pano, Pablo pehe pũhtorore siniahye:

—Yũhũ mũhũ mehna yahuducu duaga, ni siniahye Pablo.

—¿Mũhũ griego masa yere yahuducujari? <sup>38</sup>¿Sohõ ijirigu, Egipto cjũ ijierajari mũhũ? Tiquiro masare tiquina pũhtoare cohã dutiriquiro, cuatro mil masa wejẽñequina pehere masa marienopũ neari jiri. ¿Tiquiro ijierajari mũhũ? niahye surara pũhtoro Pablöre.

<sup>39</sup>Tiquiro sa nigū tūhoro Pablo yūhtiahaye:

—Tiquiro ijieraja yūhū. Judio masū ijiaja. Tarsopū Cilicia yehpapū ijiri macapū masa bajū yūhū. Ihyo ijiri maca cjū ijieraja yūhū. Yūhū ahriquina masa mehna yahuducu duaga yūhū, niahaye Pablo tiquirore.

<sup>40</sup>Tiquiro sa nigū tūhoro pūhtoro pehe tiquirore yahuducu dutiahaye masa mehna. Sa yero Pablo mūjari escarerapū ducuro tiquiro omocari mehna “Dihta mariahña”, niahaye masare. Tiquiro sa yegū ihñañe, dihta mari pihtia wahahaye. Tiquina dihta mariahgū ihñano, Pablo judio masa ye mehna yahuahaye tiquinare.

**22** <sup>1</sup>—Yūhū acaye, yūhū yerire yahutja mūsare. Yūhū yahugū tūhoya mūsa, niahaye Pablo.

<sup>2</sup>Tiquiro sa nigū Pablo judio masa ye mehna tiquiro yahuducugū tūhoye masa pehe dihta mari doja wahahaye. Sa yero Pablo tiquinare yahuahaye:

<sup>3</sup>—Yūhū judio masūta ijiaja. Tarso wame tiri macapū, Cilicia yehpapū ijiri macapū masa bajū yūhū. Sa ijiepegūta ahri maca Jerusalēpūta būsuaū yūhū. Sa yero yūhūre Gamalie wame tiri tiquiro buhee tiri. Sa yegū yūhū mari ñecusūmūa mūna panopū cjēna dutiyere quehnoano buhei. Yojoṗūre mari Pacūre mūsa yero sahata yūhū gūhū ño peoe timi. <sup>4</sup>Sa yegū Jesu yequinare ñano yee tii yūhū. Ihquēquina tiquinare wejēe tii yūhū. Ūmūare, numia gūhūre ñehe, peresu yee tii yūhū. <sup>5</sup>Pahia pūhtoro, judio masa būsūna mehna tiquina ojoaye pūrīne Jesu yequinare ñehe dutiye pūrīne yūhūre oja basari. Mari acayere Damasco cjēnare ti pūrīne ihñogū tūū nimi Jesu yequinare ñehei tūhū. Tiquinare ñehe, ne cāhta peresu yei tūū nimi. Jerusalēpū tiquinare ne cāhta duami buhiri dahrei tūhū. Ohō saha yūhū nigū pahia pūhtoro, judio masa būsūna gūhū quehnoano masine, ni yahuahaye Pablo.

### Pablo Jesu yaquiro tiquiro waha dūcarire yahuahaye

(Hch 9.1-19; 26.12-18)

<sup>6</sup>Sa ni tuhasa ohō saha ni yahu nemoahye:

—Sa yero coheri pje ijigū Damascopū yūhū esa quehegū waro ūhtūanopū asi sitedoque dijiori yūhūre. <sup>7</sup>Sa wahagū yūhū yehpapū bora quehe saa waharū yūhū. Yūhū bora quehe sari bato yahuducuro ca tari yūhūre. “¿Saulo, dūhsegu yūhūre ñano yeajari?” nino ca tari yūhūre. <sup>8</sup>“¿Pūhto, noa boro ijajari mūhū?” ni, sinituu yūhū. “Yūhū Jesu Nazare cjū, mūhū ñano yenohrigū ijiaja yūhū”, ni, yūhtiri yūhūre tiquiro. <sup>9</sup>Yūhū sa wahagū yūhū mehna cjēna buhriorore ihñari. Sa ihñaepeta yūhū mehna tiquiro yahuducugū tūhoerari tiquina. <sup>10</sup>“¿Pūhto, dūhse yegutari yūhū?” ni sinituu Jesure. “Wahcādūcaya. Damascopū wahaya. Topū mūhū wahagū, mūhūre ijipihtiyē yūhū ye dutiatire apeqūiro yahurota mūhūre”, nidi tiquiro yūhūre. <sup>11</sup>Tutuario tiquiro asi sitedoqueogū, yūhū caperi opoa waharū yūhū. Sa ye, yūhū mehna cjēna yūhū omocare ñehe, Damascopū tūā cāri yūhūre.

<sup>12</sup>Topū Anania wame tiri tiquiro, Cohācjūre ño peoriquiro marine Cohācjū dutiyere ye pehoriquiro ijiri. To cjēna judio masa ijipihtiyequina tiquina ño peoriquiro ijiri. <sup>13</sup>Sa yero tiquiro yūhū caharū wihiḍca yūhūre yahuri. “Yūhū

acayn Saulo, ihñaña pari turi tja”, nidi tiqiro. Tiquiro sa nidi bato pari turi ihñañ yuhn. Sa yegu tiqirore ihñañ yuhn. <sup>14</sup>Yuhn sa ihñañgũ tiqiro Anania yuhñre yahuri. “Mari Pacu tiqiro cahmeñene quehnoano masiacjũre panopũ bese tuhasahye mũhũre. Sa yero ‘Yuhn macu quehnoariqirore ihña, tũhorota’, ni yahuahye mũhũre mari Pacu panopũ. Tiquiro ijire mari ñecusumua muna tiquina ño peoriquiro. <sup>15</sup>Sa yegu mũhũ ihñañre, mũhũ tũhorire yahuguta mũhũ ijipihitiyequinare. <sup>16</sup>Sa yena yojoþure yoari pje ijieracũhna. Wahcãdũcaya. Sa yegu wame yenohrigũ ijiya. Jesure mũhũ sinigũ mũhũ ñañene cohãnota”, nidi yuhñre tiqiro, niahye Pablo tiqirore wejẽ duariquinare.

### **Pablo judio masa ijieyequinare tiqiro buherire yahuahye**

<sup>17</sup>Sa ni tuhasa Pablo yahu nemoahye:

—Sa ye tuhasa yuhn Jerusalẽpa tojoa ta, Cohãcjũ wũhũpa Cohãcjũre sinigũ esau. <sup>18</sup>Yuhn topũ ijigũ Jesu yuhñre bajue tiri. Sa bajoaro yuhñre yahuri. “Jerusalẽ cjẽna yeere mũhũ yahugũ tũho duerare. Sa yegu umũñano ape siepu wahaya”, nidi Jesu yuhñre. <sup>19</sup>Tiquiro sa nigũ tũhogũ yahuu tiqirore: “Pũhto, mũhũ yequinare judio masa buheye wũhũsepu ijieyequinare yuhn ñehe, quẽdire masine Jerusalẽ cjẽna. <sup>20</sup>Sa yegu mũhũre yahuriqirore Estebã pehere tiquina wejẽgũ ihñañ ‘Quehnoano yeye wejẽne’, nimi. Tiquirore tiquina wejẽgũ tiquina suhtire cũo basau yuhn. Ti gũhũre masine ahri maca cjẽna. Sa ye yuhn yahugũ tũhoboaga yuhñre”, ni yahuu yuhn Jesure. <sup>21</sup>Yuhn sa nigũ tũhoro Jesu yuhñre yahuri: “Yoaropũ judio masa ijieyequinare buheacjũre ohoutja mũhũre. Sa yegu wahaya mũhũ”, nidi yuhñre yuhn pũhtoro, niahye Pablo masare.

### **Surara pũhtoro Pablo mehna yahuducuahye**

<sup>22</sup>Tiquiro yahu mũhtari dihitare quehnoano tũhomahye masa. Sa tũhoepeta judio masa ijieyequina cahapũ Jesu Pablore tiqiro ohoatire tiqiro yahugũ tũhoye tiquina sañuducu dũcahye tja:

—Ahriqiro yojoþũ pũritare yariacũnahdo, ni sañuducuahye tiquina.

<sup>23</sup>Sa ye tiquina sañuducu nemo, usuaye mehna tiquina suhtire wahba siteduca, dihta mehna doque mũoahye. <sup>24</sup>Surara pũhtoro surara ya wũhũpa Pablore ne sajà dutiahye tiqiro yequina surarare. Sa yero surara pũhtoro “¿Dũhse ijero boro Pablo mehna usua ñano sañuducuye nijari masa?” ni sinitu duamahye. Pablore tire sinituro taro, yuta dari mehna tana dutimahye tiqirore. <sup>25</sup>Sa tana dutiepegũta tiqirore tiquina dũhteri bato, tiqiro cahapũ ijiriqirore surarare yahuahye Pablo:

—Yuhn Roma cjũ ijiaja. Sa yena “Ñano yeriquiro ijire ahriqiro”, yuhñre ni masiedare mũsa. Sa yena yuta dari mehna yuhñre tana masiedare mũsa, niahye Pablo tiqirore.

<sup>26</sup>Tiquiro sa nigũ tũhoro surara tiqiro pũhtoro yahuro wahahye:

—Ahriqiro Roma cjũno ijire. Sa yegu quehnoano yeya tiqirore, ni yahuahye tiqiro pũhtoro.

<sup>27</sup>Tiquiro sa nidi bato surara pũhtoro pehe Pablore sinituro wahahye:



(Hechos 22.22)

—¿Potota m̄h̄u Roma cj̄u ijiajari? Yahuya ȳh̄ure tire, niahye tiquiro.

—To cj̄uta ijiaja ȳh̄u, ni ȳhtiahye Pablo.

<sup>28</sup>Tiquiro sa niḡu t̄horo p̄htoro pehe tiquirore yahuahye:

—Ȳh̄u Roma cj̄u iji duagu nīneru pajiro wapa yei, niahye tiquiro.

—Ȳh̄u Roma cj̄a macaru masa bajuu. Sa yegu Roma cj̄u ijiaja ȳh̄u pehe, niahye Pablo.

<sup>29</sup>Tiquiro sa niḡu t̄hoye tiquirore tanaboriquina wahaa wahahye. Sa yero Pablo Roma cj̄uño tiquiro ijiḡu masino, tiquirore come dari mehna tiquina d̄hterire wac̄uño, cue niahye p̄htoro pehe.

### **Pablo judio masa p̄htoro yahuahye**

<sup>30</sup>Sa yero surara p̄htoro judio masa Pablöre tiquina yahus̄arire quehnoano masi duahye. Sa masi duaro ape decoru come darire tiquirore p̄a dutiri bato, pahia p̄htoare, judio masa buc̄na mehna cahmecoa dutiahye surara p̄htoro. Tiquiro sa cahmecoa dutiri bato tiquiro toru Pablöre ne c̄a, tiquina ih̄ono duhu docoahye tiquirore.

**23** <sup>1</sup>Sa yero Pablo judio masa bŭcŭnare ihña piti ca ducu, yahuahye: —Yũhũ acaye, Cohãcjũ tiqiro ihñonopũ ijipihtiye decori quehnoano yeducuaja yũhũ, niahye Pablo.

<sup>2</sup>Tiqiro sa nigũ tũhoro ijipihtiyequina pahia bui ijiriquiro Anania pehe Pablo dũserore quẽ dutiahye. <sup>3</sup>Tiqiro cahapũ ducuyequinare quẽ dutiahye. Tiquirore tiquina quẽdi bato Pablo Ananiare tuhtiahye:

—Masa ihñono dihita quehnoano iji mehogũ ijire mũhũ. “Cohãcjũ dutiyere yũhdũdcagũ nine”, yũhũre niepegũta yũhũre quẽ dutire mũhũ. Sa quẽ dutigũ mũhũ pehe dutiyere yũhdũdcagũ niaga, niahye Pablo tiqirore.

<sup>4</sup>Tiqiro sa nigũ tũhoye Pablo cahapũ ducuyequina ohõ saha niahye tiqirore:

—Cohãcjũ tiqiro beseriquiro pahia pũhtoro ñano yahuducueracãhña mũhũ, niahye tiquina Pablöre.

<sup>5</sup>Tiquina sa nigũ tũhoro Pablo ni nemoahye tja:

—Yũhũ acaye, tiqiro pahia pũhtoro ijiyere masiedũ yũhũ. Sa yegũ sa ni maca cãhti yũhũ. Cohãcjũ yere tiquina ojoari ohõ saha ni yahure tiqirore: “Mũhũ ya maca cjẽna pũhtoro ñano ni, yahuducueracãhña”, ni ojoahye, niahye Pablo tiquinare “Boya”, nino.

<sup>6</sup>Sa ye topũ pũa curua cjẽna ijiahye. Ihcã curua saduceo masa ijiahye. Ape curua pehe fariseo masa ijiahye. Pũa curua tiquina ijigũ masino, Pablo judio masa bŭcŭnare tutuaro sañuducu yahuahye:

—Yũhũ acaye, yũhũ fariseo masũ ijiaja. Fariseo masũno macũta ijiaja yũhũ gũhũ. “Yariariquina masa mũjaeta”, yũhũ sa nidi buhiri yũhũre ñano ye duare mũsa, niahye Pablo.

<sup>7</sup>Tiqiro sa nigũ tũhoye fariseo masa, saduceo masa tiquina basi cahme tuhtiahye. Sa ye tiquina basi pũa curua tu wahye. <sup>8</sup>Saduceo masa ohõ saha niñequina ijiahye: “Yariariquina masa mũjasi. Espĩritua, angele gũhũ ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mũjaeta”, tiqiro nigũ tiquina basi cahme tuhtiahye. <sup>9</sup>Sa cahme tuhtiye, tutuaro sañuducuahye. Sa ye fariseo masa mehna cjẽna judio masa buheyequina wahcãdũca, tuhti, yahuahye:

—Ahriquiri Pablo ñano yerari. Sa yero espĩritu o angel, potõ tiqiro mehna yahuducuriquiro ijiboaga, niahye tiquina.

<sup>10</sup>Tiquina sa nidi bato tiquina ijipihtiyequina cahme tuhti, tutuaro usuahye. Pablöre tiquina wejẽ duagũ ihñano cuesãhye surara pũhtoro pehe. Sa yero Pablöre tiqiro ya wũhũpũ ne cã dutiro, tiqiro masa watoapũ surarare ohoahye.

<sup>11</sup>Ape ñami Jesu mari pũhtoro Pablo cahapũ ducuro, yahuahye tiqirore:

—Cueracãhña. Yojoũre ohõre Jerusalẽpũ yee buheyere yahuri mũhũ. Sa yegũ Romapũ gũhũre ohõ sahata yei wahaya, niahye mari pũhtoro Jesu Pablöre.

### Judio masa Pablöre wejê duamahye

12-13 Ape decopu ñami cjũno ijigũ judio masa cahmecoahye.

—Ohõ saha yeihna. Pablöre wejêihna. Tiquiöre mari wejêato pano sihniedacũhna. Ihyeracũhna. Tiquiöre wejêdana ujuu mehna yariũhna. Sa yero Cohãcjũ mari pehere wejêahdo, niahye tiquina.

Tiquina cuarenta bui cjũno judio masa ijiahye. 14 Tiquina sa nidi bato tiquina pahia pũtoare, bucũna gũhũre yahuye wahahye:

—Pablöre usã wejêato pano ihyayere usã ihyeraja. 15 Sa yena mũsa, bucũna mehna ohõ saha ni pijioya. “Pablöre pari turi sinitu duaja”, niña surara pũtorore. Mũsa sa nidi bato surara pũtorore ne cãhta dutiya Pablöre. Sa yena Pablo ohõ cahagã tiquiro wihigũ waro tiquiöre wejênatja usã, niahye tiquina pahia pũtoare.

16 Sa ye Pablo pacjũno tiquina sa ni yahuducugũ tũhoahye. Tiquina sa nigũ tũhoro waha, surara ya wũhũpu Pablöre yahuro sajãhye. 17 Tiquiro sa yahuri bato Pablo pehe ihcãquiro surarare pijio yahuahye tiquiöre:

—Ahriquiro wahmũnore pũtoro cahapu neahña. Ahriquiro mũhu pũtorore yahu duaro nine, niahye Pablo.

18 Tiquiro sa nigũ tũhoro surara pehe Pablo pacjũnore tiquiro pũtoro cahapu ne sa, yahuahye:

—Peresupu ijiriquiro Pablo pehe yũhũre pijio, ahriquiro wahmũnore mũhu cahapu ne cã dutiri. Ahriquiro mũhũre yahuro taro niñohti, niahye surara tiquiro pũtorore.

19 Tiquiro sa nigũ tũhoro pũtoro pehe wahmũno omocare ñehe tuã cã, masa marienopũ tiquiöre sinituahye:

—¿Dũhse nigũ tuũ niari mũhu yũhũre? niahye tiquiro Pablo pacjũnore.

20 Tiquiro sa sinitugũ tũhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiapu judio masa bucũna cahapu mũhũre Pablöre nea dutieta. “Bucũna Pablöre pari turi sinitu duare”, ni mehoeta. 21 Sa niepegũta cuarenta bui cjũno masa tiquiöre wejê duayequina duhti, cohte duare. Tiquina tiquiöre wejêato pano ihyayere ihyasi. Sa ye sihnisi. “Tiquiöre mari wejêdagũ Cohãcjũ marine wejêahdo”, nidi tiquina basi. Sa ye yojopũre mũhũre Pablöre ne cãhta dutiye tiquina pehe duhti, cohte tuhasari, Pablöre wejêne tehe. Sa yegu tiquina yahuye wihigũ tiquinare yũhtieracãhña mũhu, ni yahuahye wahmũno surara pũtorore.

22 Tiquiro sa nigũ tũhoro surara pũtoro ohõ saha niahye:

—Yũhũre mũhu yahurire aequinare yahueracãhña, ni yahuahye wahmũnore. Sa ni tuhasa wahmũnore “Waharĩsa”, niahye tiquiro.

### Pablöre pũtoro Feli wame tiriquiro cahapu ohoahye

23 Sa yero surara pũtoro pũaro tiquiro yequina cien surara pũtoare piji cã, tiquinare dutiahye:



—Dos cientos surarare, setenta caballoa bui pesayequinare, dos cientos doqueye cju cuoyequina mehna Cesareapɯ wahatiquinare tiquina yere quehno dutina wahaya. Sa yena mɯsa mia ñami nueve ijigũ mɯsa wahatore cohteya. 24 Sa yena Pablora caballoare tiquiro pesatiquinare quehno basaya. Pũhtoro Feli cahapɯ, Cesareapɯ, quehnoano soya tiquirore, niahye surara pũhtoro.

25 Sa ni tuhasa papera ojoahye. Ohõ saha ni ojoahye tiquiro: 26 “Yũhũ Claudio Lisia mũhũre tutuagũ pũhto Felire quehnoa dutiaja. 27 Judio masa ahriquiro Pablora ñehe, wejẽmedi. Sa yegũ Roma cjũno tiquiro ijigũ masigũ, yequina surara mehna tiquirore yedohou esau. 28 Sa yegũ tiquirore tiquina yahusãrire masi duagũ judio masa bũcũna cahapɯ ne sau tiquirore. 29 Sa yegũ tiquiro judio masa ye dutiye dihitare tiquiro yũhdũdũcagũ mari ye dutiyere tiquiro yũhdũdũcaeragũ ihũagũ, tiquirore peresupɯ cũ duerũ. Yabe buhiri yariaro mariedare tiquirore. 30 Sa yero judio masa tiquirore wejẽ dua, tiquina bũca quehegũ ihũano apequiro yahuri yũhũre. Tiquiro sa yahuri bato Pablora yojopũre mũhũ cahapɯ ohogũ niaja. Sa yegũ tiquirore yahusãriquinare tiquiro ñañe yerire mũhũre yahu duti tuhasau yũhũ”, ni, ojoahye surara pũhtoro.

31 Sa ye surara tiquina pũhtoro tiquiro dutiriro sahata yeahye. Ti ñamine Antipatri wame tiri macapɯ Pablora ne sahye. 32 Ape decorũ apequina surara caballoa bui pesaerariquina ti macapɯ tojoa tahye tiquina ya macapɯ. Apequina surara caballoa bui pesayequina dihita tiquirore ne yũhdũ cãhye. 33 Tee Cesareapɯ ne sahye Pablora. Sa ye surara pũhtoro tiquiro ohori pũre pũhtoro Felire wiahye. Sa ye Pablora ne sahye pũhtoro cahapɯ. 34 Tiquina sa wiari bato pũhtoro ti pũre tiquiro ihũari bato apequinare sinituahye:

—¿Di yehpa cjũno ijajari ahriquiro Pablo? ni sinituahye tiquiro.

—Cilicia yehpa cjũno ijire, ni yahuahye tiquirore.

35 Tiquinare sinitu tuhasa, Feli Pablora yahuahye:

—Mũhũre yahusãriquina ohõre tiquina wihigũ mũhũ yahugũ tũhoutja, niahye Feli Pablora.

Tiquiro sa nidi bato Herode ya wũhũpɯ tiquirore cũahye. Sa yero tiquiro yequina surarare Pablora cohte dutiahye pũhtoro.

### Pablo “Ñano yerũ yũhũ”, ni yahuahye Felire

**24** 1 Ihcã omope decori bato, Anania pahia pũhtoro, apequina judio masa bũcũna, dutiyere mihnidiquiro Tertulo wame tiriquiro mehna Cesareapɯ esahye. Sa ye tiquina Pablora yahusã duaye pũhtoro Feli cahapɯ esahye. 2 Sa yero Pablora topũre tiquina ne sari bato Tertulo tiquirore yahusã dũcahye. Sa yahusã dũcaro ohõ saha ni yahusãhye Felire:

—Mũhũ quehnoano masigũ, usã pũhto mũhũ quehnoano dutigũ usã ahri yehpa cjãna quehnoano iji cjã usã cahmequeno marieno. Mũhũ dutiye mehna quehnoañe pehere comesaro nine ahri yehpa. 3 Sa yena usã quehnoano iji cãna bucueaja. Sa yena mũhũ mehna quehnoano bucueaja. 4 Yojopũre mehenogã mũhũre cariboutja yũhũ. Mehenogã mũhũ mehna yahuducu duaja. Usãre

tuhodoqueorĩña mũhũ. <sup>5</sup>Ahriquiuro usãre caribo yũhdũare. Ijipihtiye yehpari çjẽnare judio masare tiquina usua saũuducugũ yere ahriquiuro. Sa yero masa tiquina basi cahme tuhtigũ yere ahriquiuro. “Puhtoare cohãuhna”, niñequina mehna çjẽno ijire ahriquiuro. Sa yero nazareno wame tiri curua puhtoro ijire. <sup>6</sup>Sa yero Cohãcjũ wũhure ñano tiquiuro ye duagũ ihñana usã ñehẽi ahriquiore. [Usã ñehedi bato usã ye dutiyere tiquiuro yũhdũducariquiuro ijigũ tiquiore buhiri dahre duami usã. <sup>7</sup>Usã sa ye duepegũta surara puhtoro Lisia wame tiriquiuro tiquiore usãre tutuaro mehna ehma cãri. <sup>8</sup>Came tiquiore yahusãriquinare mũhũ cahapũ waha dutiri Lisia. Tiquiuro sa nigũ tuhona ahtaũ usã.] Mũhũ pũrita ahriquiore sinitugũ, ijipihtiyere tiquiuro ye buhirire masiguta mũhũ, niahye Tertulo Felire.

<sup>9</sup>Tiquiuro sa nidi bato apequina judio masa “Tertulo tiquiuro nidiro sahata poto ijire”, niahye tiquina gũhũ. <sup>10</sup>Tiquina sa ni yahusãri bato puhtoro Feli Pablora yahu dutiahye. Ohõ saha ni yahuahye Pablo:

—Peye cũhmari ahri yehpa çjẽnare mũhũ dutirire masiaja yũhũ. Sa yegũ yũhũ yerire mũhũre yahugũ bucueaja. <sup>11</sup>Doce decorita wahare Jerusalẽpũ Cohãcjũre yũhũ ño peori bato. Mũhũ ahri poto ijigũ masi duagũ apequinare sinituya. <sup>12</sup>Judio masa yũhũre Cohãcjũ wũhũpũre boca tiquina ñehẽgũ masare ni saũuducugũ niedũ. Sa yegũ “Mũsa puhtoare cohãña”, nigũ niedũ. Sa yegũ judio masa buheye wũhũsere, tiquina ya maca gũhũre ne ñano yera tii. <sup>13</sup>Sa ye yũhũre yahusãriquina pehe tiquina yahusãrire “Ohõ saha yeri ahriquiuro”, ni, yahu masiedare mũhũre. <sup>14</sup>Yojoũ yũhũ yerire yahutja mũhũre. Duita usã ñecusũmũa tiquina ño peoriquiurore mari Pacũre ño peoaja yũhũ gũhũ. Sa yegũ tiquiuro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegũta Cohãcjũ dutiye, Moisepũre tiquiuro cũrĩre ti gũhũre ño peoaja yũhũ. Sa yegũ Cohãcjũ yere yahu mũhtariquina tiquina ojoari gũhũre ño peoaja yũhũ. <sup>15</sup>Ahriquina apequina judio masa tiquina tuhõturo sahata Cohãcjũ ijipihtiyequina masare yariariquinare quehnoañequina, ñañequina mehna tiquina masa mũjagũ yerota. Yũhũ gũhũ sata ni tuhotuaja. <sup>16</sup>Sa yegũ buhiri mariedaja yũhũ. Cohãcjũ tire masine. Sa ye masa gũhũ tire masine. Sa ye potota yahujaja yũhũ mũhũre. Sa yegũ quehnoano tuhotuaja.

<sup>17-18</sup>Peye cũhmarine ape siepũ tinidigũ ijigũ Jerusalẽne tojoa wihi, yũhũ acayere judio masa pejecũoyequinare niñerure ohogũ tũũ nii yũhũ. Tojoa wihi Cohãcjũre ño peogu tũũ, tiquiuro ya wũhũpũ sajãmi. Sa yegũ Cohãcjũ tiquiuro cose dutiriro sahata yũhũ basi yũhũ ñañene coseri bato wahiquiurore oho duami tiquiore ño peogu tũhũ. Topũ yũhũ ijigũ ahriquina judio masa yũhũre bocari. Tiquina bocagũ apequina yũhũ mehna mariedari. Usua, saũuducuyequina mariedari. <sup>19</sup>Sa ye apequina judio masa Asia yehpa çjẽna topũ ijiri. Tiquina yũhũ ñano yegũ ihñariquina ijiye, yahusãne ahtaahro. <sup>20</sup>Ahriquina ohõpũre ijiyequina pehe judio masa bucũna mehna yũhũ ijigũ ihñariquina yũhũ ñano yerire masiñe, tiquina gũhũ yahusãahdo. <sup>21</sup>Ihcãnogã pũritare yũhũre tiquina yahusã masine: Ti pje tiquina mehna ijigũ ohõ saha

ni tutuaro sañuducuu yũhu. “Yariariquina masa m̃jaeta’, yũhu nidi buhiri, buhiri dahre m̃sa”, nii tiquinare, ni yahuahye Pablo Felire.

<sup>22</sup>Tiquiro sa ni yahuri bato Feli oh̃ saha ni yahuahye Pablöre:

—Yojop̃u to puno t̃jire. Surara p̃htoro Lisia tiquiro wihiri bato m̃hure yũhu yeatore masiitja yũhu, niahye Feli Pablöre.

Feli pehe Jesu yequina tiquina yerire quehnoano masi pehoriq̃uro ijiahye.

<sup>23</sup>Sa ni tuhasa, Pablöre cohteriquiro surarare Feli quehnoano ih̃ña ñññ dutiahye “Peresup̃u ijiriquiro duhtiari”, nino. Sa ijeperota mehenog̃a ohori tiquiro tiniatore. Pablo mehna c̃j̃nare tiquirore peresup̃u ijiriquirore yedoho dutiro sa dutiahye Feli.

<sup>24</sup>Meheñe decorig̃a bato Feli, tiquiro namono Drusila wame tiricoro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquiro wac̃u tutuayere Pablo pehe yahuahye tiquinare. <sup>25</sup>Sa yahuro quehnoañene, quehnoano wac̃u masiñene, ñañene cahmedare, pihtiri deco ijig̃u Coh̃c̃j̃u masare tiquiro buhiri dahreatore yahuahye Pablo. Tiquiro sa ni yahug̃u t̃horo Feli cuero, Pablöre yahuahye:

—Yojop̃ure wahañisa. Came yũhure dahraye mariedag̃u m̃hure pijiitja t̃ja, niahye Pablöre.

<sup>26</sup>Sa nino Pablo tiquiro niñeru ohog̃u cahmemahye Feli. Sa yero tiquiro niñerure cahmeno, peye tahari Pablöre p̃ji, tiquiro mehna yahuducue timahye Feli. Niñerure tiquiro wapa yeg̃u Pablöre wioboaga, ape taha yero. <sup>27</sup>P̃ña c̃hma bato Porcio Festo wame tiriq̃uro Feli comesariq̃uro ijiahye. Sa ijepeg̃uta Feli pehe p̃htoro ijiro, judio masare buceg̃u ye duahye. Sa yero tiquiro Pablöre peresup̃u iji dutiniahye.

### Pablo Festore tiquiro yerire yahuahye

**25** <sup>1</sup>Sa ye Festo ti yehp̃ap̃u ihtia deco tiquiro ijiri bato, Cesareap̃u ijiriquiro waha, Jerusal̃p̃u esahye. <sup>2</sup>Top̃u tiquiro ijig̃u pahia p̃htoa, judio masa p̃htoa mehna Pablöre tiquina yahus̃aire yahuahye Festore. <sup>3</sup>Pablo mahap̃u wahag̃u tiquirore b̃ca quehe, wej̃e duaye nimahye tiquina. Sa ye tiquina Festore tutuaro sinimahye:

—Pablöre Jerusal̃p̃u ohoya, ni, sinimahye tiquina Festore.

<sup>4</sup>Tiquina sa nig̃u t̃horo, Festo yahuahye tiquinare:

—Yojop̃ure Pablo Cesareap̃u peresu ijire. Yojop̃ure yũhu top̃u wahau t̃nta niaja. <sup>5</sup>Pablo tiquiro ñano yeriquiro ijig̃u, m̃sa p̃htoa Cesareap̃u yũhu mehna waha, tiquirore yahus̃ahdo, niahye Festo.

<sup>6</sup>Sa yero Festo ocho o diez decori tiquina mehna tiquiro ijiri bato Cesareap̃u tojoaa wahahye. Ape decop̃u tiquiro buhiri dahre dutiri w̃h̃p̃u dujiro, Pablöre ne c̃hta dutiahye.

<sup>7</sup>Sa ye Pablo Festo cahap̃u tiquiro wihig̃u, judio masa Jerusal̃p̃u ahtariquina pehe Pablo cahap̃u ducu, tiquirore tutuaro mehna yahus̃a

dũcahye. Sa yahusãepeta “Ahriquiro tiquiro ñano yegũ ihñau”, ni, masiedahye. <sup>8</sup>Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjũ wũhũ cjẽ dutiyere, Roma cjũno pũthoro tiquiro dutiyere yũhdũdũcaerũ, niahye Pablo.

<sup>9</sup>Festo pehe judio masare bucuegũ ye duaro, Pablöre sinituahye:

—¿Jerusalẽpũ waha duajari mũhũ? Mũhũ yerire yũhũre topũ yahuta mũhũ, niahye Festo Pablöre.

<sup>10</sup>Tiquiro sa nigũ tũhoro Pablo yahuahye:

—Ijipihtiyequina pũthoro tiquiro ya wũhũpũ buhiri dahre dutiri wũhũpũ ijijaja yojopãre. Ahri wũhũ boropũ yũhũ yerire tũhoya. Judio masare yũhũ ñano yerarire quehnoano masine mũhũ. <sup>11</sup>Dutiyere yũhdũdũcarigũ ijigũ “Yũhũre wejẽdacãhña”, niedaboaya yũhũ. Sa yegũ ahriquina yahusãri pehe ni mehoñe ijigũ yũhũre yahusãriquinare yũhũre oho masiedare mũhũ. Yũhũ yerire ijipihtiyequina pũthorore Cãsare yahu duaja, niahye Pablo.

<sup>12</sup>Tiquiro sa nigũ tũhoro Festo pehe quehnoano masi yahuyequinare sinitu tuhasa, yahuahye Pablöre:

—Mũhũ ijipihtiyequina pũthorore mũhũ yerire mũhũ yahu duagũ tiquiro caharũ ohonatja mũhũre, niahye Festo Pablöre.

### Festo pũthoro Agripare Pablo tiquiro ijije tiyere yahuahye

<sup>13</sup>Camerũ pũthoro Agripa, Berenice wame tiricoro mehna Cesareapũ Festore ihñañe esahye.

—¿Ne, ijijari mũhũ? niahye tiquina Festore piti caye.

<sup>14</sup>Topũ peye decori tiquina ijiri bato Festo yahuahye Agripare Pablo tiquiro ijije tiyere:

—Ohõre Feli tiquiro peresu yeriquiro ijire. <sup>15</sup>Sa ye Jerusalẽpũ yũhũ wahagũ judio masa tiquina pahia pũthoa, tiquina bucũna mehna ahriquirore yahusãri. “Tiquiro ye buhirire wejẽña tiquirore”, ni, sinidi tiquina yũhũre. <sup>16</sup>Tiquina sa ni sinigũ tũhogũ yũhũ tiquinare ohõ saha ni yahuu. “Roma cjẽna pehe peresu tiquina yeriquinare masare ohoerare. Sa yegũ tiquirore ohoeraja masare. Usã ñehediquirore tiquirore yahusãriquinare tiquiro ihñato pano tiquirore buhiri dahre masiedaja usã. Tiquiro basi tiquiro yerire tiquiro yahueragũ tiquirore buhiri dahre masiedaja usã”, nii tiquinare. <sup>17</sup>Sa yegũ ohõre tiquina wihigũ ihñagũ yoari pje yerũ yũhũ. Sa yegũ ape decopũ buhiri dahre dutiri wũhũpũ dujigũ, tiquina yahusãriquirore pijii. <sup>18</sup>Sa ye ti wũhũpũ tiquiro wihigũ ihñañe tiquirore ihña tuhtiyequina wahcãdũcari. Tiquina sa wahcãdũcagũ ihñagũ “Ña yũhdũaro ni yahusãeta”, ni, tũhotumi yũhũ tiquinare. Tiquirore yahusã duepeta yahusã masiedari tiquina. <sup>19</sup>Sa ye ahriquirore Cohãcjũ yere tiquiro yahuri buhiri judio masa tiquirore tuhtiri. Jesu wame tiriquire tiquiro yaria masa mũjarire tiquiro yahuri buhiri yahusãri ahriquirore. Ahri dihitare yahusãri. <sup>20</sup>Tire masiedagũ tiquirore quehnoano sinituu. “¿Jerusalẽpũ waha duajari mũhũ yũhũ mehna? Topũ yahuya mũhũ yerire yũhũre”, nimi tiquirore. <sup>21</sup>Yũhũ sa niepegũta

tiquiro waha duerari. “Yuhū yerire ijipihtiyequina pūhtorore yahu duaja”, nidi tiquiro yuhūre. Tiquiro sa nidi bato ohōpūta tiquirore cohte dutii, ijipihtiyequina pūhtoro cahapū tiquirore yuhū ohoato pano, niahye Festo Agripare.

<sup>22</sup>—Yuhū basi tūho duaja tiquirore, niahye Agripa Festore.

—Ñamiapū tiquirore tūhoya mūhū, ni yahuahye Festo.

<sup>23</sup>Ape decopū Agripa, Berenice mehna tiquina buhiri dahre dutiri wūhūpū esa, “Pūhtoa ijiaya ūsā”, niñe cua pesaro ye ihñoahye tiquina, surara pūhtoa, ti maca cĕna pūhtoa mehna. Sata ye sajahye ti wūhūpū. Tiquina saĵā sari bato Pablōre pijiahye Festo. <sup>24</sup>Sa yero Festo ohō saha ni yahuahye:

—Pūhto Agripa, mūsa ijipihitina ahri wūhūre cahmecoana, tūhoya. Ohōre ahrikiro peyequina judio masa tiquina yahusārikiro ijire. Jerusalēpū, Cesarepū gūhūre tiquina tiquirore yahusāri. “Tiquirore wejēña”, sa niducuye nine tiquina. <sup>25</sup>Tiquina sa niepegūta ohō saha tūhotuaja yuhū. Ahrikiro ne ñano yerikiro ijierare. ¿Yabe buhiri wejēboagari mari tiquirore? Sa yegū ijipihtiyequina pūhtorore César Augustore ahrikiro yerire tiquiro yahu duagū ijipihtiyequina pūhtoro cahapū ohogūtja tiquirore. <sup>26-27</sup>Sa yegū ahrikiro yerire tūho, quehnoano masiedarĭaja yuhū. Sa masiedagū mari pūhtorore yahu oĵoa masiedaja. Sa yegū mū sare tiquiro yahugū tūho dutigū niaĵa yojopūre. Pūhto Agripa, yojopū pūritare ahrikiro ijire mūhū sinituatiquiro. Mūhū sinitu tuhasa, mari masidi bato ahrikirore tiquina yahusārire quehnoano yahu oĵoautja. Ahrikiro ñano yerire yuhū masiedapēgūta mari pūhtoro cahapū tiquirore yuhū ohogū quehnoaedare. Sa yegū yojopūre tiquina yahusārire quehnoano masi duagū niaĵa, niahye Festo tiquinare.

### Pablo Agripare tiquiro yerire yahuahye

**26** <sup>1</sup>Tiquiro sa nidi bato Agripa Pablōre yahuahye:

—Mūhū basita yahuya, niahye tiquiro Pablōre.


Tiquiro sa nidi bato Pablo pehe, “Dihta mariañā”, nino tiquiro omocarine siō mūo, tiquiro yerire yahuahye:

<sup>2</sup>—Pūhto Agripa, yuhūre judio masa tiquina yahusārire, yuhū yerire mūhūre yahugū, yojopūre quehnoano jeripohna tiaĵa. <sup>3</sup>Mūhū judio masa ūsā yee tiyere, ūsā buheye gūhūre mūhū quehnoano masigū pūritare bucueaja yuhū. Sa yegū mūhū yuhūre quehnoano tūhoya, ni dūcahye Pablo.

### Pablo Jesu yaquiro tiquiro ijiato pano tiquiro ijie tirire yahuahye

<sup>4</sup>Sa ni tuhasaro ohō saha ni nemoahye tiquiro:

—Wahmū yuhū ijie tirire ijipihtiyequina judio masa masine. Ijipihtiye decori yuhū masa bajuari bato yuhū ya dihtapūre, Jerusalēpū gūhūre yuhū ijirire masine tiquina. <sup>5</sup>Coā waropūre fariseo masū ijimi. Sa yegū fariseo masa tiquina dutiyere, tiquina yeye borore ye pehogū yuhū ijigū tiquina masine. Tiquina mūhūre yahu duaye, tire yahu masine tiquina. <sup>6</sup>Ahri buhirita yuhūre yahusā mūĵare. Ūsā ñecūsumūa iĵi turiayequinare “Yariariquinare masoutja”,



(Hechos 26.2)

Cohācjū tiquiro ni cūrire “Poto tjire”, yuhū nidi buhiri ahriquina yuhūre yahusā mājare. <sup>7</sup>Yuhū acaye judio masa ijipihtiyequina doce cururi cjēna Cohācjū masare tiquiro masoatire bucue, cohteducure. Sa ye Cohācjūre ño peoducure. Sa cohteducuyequina ijiye usā yero saha yere tiquina. Pūhto Agripa, sa ihcāno saha yena usā ijiepegūta tiquina pehe tiquiro masoatire yuhū cohteri buhiri yuhūre yahusā mājare judio masa. <sup>8</sup>¿Musa judio masa pehe dūhse yena Cohācjū tiquiro masorire tiquina yahugū tūho duerajari musa, judio masa? ni yahuahye Pablo.

**Pablo Jesu yequinare tiquiro ñano yee tirire yahuahye Agripare**

<sup>9</sup>Sa ni tuhasa ohō saha ni yahu nemoahye:

—Jesure Nazare cjūnore ihñedarīgū, ñañe dihitare ye duami tiquiro yequinare. <sup>10</sup>Sa yegū Jerusalēpū sa yee timi yuhū. Pahia pūhtoa yuhūre tiquina dutiri bato peyequina Jesu yequinare peresu yee tii. Sa yegū pūhtoa tiquinare wejē dutigū, wejē dutii yuhū gūhū. <sup>11</sup>Peye tahari ijipihtiye judio masa buheye wūhūsepū Jesu yequinare ñano ye dutie tirū. Sa yegū Jesu yequina Jesure tiquina cohāgū ye duagū nimi. Tiquina mehna tutuaro usuahū yuhū. Sa yegū apeye macaripū gūhūre tiquinare ñano yegū esae tii yuhū, ni yahuahye Pablo.

**Pablo Jesu yaquiro tiquiro waharire yahuahye**  
(Hch 9.1-19; 22.6-16)

<sup>12</sup>Sa ni tuhasa ohõ saha ni yahu nemoahye:

—Damascopu Jesu yequinare ñano ye duagu esami. Tiquinare ñano yuhu ye duagü ihñañe pahia puhto yuhure waha dutiri. <sup>13</sup>Ohõ saha ijiri puhto Agripa: Coheri pje ijigü waro mahapu yuhu wahagü umuano cjẽ asi siteye, asü deco cjẽno yuhduoro, yuhure yuhu mehna wahayequina gũhure asi siteri. <sup>14</sup>Usã ijipihtina yehpapu bora quehe sa, judio masa ye mehna yuhure tiquiro yahuducugü tãhou. “¿Saulo, dahse yegu muhu yuhure ñano yeajari? Muhu yuhu mehna usuagu yuhure yuh tieragu, muhu basi ñano yuhdure”, nidi yuhure. <sup>15</sup>“¿Puhto, noa boro ijiajari muhu?” ni, sinituu yuhu. “Yuhu Jesu, muhu ñano yenohrigu ijiaja. <sup>16</sup>Wahcãducaya muhu. Muhure yuhu cahacjũ ijiajũ yegu tagu, vojopu bajuaja yuhu. Miare yuhure muhu ihñarire, came muhure yuhu ihñoati gũhure apequinare yahuguta muhu. <sup>17</sup>Judio masare, judio masa ijieyequina gũhure muhure buhe dutigu ohogutja. Tiquina cahapu muhu ijigü, muhure tiquina ihña tuhtigü muhure yedohogutja. <sup>18</sup>Yeere tiquinare masigü yeya muhu. Sa yegu tiquinare ñañene duhugü yeya. Quehnoañe pehere comesagü yeya tiquinare. Watĩnore cahmedagü yeya muhu. Sa yegu Cohãcjũ ye pehere yegü yeya muhu tiquinare. Muhu sa yegü tiquina yuhure wacü tutuaeta. Tiquina sa wacü tutuagü ihñagu tiquina ñañe yerire boutja. Sa ye tiquina Cohãcjũ tiquiro beseriquina mehna cjẽna ijietã. Tiquiro ohoatire cãoatiquina ijietã tiquina”, nidi Jesu yuhure, ni yahuahye Pablo.

**Pablo tiquiro yerire tiquiro dahrayere yahuahye**

<sup>19</sup>Sa ni tuhasa ohõ saha ni yahu nemoahye:

—Puhto Agripa, umuano cjẽ yuhu tuhoyere yuhducãerũ. <sup>20</sup>Damascopu buhe muhtaũ. Came Jerusalẽpu buhei tja. Came Judea yehpapu, judio masa ijieyequina cahapu gũhure masare tiquina ñañe yerire bujua witi dutii, Cohãcjũ yere cahme dutigu. “Quehnoañene masa yegü ihñañe ñañene masa bujua witiyere apequina masieta”, nigũ, tiquinare quehnoañene ye dutigu buhei. <sup>21</sup>Cohãcjũ ya wuhũpu yuhu ijigü yuhu sa ni yahuri buhiri judio masa yuhure ñehe, wejẽ duamedĩ. <sup>22</sup>Tiquina sa yepẽgũta decoripe Cohãcjũ tiquiro yedohoro mehna sa buheducaja. Sa yegu vojopure masa ijipihtina puhtoare, ihyo ijina gũhure tiquiro yere yahugũ njaja. Panopu cjẽna Cohãcjũ yere yahu muhtariquina, Moise mehna tiquina yahuyuriro sahata yahuaja yuhu gũhũ. Ohõ saha ni yahuyuahye tiquina. <sup>23</sup>“Cristo Cohãcjũ ohoriquiro pehe ñano yuhdurota. Sa yero yariaro masa muja muhtariquiro waharota tiquiro. Sa yero masare tiquiro yuhduoatire judio masare, judio masa ijieyequina gũhure masigü yerota”, ni yahuyũ ojoae tiahye panopu cjẽna. Yuhu gũhũ tiquina yero sahata yahuaja, ni yahuahye Pablo Agripare.



### Pablo Agripare Jesu yaquiro wahagũ ye duamahye

24Tiquiro sa ni yahuri bato Festo tiquirore tutuaro sañuducu yahuducuahye:  
—Pablo, mũhũ tũho masiegu ijire. Mũhũ peye buhegu cohto tia wahare, ni sañuducuahye tiquiro Pablore.

25Tiquiro sa nigũ tũhoro Pablo yũhtiahye Festore:

—Pũhto, tũho masiegu ijieraja yũhũ. Yũhũ yahuye ijirota ijire. Sa yegu yũhũ ahrire cua pesaro mehna quehnoano niaja. 26Pũhtoro Agripa pehe ahri yũhũ yahurire quehnoano masine. Sa yegu yũhũ tiquirore cuero marieno yahuaja. Ahri yahuyere ijipihitieuquina masa masine. Sa yegu ijipihitieu ahrire yũhũ nidire pũhtoro Agripa tiquiro masigũ masiaja yũhũ, niahye Pablo Festore.

Sa ni tuhasa ohõ saha niahye Agripare:

27—Pũhto Agripa, Cohãcjũ yere yahu mũhtariquina tiquina yahue tirire tũhore mũhũ. Tiquina yahue tirire mũhũ tũhogũ masiaja yũhũ, niahye Pablo Agripare.

28—¿Ahrire yũhũre yahugũ mehenogã mũhũ yahuye mehna Jesu yaquiro yũhũ wahagũ ye duagu njajari mũhũ? niahye Agripa Pablore.

Tiquiro sa nigũ Pablo yũhtiahye:

29—Mehenogã yahuducugũ o yoari pje yahuducugũ mũsa ijipihitinare “Yũhũ ijiro sahata Jesu yequina ijiahro”, ni sini basaja Cohãcjũre. Sa sinipegũta yũhũ yero saha peresupũ mũsa ijigũ cahmedaja yũhũ, niahye Pablo Agripare.

30-31 Tiquiro sa nidi bato Agripa, Festo, Berenice ijipihitieuquina apequina mehna wahcãdũca, wjia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejẽboagari? ni, yahuducuahye tiquina basi.

32—Ahriquiro “Ijipihitieuquina pũhtorore César pehere yũhũ yerire yahu duaja”, tiquiro niedagũ mari wioboaya tiquirore peresupũ ijiriquire, niahye Agripa Festore.

### Pablo tiquirore tiquina yahusãrire Romapũ yahuro wahahye

**27** 1Pablore Italiapũ yucusa mehna ohoye tehe, tiquirore apequina mehna tiquina peresu yeriquina mehna Julio wame tiriquire mehna cũri tiquina. Julio cien surara pũhtoro ijiro, tiquiro ya curua “Augusto yequina surara”, wame tiri. 2Sa yena Adramitio wame tiro cjãria yucusapũ sajãũ usã. Tia Asiapũ wahatia ijiri. Sajã tuhasa, tia mehna wahãũ. Aristarco Tesalónica wame tiri maca cjũno usã mehna wahari. Tesalónica Macedonia yehrapũ ijire. 3Ape decorũ usã Sidõpũ esã. Topũ esaro Julio Pablore quehnoano yeri. Sa yero Pablore tiquiro mehna cjẽna cahapũ ihũano waha dutiri. Sa yero Pablo mehna cjẽna tiquirore tiquiro cahmeñene tiquina ohogũ “Quehnoanota”, nidi Julio. 4Yucusa mehna usã pehãgũ tutuaro wihnono usãre ape siepũ wẽdoque pehõri. Sa yena Chipre wame tiri nũcũo cahmotaropũ poto peherũ wahãũ usã. 5Tee Ciliciare yũhdũa, Panfilia gũhũre yũhdũa, Mira wame tiri macapũ Licia yehrapũ ijiri macapũ pehã saũ.

<sup>6</sup>Topu esana, Alejandriapu ahtariare, Italiapu wahatiare yucusare bocau. Sa yero usare tiapu waha dutiri surara puhtoro. <sup>7</sup>Peye decori dero dero waha, “Wape cuo yuhduare”, ni, waha, Gnido wame tiri maca potopu esau usa. Topu esa yuhduu, wihnono tutuaro wegü, usa waha duariporu usare we ohodari. Sa yena usa cu pehe pehepu majare pehaa waha. Sa yena Creta wame tiri nucuo cahmotari pahrë pehe usa pehaa waha, Salmón wame tiri noare yuhduu waha usa. <sup>8</sup>Topu yuhdu, ti nucuo duhtu cahapu waha, “Wape cuo yuhduare”, ni, waha, Quehnoari petamaha wame tiropu waha sau. Petamaha Lasea wame tiri maca cahapu ijiri.

<sup>9</sup>Topu yoari pje usa ijiri bato, usa wahato pehe cua yuhduari. Sa yero tiquina sijiri deco bose deco yuhduari bato, Pablo tiquinare yahuri:

<sup>10</sup>—Tuhoya musa. Sijiri deco bose deco bato mari wahagü marine minino cua yuhduare. Ahria yucusa, yucusa cje, musa doeri cje gühu mari mehna cjeña gühu mari butiboaga mari wahana, nidi Pablo.

<sup>11</sup>Tiquiro sa niepegüta surara puhtoro yucusa upurore tuhoro, ohoturiquiro gühure tuhoro, Pablo yahuye pehere tuho duerari waha duaro. <sup>12</sup>Tiquina pahasari petamaha quehnoari petamaha pohecü ijigü tiquina pahasari petamaha ijierari. Sa ijiri petamaha ijigü yucusa cjeña peyequina waha dua, Fenicepu yojoa duamedi. Fenice Creta wame tiri nucuo cja petamaha ijiro, wihnono ahtaro pehe, asü sajano pehe cu pehe pehepu, poto pehepu gühure ihnadoqueo, wihnono ahtagü quehnoano cahmotari maca ijiri. Sa ijiri petamaha ijigü masine tiquina topu ihca pohecü iji duamedi.

### **Pajiri mapu wihnono, acoro mehna pajiro we cähtahye**

<sup>13</sup>Sa ye sur pehe derogä wihnono ahta ducari. “Miare quehnoari deco mari wahati deco ijire”, ni tuhutumahye tiquina. Sa wihnono wegü yucusa mehna waha duca, Creta nucuo duhtu cahagä yojoau usa. <sup>14</sup>Sa yojoaepögüta came cjuño wihnono noreste wame tiri wihnono tutuaro wedi. <sup>15</sup>Sa yero yucusare wihnono tutuaro waha wihiri. Wihnono ahtaro pehere waha masiedana, majare paha, wihnono weonopu waha usa. <sup>16</sup>Cauda wame tiri nucuogä cahapu sur pehepu waha, ti nucuogä usare mehenogä cahmotari. “Marine wape cuo yuhduare”, nina tore pajiria yucusa cjarä meheniagä yucusagäre quehnoano weje peo duhte usa. <sup>17</sup>Tiagäre yucusapu usa weje peo duhteri bato pajiria yucusapu pajiri da mehna tiquina wahme nehe peori. Sirte wame tiri padurore “Tia yucusa doque waha sari”, niñe, cue nidi tiquina. Sa ye wihno neheñe suhtire tiquina ne dijiori bato yucusa dihitare wihnono wedoqueroi. <sup>18</sup>Wihnono, acoro mehna tutuaro ahtari. Ape deco gühure wihnono munanota ahtagü ihñañe tiquina doeri cjeñe diapu duredoque no tuhasa, pehaa waha usa. <sup>19</sup>Ape deco yucusa cjeñe diapu cohäri tiquina basi. <sup>20</sup>Peye decori nicuñe decori ijigü, asü deco cjuño nahpicoha paca gühu ne bajuerari. Sa yero tutuaro wihnono wedi. Sa yena “Minia wahaja mari. Sa yena yariaa wahanata”, ni tuhutumi usa.

21 Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano musare yuhũ yahugũ tuhoerari musa. “Cretapũ ijirina mari wahagũ cuarãga”, yuhũ nigũ tuhoerari musa. Yuhũre tuhona, ahria cjẽ ijipihitiyere boeraboaya musa. 22 Sa niepeguta yojopũ musare yahuaaja. Cueracãhña. Ijipihitina mari yuhdunata. Ahria yucusa dihita marine wahtia waharota. 23 Mia ñamine Cohãcjũ yaquiro angel yuhũre bajuari. Cohãcjũ yaquiro ijiaja yuhũ. Sa yegũ tiquirore ño peoaja yuhũ. Angel pehe yuhũ cahapũ ahtaro, yahuri. 24 “Pablo, cueracãhña. Ijipihitiyequina puhtorore mũhũ yerire mũhũre yahuro cahmene. Cohãcjũ quehnoariquiro ijire. Sa yero tiquirore mũhũ sinidiro sahata yojopũre mũhũ mehna cjẽna gũhũre yedohorota”, nidi yuhũre angel. 25 Sa yena cueracãhña musa. Angel yuhũre tiquiro nidiro sahata waharota. Cohãcjũre wacũ tutuaja yuhũ. Sa yegũ tiquiro yahuriro sahata “Ijirota ijire”, ni tuhutuaja yuhũ. 26 Yuhũ sa niepegũta marine nũcũopũ wihnono wẽdoque ohõnota, ni yahuri Pablo tiquinare.

27 Ihcã ñami pũa semana bato pajiri ma Adria wame tiri mapũ wihnono usãre tutuaro wẽdi. Ti pjere ñami decopũ yucusa cjẽna umũa pehe “Duhtũ cahapũ ijiaja mari”, ni tuhuturi tiquina. 28 Sa ni tuhutuye nũcũria comea yuta da mehna duhte, duhudoque dijio, queori. Treinta y seis metro waro uhcũãri. Mehenogã waha, queori tja. Ti pjere veintisiete metro waro uhcũãri. 29 Sa ye utã pacare “Doque wahã sari”, niñe yucusa ohoturopũ pititia pjine duhte pohoye pjĩnine duhudoque dijiori diapũ. Sa ye “Sojaro mehna bohreahro”, ni, tutuaro sinidi tiquina. 30 Yucusa cjẽna umũa pehe duhtimedĩ. Tiquina meheniagãre yucusa cjãriare diapũ weje boro poho, yucusa ehquẽapũ duhte pohoye pjĩnine tiquina dijioriro sahata yeri tiquina meheniagãre “Marine ihñari”, niñe. 31 Tiquina sa yepegũta Pablo surara puhtorore, tiquiro yequina surara mehna yahuri:

—Ahriquina umũa meheniagã yucusa mehna tiquina wahagũ musa ijipihitina yarianata, nidi Pablo.

32 Tiquiro sa nigũ tuhoye surara pehe meheniagãre duhteyẽ darire yuhũre sure, tiare cohãri.

33 Bohreato panogã Pablo tiquinare tutuaro ihya dutiri:

—Pũa semana waro musa duhse wahatire masi duana, cohtena, ne ihyerari musa. 34 Sa yena yojopũre ihyana taya. Tutuaro musare ihya dutiaja. Musã cati duana ihyaya. Ijipihitina musã yuhdunata, nidi Pablo tiquinare.

35 Tiquiro sa nidi bato Pablo pãre ne, ijipihitiyequina tiquina ihñonopũ Cohãcjũre “Quehnoare”, ni duhu peo, tire ihya dũcari tiquiro. 36 Tiquiro sa ihyagũ ihñãñe tiquina cuero marieno waha, ijipihitiyequina tiquina gũhũ ihyari. 37 Usã ijipihitina doscientos setenta y seis masa yucũsapũ ijii usã. 38 Tiquina ijipihitiyequina yapia waha “Ahria yucusa nũcũ niaga”, ni, peye trigo ihyayere diapũ cohãri.

### Yucusa padũropũ doque quehe sahye

39 Bohreagũ yucusa cjẽna umũa nũcũore ihñãñe, “Ohõ saha wame tiri nũcũo ijire ahri nũcũo”, ni, ihñã masiedari. Sa masiedapeta tiquina pari tucũpũ



(Hechos 27.29)

paduro ijigū ihñañe, “Mari ti tucūpū wahana, topure doque pje saboaga paduropū”, nidi tiquina. <sup>40</sup>Sa niñe dūhte pohoye pñinine dūhteyē darire yūhre sure dijioahye. Ohoturi pñi dūhteyē dari gūhure yūhre sure cāri tiquina. Tiquina sa yeri bato yucusa ehquēa cñā suhtirore wahcō docori, poto wihnono wēdoqueogū cahmeñe. <sup>41</sup>Sa yepegūta yucusa ehquēa pehe ape paduropū quehe sa, nūjua masiedari. Sa yero ohoturore tutuaro pahcōri quē ohōgū tia ohoturo wahtia wahari. <sup>42</sup>Tia sa wahagū ihñañe ohō saha nidi surara:

—Ahria minigū mari peresu yeriquina dūhtū cahapū ba nūjua duhtieta. Sa yena tiquinare wejē pehouhna, nidi surara.

<sup>43</sup>Sa niepegūta surara pūhtoro pehe Pablōre wejē dueraro, ijipihtiyequina peresu ijiyequinare wejē duerari. Sa yero ijipihtiyequina ba masiñequinare surara pūhtoro poto dūhtū cahapū ba nūjua dutiri. <sup>44</sup>Sa ye apequina yucusa cñē pñini wahti siteri pñini mehna bora ñojoa, ti pñini bui pesa ba nūjuari. Ūsā sa yena ūsā ijipihtina dūhtū cahapū wahā sau.

Pablo Malta wame tiri n̄c̄uor̄u ijiahye

**28** <sup>1</sup>Sa ye ti n̄c̄uor̄u us̄ã ijipih̄tina majad̄uca sana, ti n̄c̄uo wamene masii. Malta wame tiri n̄c̄uo ijiri. <sup>2</sup>Ti n̄c̄uo c̄j̄ena masa us̄ãre quehnoano yeri. Sa yena us̄ã acoro weri bato yus̄ua yuh̄duari us̄ãre. Sa ye to c̄j̄ena pehe peca wijiã tuhasa, us̄ãre soh̄ma dutiri. <sup>3</sup>Pablo pecare ne c̄ãhta, tu tiãri. Tiquiro tu tiãri bato ti peca puhiap̄u sañariquiro aña tutuaro asigũ wijiã taro, Pablo omocap̄u bahque wahã sari yaha wero marieno. <sup>4</sup>Tiquiro bahque wahã sagũ ih̄ñañe ti n̄c̄uo c̄j̄ena tiquina basi oh̄o saha ni yahuducuri:

—Ahriquiro masa wej̄ediquiro ijiboaga. Sa yero tutuaricoro buhiri dahrerico ro uhm̄se c̄j̄ono tiquirore buhiri dahrero, cati dutierare. Tiquiro pajiri map̄u minino yuh̄du tuhasari jimedi. Yojōp̄are ticoro pehe tiquirore cati dutierare, nimedi tiquina basi.

<sup>5</sup>Sa niepegũta Pablo añare pecap̄u wej̄e sitedoqueori. Tiquirore aña puriedari. <sup>6</sup>“Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore puriedari. Yoari pje bato tiquirore ipieragũ ih̄ñañe, tiquirore puriedagũ ih̄ñañe, sijoro tãhoturi tiquina. “Ahriquiro cohãmana mehna c̄j̄eno ijiboaga” nimedi tiquina.



(Hechos 28.5)

<sup>7</sup>Tiquina ba wahã sariro cahagãpũ Publio wame tiriquireo ye weseri ijiri. Tiquiro ti nũcũo cjũno pũhtoro ijiri. Sa yena usãre tiquiro quehnoano yegũ ihtia deco waro tiquiro ya wũhũpũ ijiniĩ usã. <sup>8</sup>Publio pacuro yojoa mehna, ujuaye dohatiriquireo ijiri. Sa yero tiquiro cuñanopũ cuñari. Sa yero Pablo dohatiriquireo ya tucũpũ saja, Cohãcjũre sini, tiquiro omocarine tiquiro bui duhu peo, quehnoa wahagũ yeri tiquirore. <sup>9</sup>Tiquiro quehnoa wahagũ ihñãne ijipihtieyquina apequina ti nũcũo cjẽna dohatiyequinare Pablo cahapũ ne cãhtari. Tiquina sa ne cãhtagũ ihñano Pablo quehnoa wahagũ yeri tiquina gũhũre. <sup>10</sup>Came tiquina peyequina usãre wapa marieno ohori. Usã wahato panogã ijipihtieye usã cahmeñene, usã wahana ihyatire yucũsapũ dure sãri tiquina.

### Pablo Romapũ esahye

<sup>11</sup>Ihtia asũ ti nũcũopũ usã ijiri bato yucũsa mehna wahaũ usã. Tia yucũsa ehquẽapũ pũaro cohãmana Cãstor, Pólux wame tiyequina tiquina queoye ducuri. Alejandrĩapũ ahtaria ijiri tia. Pohecũ ijiro puno ti nũcũopũ tia yucũsa pahsari. <sup>12</sup>Waha, Siracusa wame tiri macapũ esana, ihtia deco waro ti macare ijii usã. <sup>13</sup>Ti macare wijia, waha, Regio wame tiri macapũ usã esau. Ape decorũ surpũ wiñnono ahta, usãre wẽdoqueori. Pũa deco bato Puteoli wame tiri macapũ esau. <sup>14</sup>Topũ Jesu yequina meheñequinagã usãre piti cari. —Ihcã semana waro usã mehna tojoaya, nidi tiquina usãre.

Tiquina sa nigũ tũhona ihcã semana waro tiquina mehna tojoarĩ. Came mahapũ maja, Romapũ esau usã. <sup>15</sup>To cjẽna Jesu yequina pehe Romapũ usã esatire tũhoye, Apio wame tiropũ doeri cjẽne duaropũ usãre piti cari. Apequina Jesu yequina ihtia wũhũ wame tiropũ usãre piti cari. Tiquina sa piti cagũ ihñano Pablo bucueye mehna Cohãcjũre “Quehnoare”, ni, quehnoano jeri sãa wahari.

<sup>16</sup>Romapũ usã esari bato peresu tiquina yeriquinare to cjũnore peresu cohteyequina pũhtoro yahuri. Sa yahuepegũta Pablo pehere ihcãquirola cũri to cjẽna pũhtoa. Sa yero tiquirore ihcãquirola surara cohteri.

### Pablo Romapũ buheahye

<sup>17</sup>Ihtia deco bato Pablo judio masa pũhtoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yũhũ acaye, mari acayere, mari ñecũsumũna panopũ cjẽna tiquina yee tirire, marine tiquina buheri gũhũre yũhdũducaera tii yũhũ. Yũhũ yũhdũducaerapegũta Jerusalẽpũ yũhũre ñehedi apequina judio masa. Tiquina sa yeri bato Roma cjẽnare yũhũre peresu ye dutiri tiquina. <sup>18</sup>Tiquina sa yegũ Roma cjẽna yũhũre sinitu, yũhũ ñano yerarigũ yũhũ ijigũ yũhũre “Buhiri tiriquireo ijire”, ni masiedari. “¿Ne yabe buhiri wejẽboagari mari tiquirore?” nidi yũhũre tiquina. Sa ye yũhũre sinitueyquina pehe yũhũre wio duamedí. <sup>19</sup>Judio masa pehe yũhũre wio dutierari. Sa yegũ yũhũ acayere judio masare yũhũre tiquina yerire yahu duerapegũta “Ijipihtieyquina pũhtoro yũhũ yerire poto yahu duaja yũhũ”, ni siniĩ yũhũ. Judio masa yũhũre tiquina wio dueragũ ihñagũ “Romapũ yahuro cahmene yũhũre”, nii

yahu. <sup>20</sup>Sa yegu musare ahrire yahu duagu pijii. Cristo marine yuhduoatiqiro judio masa tiquina cohteriqiro yere yuhu yahuri buhiri yuhu peresupu ijiaja. Sa yegu tire musare yahugu tuhu pijii, nidi Pablo judio masa puhtoare.

<sup>21</sup>Tiqiro sa nigū tuhoye tiquina pehe tiqirore yahuri:

—Judio masa mūhure qiti yahuye pūrine usāre ne ohoerari. Sa ye topu ahtariquina gūhu usā acaye usāre mūhu sa waharire yahuera tiri. Tiquina “Tiqiro ñano yeriqiro ijire” ni mūhure yahuerari. <sup>22</sup>Tiqina sa yahurapegūta mūhu ya curuare ijipihtiropu masa ñano tiquina yahuducugū usā masiaja. Sa masina mūhu buheyere mūhu yahugū tuho duaja usā, nidi tiquina tiqirore.

<sup>23</sup>Sa ni tuhasa, “Ape decopu ijihna”, nidi tiquina. Ape decopu Pablo mehna cahmecoa mūhtariquina yuhduoro masa peyequina tiqiro ijiropu wihiri. Ñami cjunogā Cohācjū tiqiro puhtoro ijiyere quehnoañe buheyere tiqiro buhe dūca, tee ñamipū buhe duhuri. Cohācjū dutiyere Moisepūre tiqiro cūrre, Cohācjū yere yahu mūhtariquina tiquina ojoari gūhure buheri. Sa buhero, tiquinare Jesure masigū ye duaro nimesi Pablo. <sup>24</sup>Ihqēquina tiqiro buherire cahmedi. Sa cahmepegūta apeqina pehe tuho duerari. <sup>25</sup>Sa ye tiquina basi pua curua tu wa, wahaye tee nidi. Tiquina wahato pano Pablo Isaia tiqiro yahuducurire yahuri. Ohō saha nidi tiquinare:

—Isaia Cohācjū yere yahu mūhtariqiro tiqiro yahuri ijirota ijire. Mari ñecusumua muna iji turiayequinare yahuro taro Espiritu Santo Isaia ohō saha ni yahu ojoa dutiahye:

<sup>26-27</sup>Ahrire ahriquinare yahugu wahaya: “Dapu paca butina ijire musa. Sa yena yeere tuho duerare musa. Cahmo coperi susueyequina yero saha tuho duerare musa. Sa yena yeere tuhoopenata tuhosi musa. Musa sa ijierana quehnoano tuhoboaya musa. Sa yena quehnoañe pehere comesaboaya musa. Sa yegu musare pecapu wahaborinare yuhduoboaya yuhu”, nidi Cohācjū, ni ojoahye Isaia, nidi Pablo tiquinare.

<sup>28</sup>Tiqiro sa nidi bato Pablo yahu nemori:

—Ahrire masiña musa. Cohācjū ye buheyere masare tiqiro quehnoano yuhduoyere judio masa ijieyequinare buhenatja usā. Tiquina pehe tuhoeta, nidi Pablo judio masare.

<sup>29</sup>Tiqiro sa nigū tuhoye judio masa tire tiquina basi tutuaro cahme duse tini wia, wijiari.

<sup>30</sup>Pua cūhma waro Pablo apeqina wasori wūhūpū, tiqiro ijieye wapa wapa yeati wūhūpū ijiri. Topu ijiro, ijipihtiyequina ti wūhūpū wihiyequinare bucueye mehna piti cari tiqiro. <sup>31</sup>Sa yero tiqiro cuero marieno Cohācjū puhtoro ijiyere, mari puhtoro Jesucristo ye gūhure buhe tiri. Tiqiro sa buhegū ne apeqina tiqirore “Buheracāhña”, nieda tiri.